


NTCHIFUKWA ULI ISE NDISE BUNGWE CHARA?

 Ndi mwaŵi kuŵa kuno pa guwa kamosaso, pati pajumpha pafupifupi, ine nkhusachizga, pafupifupi myezi yitatu nindizeko. Wábenga wákawá na nyengo yinonono, ntheura naneso. O, ndapumurapo, nangauli, sono, ndipo iwe ukuwona ngati unganjiraso mu chisopo kamosaso. Ndipo kukhazganga sono kuti tizakayambe sabata yikwiza iyi, Chitatu chikwiza ichi usiku, ku a—chisisimuso nkhanira muno mu kachisi. Ndipo usange Chiuta wazomerezga, ine ndachita ngati wa . . . Fumu yandilayizga ine wakupambana ndipo mtundu uphya wa utumiki. Ndipo usange Iyo chakumukondwereska kuchita mwantheura, ine nkhugomezga kuzakayamba uwo—mtundu uwo wa uteweti uphya sabata yikwiza iyi, pano pa kachisi, ku malo ghakudanga.

² Ndipo pamanyuma, ine ndirije mndandanda wa maungano, kweni Australia na New Zealand pera, gha Janyuware wakwiza uyu. Ndipo pamanyuma M'bale Osborn wakuchemeska ungoro wachisazga icho ine nkhamulayizga iyo kuno nyengo yinyake kale, mu Tulsa, kweni panthazi pachoko, kweni ise tiri na chisimikizgo chara za icho.

³ Changuwa chiweme chomene, M'bale Jeffreys, kuti nangukorako chasa chako kunyuma uku, ndipo kweniso kumapulika mnyamata wako wakwimba sumu yira, ndipo iwe walizganga. Ine nkchuchitemwa icho, dada na mwana. Kasi imwe mukuchitemwa chara icho? “Mulereni mwana umo iyo wakwenera kukulira.” Uwo mbunenesko, Mr. Guenther, iwe—iwe ukumanya kuti uwo mbunenesko, mose wawiri imwe. “Mulereni mwana umo iyo wakwenera kukulira, ndipo para iyo wakura ichi chizamukuleka chara.” Ndipo uwo mbunenesko. Panyake zingazakawako nyengo zinyake kuti iyo wangachileka ichi, kweni ichi chizamukuleka chara iyo. Mukuwona? Ichi—ichi nyengo zose chizamukhala na iyo. Kusambizgika kwa kuwanichi kula na chirichose icho iyo wali kusambizgika kuchita, ichi—ichi chizamukhala nkhanira na iyo. Sono, ichi ndi . . .

⁴ Ine nangukumana na M'bale Jeffreys kuwaro kula, ndipo ine nanguti, “M'bale Jeffreys . . .” Ine nangughanaghana, imwe mukumanya, ine nyengo zose ndine wakukondwa kuwona waliyose wa wabale wane nkhuwayendera kuti wafika, kweni usiku wantheura kuwa na m'bale wakukuchezgera kuti wafika! Uwu ndi usiku wa wabale pera awo wakwiza ku kachisi, kufupi waka na chisisimuso ichi. Uwu ndi usiku . . . Ise tikukhumba

kuti titore usiku uwu, na machero mlenji, na machero usiku, pa icho ise tikugomezga waka pano pa kachisi, kuti—kuti tiwerezgepo ichi kamosaso. Ise tiri na vigomezgo vinyake vyakuziziswa, vyachilendo chomene, kweni munthowa yinyake panji chinyake ise tikuvisanga ivi mu Baibolo ili. Ivi vikuwoneka kuti vikusangika mwenemula.

⁵ Ndipo sono, usange pangaŵa m' bale mlendo panji mlongosi wali muno, uyo ngwa bungwe linyake, panji—panji wakususka, mukhale waka mwenemumo usiku uwu, ise tikukhumba kuti imwe mumanye kuti ndimwe ŵakupokerereka mwakufikapo. Wonani, imwe ndimwe waka ŵakupokerereka umo imwe mungamanya kuŵira. Kweni sono ine nkugomezga. . . Ndipo ise tikupanga ichi chakupweteka chomene. Mwantheura usange chikuwoneka kuti imwe mukuzomerezgana nacho chara, inya, sono, imwe muchite icho ngati ndiumo ine nkuchitira para nkurya chipaso icho chiri na njere. Ndipo para ine nkurya chipaso icho chiri na njere, cheneicho ine nkutemwa, ine nyengo zose, para ine. . . Para ine nkurya chipaso chiri na njere, usange ine ndaruma njere, ine nkutaya chara chipaso. Ine—ine nkutaya waka njere ndipo nkurutirira kuryanga chipaso. Mwantheura, panji ngati ukurya nyama ya nkukono. Sono, imwe mose mukutemwa nkukono, wonani. Ndipo para imwe mwaruma chiwangwa, imwe mukuleka chara, imwe mukuzingilira waka chiwangwa ndipo mukurutirira kuryanga nyama ya nkukono. Inya, umo ndimo imwe muchitire usiku uwu, icho ine nkuyowoya apa, imwe mbwenu. . . para imwe mwafika pa chinyake, imwe mukuti, “Sono, ine—ine ntha. . . Ine ndakhala waka mu uwu, ngati Visambizgo vichoko vya mpingo, mu maungano ghatatu ghakwiza agha. Iwo ŵakuwerezga waka ivyo iwo—ivyo iwo ŵakugomezga, na kuwerezgangapo ichi.”

⁶ Ndipo nthowa yimoza pera iwe ungamanya kumupanga munthu wagomezge Ichi, njakuti udidimizgepo mwankhongono chomene mpaka iwo ŵamanye kuti Icho ndi chinthu icho ntchakwenerera. Ndiyo nthowa yekha pera iwe ungamanya kupanga ichi kuti chikhore. Kuyana waka na mubwezi wane, Mr. Wood ine ndiri kuŵapo nayo; usange iwe wakhoma muzumali mwahafu waka, ndipo thabwa ndakuyawayika, mphepo yiphwasurenge ichi nkhanira mwaluŵiro. Kweni iwe ukwenera kuti ukhome uwu unjire, kupanga ichi chikhore chomene. Mwantheura sono usange ine nkupanga waka ichi kwambura luso pa malo ghanyake agha, ndipo kwa imwe ŵalendo imwe mwafika usiku uwu, ine ntha—ine ntha nkhuvezga kumutimbanizgani imwe. Ine nkhuvezga waka kudidimizga ku mpingo uwu icho ise tikugomezga. Mose imwe mukupulikiska makora chomene ichi, yowoyani, “Amen.” [Gulu likuti, “Amen.”—Munozgi.] Viri makora. Icho—icho chiri makora. Ndipo sono fumiskaniko ichi ku mawoko ghane. Ndipo pamanyuma—pamanyuma a. . . Iwo ŵakujambura ichi,

na vinyake ntheura, kuti kunthazi, usange iwo wazamukhumba kuti wamanye icho ise tikugomezga nadi, na fundo izo ise tikuyimapo, vyakujambura ivi vizamkuphara ichi. Ndipo mwantheura ise tikuchita ichi kawirika>wiri, chifukwa kuli wanthu waphya wakwiza ndipo—ndipo ise tikurutirira munthazi. Ndipo sono ise tifiskenge chara kuti tiwerezgepo Visambizgo vyose vya mpingo, kweni vinyake waka vya ivyo ise tikukhumba kuti—kuti tiyowoyepo. Ndipo sono, Chitatu usiku, nangauli, tikuyamba. . .

⁷ Sono, Mande na Chi>wiri, ine ndifumengepo, kuti nkharombe, kunozgekera chisopo cha machirisko. Ndipo imwe mungamanya kupokerera pa mafoni, panji kulikose imwe mukukhumba kuwa, ndipo mwize na waliyose uyo imwe mukukhumba kuchema, ku chisisimuso chikwiza ichi. Ndipo mu>waphalire iwo kuti waleke kwiza mwakupupuluma sono, kwiza chara, kuti, “Inya, sono ndichimbirirengeko na kurombereka, usiku uwu. Ndipo namachero usiku, ndi wose. . .” Imwe kuchita icho chara. Imwe mufike ndipo mutegherezge pa kanyengo, chifukwa ise tikukhumba kuti tizakafwase na kugarongosora Mazgu ghara makora mwakuti devulu wa>wenge na mwa>wi uli>wose chara kuti watakasuke. Ndipo mwantheura para imwe mwazomerezga chipulikano chinu kuti chafikapo pa kuzura, mpaka imwe mukuyamba kugomezga, mwantheura zomerezgani nju>wi yinu yiyambe kuteweta, mwantheura chipulikano cha Chiuta chikhozgerenge ichi. Mwantheura imwe murutirirenge kugomezga. Mukuwona?

Chifukwa, chipulikano chinu chichitenge pakuru chomene chara. Nju>wi yinu yikwenera kuti yifike mu nthowa umo chipulikano chinu chikwenda, ndipo pamanyuma chipulikano cha Chiuta chikwiza kumanyuma na kukhozgera chose ichi. Mukuwona? Kweni, usange ndi chipulikano chinu, “O, inya, ine nachipulika makora ichi sono!” Ndipo nanga ndi nju>wi yinu, kuwereranga kumanyuma apa, kuti, “Ine nkhezizwa usange ichi chigwiringe ntchito pa ine?” Ichi chichitenge chara ichi, nkhanira penepapo. Mukuwona? Ntheura ise tikukhumba kuti ichi chi>wi nadi chisopo cha machirisko. Ndipo pambere ine nindachemere waliyose mu vipinda, na vinyake ntheura, ku machirisko, panji visopo viphya ivi, ine nkukhumba kuti iwo wapulikiske chomene icho iwo wakwizira kula. Ntheura kumbukirani waka, ndipo fikani ndipo muzakatichezgere ise, ndipo ise tizamkuwa wakukondwa kuwa na imwe.

⁸ Sono kumbukirani, sono, mlenji, ise tizamurutirizga pa Chisambizgo cha mpingo. Ndipo namachero usiku mwantheura pera. Sono imwe mose ndimwe wakupokerereka kuti mufike, ndipo waliyose wangamanya kwiza. Ise nyengo zose tikuwa wakukondwa kuwona munyake. Kweni sono ichi, usiku uwu, charunjika waka pa chikaya ku wanthu awo mba kachisi uyu kuno, awo—awo wali kulerekerera mu Chisambizgo ichi.

Pakuti, kuwaro ku malo gha uteweti, malo ghakupharazgako mwachisanisani, ise tikutora waka fundo zeneko, Visambizgo vya chisanisani vya Malemba. Kweni pano pa kachisi, ise tiri na maghanoghano ghithu taŵene na vigomezgo vyataŵene, ngati a—ngati a—ngati mpingo, ndipo icho ndicho ise tichitenge, usiku uwu.

⁹ Ndipo pambere ise tindajure Mazgu Ghake ghakutumbikika, kasi ise tingasindamiska chara mitu yithu pa kanyengo mu kuromba?

¹⁰ Mwenenkhongono ndipo Chiuta wamazaza, Uyo, pambere charu chikaŵa chindayambe kuzingilira pa kadikidiki kakudanga, Imwe mukaŵa Chiuta. Imwe muli kusintha chara pachoko. Ndipo para kulije tudikidiki twakuti tuchikhozge ichi, ndipo kulije charu chakuti chikhozgeke, Imwe muzamkuŵa ndithu Chiuta. Imwe muliko ku nyengo yambura kumara, ndipo kufuma ku nyengo yambura kumara. Imwe ndimwe Chiuta. Imwe mukaŵavye chiyambi cha mazuŵa, nesi umaliro wa umoyo. Imwe nyengo zose muzamkuŵako. Ndipo, Wadada, Imwe pakuŵa wambura kumara, ndipo ise ŵakumara, mwantheura ise tikurumba lusungu Lwinu Lwauzimu, Chiuta, kumanyanga kuti mzimu uwu wa ise uzamkunjira mu Muyaya, kufumamo mu vigaŵa ivi vya nyengo, kunjira mu Muyaya. Ipo, Fumu, ise tiri muno kuti timanye za chiponosko chithu, kuti tiwone umo tikuyimira panthazi pa Mazgu Ghinu, na kuwona umo ise tikukhalira mu vyakutichitikira vithu. Kasi ise tikukhala umoyo uwo ndi wakukondwereska kwa Imwe? Kasi mzimu withu ukuchitira ukaboni na Mzimu Winu? Ndipo kasi kusambizga kwithu kukuchitira ukaboni na Baibolo ili? Ndipo, Wadada, nkhuromba ise tilaŵiske vyose viŵiri, mwakuwoneseska, mu visopo vitatu vikwiza ivi. Perekani ichi, Fumu.

¹¹ Tumbikani mliska muno, madikoni, mathrastii, na mamembara ghose, ŵanthu awo ŵakwiza ku tchalitchi ili. Kufuma pa mazuŵa ghane ghakuŵa kuno, Fumu, kuli ŵanandi, ŵanandi awo ine nanga nkughamanya chara mazina ghawo, panji uko iwo ŵakufumira, kweni ine ndiri na chigomezgo kuti Imwe mukumanya vyose za iwo. Ndipo ise tiri kuno pa chakulinga chimoza chira, usiku uwu, Fumu, kuti tikumane pa Mazgu ghakulembeka. Ndipo mutipe ise Mzimu Mutuŵa mu maumoyo ghithu, mwakuti ise tingamanya kukhala mwamtende, na mwakujikora, na mu kuwopa Chiuta, na kusanda maumoyo ghithu mwa Mazgu Ghake. Perekani ichi, Fumu.

¹² Ndipo mu nyumba iyi, usiku uwu, Fumu, muli ŵabale ŵane ŵa vigaŵa vyakupambanapambana vya a—vya mpingo. Ndipo, Fumu, ine ndiri wakuwonga chomene kuti iwo ŵali muno kuzakasopa. Panyake ise tingamanya kususkana pa fundo zichokozichoko za Visambizgo. Kweni mu fundo yimoza yikuru yira, ise tayimirira ngati ŵabale ŵakukoleranako mu nkondo. Kutu, O Chiuta, nkhuromba ichi chikhozge

ghithu—mawenenawene ghithu, na ghithu...na mapangano gha wezi wa Chiuta ndipo chitemwa chikhale pa ise mu uzari. Sono, pakumanyanga, Fumu, kuti iyi ndi ntchito yikuru chomene kwa munthu kuti wachite, chifukwa ise tiri nacho muno tikulingalirapo, usiku uwu, ulendo wa mauzima agho ghanozgekera Umuyaya. Mwantheura ise tikurumba kuti Mzimu Mutuŵa wanjirenge nkhanira mu Mazgu, ndipo wachiŵikenge Ichi pakweru na kurongosora Ichi munthowa Yake Yekha, kwa ise, vinthu ivyo Iyo wakukhumba kuti ise timanye. Perekani ichi, Fumu. Ndipo para zitatu...nyengo za chisopo zamara, nkhuromba ise tirute ngati mpingo wakulimbikiskika, ngati ŵakukoleranako pamoza, kuti tiŵike mitima yithu na vyakulinga vithu pamoza, na ŵenekokaya ŵanyithu ŵa Ufumu wa Chiuta, na kuruta munthazi ngati ndiumo tindachitirepo nakale.

¹³ Ine nkhuukhumba kuti ndimuwongeni Imwe, Fumu, muno panthazi pa mpingo na—na pa ŵanthu awo ŵali muno, kuti Imwe mukandipa ine sono masabata ghachoko ghakupumura kuweme. Ine nkhopulika makora usiku uwu chifukwa cha Kuŵapo Kwinu na thumbiko Linu. O Chiuta, ise tikumurombera m'bale muno, m'bale withu uyo wakuruta kusirya kwa nyanja, kutali uko mu vyamdima vira, vyaru viheni, uko umoyo wake nkhanira uli pa chofyo. O Fumu, tumbikani M'bale withu Jeffreys apo iyo wakuruta, na mwana wake, na muwoli wake, ndipo mumupe iyo chikanga chikuru. Nkhuromba kuti iyo wakajure nthowa mu mdima mpaka Kuŵara kwa Ivangeli kukaŵare patali na mwakutambasuka. Tipulikeni ise, Ŵadada, pakuti ise tikurumba pempho ili mu Zina la Fumu Yesu, Mwana Winu. Amen.

¹⁴ Sono, usiku uwu, naŵazganga mu Baibolo lane lichoko la Scofield. Ine ndajumpha waka virimika twente-fayivi vyakubabika, mwasonosono. Ndipo ine ndichali ndithu kuŵazga ili, kweni nkhalawiska makora chara. Mwantheura ine nkhwiririka nthito magalasi ghakuŵazgira para nkhuŵazga, ndipo ine ndiwonenge umo agha ghagwirirenge ntchito usiku uwu, ku nyengo yane yakudanga.

Sono ine ndiri na visambizgo, ngati ichi, chakuti, “Kasi Mpingo...” O, vinthu vinandi, usange ise tingafikako ku ivyo. Chimiza cha ivyo, “Ntchifukwa uli ise tikuchemeka Mpingo? Ntchifukwa uli ise ndise bungwe chara? Ntchifukwa uli—ntchifukwa uli ise tikugomezga mu chivikiriro cha Muyaya cha uzima wa wakugomezga? Ntchifukwa uli ise tikususka ŵapharazgi ŵanakazi? Ntchifukwa uli ise tikubapatiza mwakuchita kubizga? Ndipo kasi Mpingo uzamuyendera mu Masuzgo?” Ndipo vinandi vya visambizgo ivyo apa, ine nkhusachizga ndiri na fifitini panji eyitini vya ivyo, pa mausiku ghachoko ghakwiza.

¹⁵ Mwantheura ine nkughanaghana, usiku uwu, pakuyambirapo, kuti ndiyambe na, chikuwoneka kuti Fumu yaŵika pa mtima wane pa chisambizgo waka ichi, a... *Ntchifukwa Uli Ise Ndise Bungwe Chara?* Chifukwa icho... Sono, ise tirije chakuŵasuskira ŵanthu ŵanyake awo ndi bungwe. Ise tirije chakuŵasuskira iwo, kweni ine nkukhumba kuti ndirongosore chifukwa icho ise tikakoleranako chara na bungwe lililose. Ine nkakhozgekera mu mpingo uchoko wa Baptist, umo imwe mukumanyira. Ndipo Baptist ndi bungwe chara, ukaŵa chara, kufikira waka mwasononso, ndipo sono ukuzgoka waka bungwe chomene ngati ndi ghanyake ghose gha igho. Kweni, chifukwa icho ise tikazgoka kuŵa bungwe chara...

¹⁶ Sono, ise ndise wupu. Ise ndise wupu, kulembeka umu mu a—mu makhoti, ngati wupu, gulu la ŵanthu ilo liri kuwungana pamoza kuti limusope Khristu, kweni ise ndise bungwe chara. Kulije munyake wazamkutiwusa ise, imwe wonani. Ndi bungwe chara. Ndi—ndi wupu waka, wenenawene pakati pa Ŵakhristu ŵakugomezga. Ŵanthu ŵakwiza kuno ku tchalitchi. Ndipo ili likuzgoka tchalitchi lawo la kukaya usange iwo ŵakukhumba kwiza, malinga iwo mbamoyo.

¹⁷ Ndipo iwo ŵangamanya kwiza kuno na kususkana na chirichose icho ise tikupharazga. Icho chiri makora waka. Imwe muchali, malinga imwe ndimwe Mukhristu, imwe muli nawo wenenawene, na kukoleranako chimozi ngati ku ŵanyake wose ŵa iwo. Mukuwona? Usange ine nkayowoya kuti nkugomezga mu kubapatiza mwakuchita kubizga mu maji, ndipo imwe mukagomezga mu kuchita kuwazgirana, ndipo mukakhala mwakwenerera pa ichi, ise tiŵenge ndithu ŵakuyana waka ngati ndiumo ise tikaŵira usange tose ŵaŵiri tikazomerezgana. Ise panji tingawona mwakuyana chara jiso-ku-jiso, mwakuyana. Kweni malinga iwe ndiwe m'bale Mukhristu panji mlongosi, iwe ndiwe wakupokerereka makora waka, wonani, munthu waliyose.

¹⁸ Mwantheura ise tirije bungwe lililose, chifukwa ine nkughanaghana kuti bungwe likupatura ubale. Ŵanyake ŵa iwo ŵayowoyenge, “Inya, ise tirije chakuchita chirichose mu chisimuso chira. Icho ndi chisimuso cha Methodist.” “Inya, icho ntcha Baptist. Ise tirije... Ise ndise ŵa Methodist. Ise tirije chakuchita chirichose na icho.” M'bale, usange Khristu wali mu ichi, ise tikwenera—ise tose tikwenera kuti tichitepo kanthu. Ise tikwenera kuti tiŵike withu... Ndi—ndi Thupi la Khristu ilo—ilo likusuzgika. Ndipo ine nkhuwona vinandi chomene vya icho mu vigaŵa muhanyauno, kufika umo ise tiri... Sono, Khristu wakachita chara, pa nyengo yiriyose, wakapanga chara mpingo unyake kuŵa bungwe. Sono, zomerezgani waka icho chisimikizgike mwakukwanira.

¹⁹ Sono, sono, ine ndizamkumufumbani imwe namachero usiku, usange chiripo chinyake cha vinthu imwe mukukhumba kumanya, ngati mudauko unyake uwo ine nkhuoyoya, panji chinyake chapadera. Ine ndiriye waka nyengo kuti ndirongosore chose icho, ine mbwenu ndifikengeko chara ku chisambizgo chinyake, chifukwa iwe ungamanya kutora masabata pa chisambizgo chenechira. Kweni usange imwe mukukhumba kuti mumanye malo, chinthu chirichose, ndifumbeni waka ine, ndipo wĩkani ichi apa pa—pa desiki, ndipo ine ndimuzgoreninge imwe.

²⁰ Sono, bungwe lakale chomene, ndipo mpingo wakudanga kuwa bungwe uwo ise tikaŵapo nawo, ndi mpingo wa Katolika. Ndipo uwu ukapangika kuwa bungwe pafupifupi virimika firi handiredi na chakuti pamanjuma pa nyifwa ya mupostoli waumaliro. Ndipo uwo mbunenesko. Imwe mukuchisanga ichi mu wa Nicene Fathers wakwambilira, ndipo imwe mukuchisanga ichi mu vyakulemba vya Josephus, ndipo, o, wanandi wa—wamudauko mulara. Mukuwona? Ndipo kale kufika mu—a...miwiro yinyake ya mpingo, kukhira mpaka nyifwa ya mupostoli waumaliro, ndipo virimika firi handiredi chigaŵa chinyake cha wapostoli, kukaŵavaye mipingo yikaŵa bungwe. Ndipo Katolika ukaŵa mpingo wakudanga kuwa bungwe.

²¹ Ndipo mpingo wa Protestant ndi mabungwe agho ghali kufumako ku bungwe. Kunozga vinthu kwakudanga kukafika, wakaŵa Lutera; pamanjuma pa Lutera wakiza Zwingli, pamanjuma pa Zwingli wakiza Calvin, na kurutiriranga waka ngati nthaura. Ndipo kufika ku Chisisimuso cha Wesley, na kurutirira kufika ku Alexander Campbell, John Smith, na wanyake wanandi, wonani, kurutirira. Ndipo vyakuchitika vyaumaliro ivyo ise tiri navyo vyaphuka ndi masiteji ghakupambanapambana gha muwiro wa Pentekosite.

²² Ndipo ine nkhuomezga kuti Chiuta wali kuteweta mu muwiro uliwose. Kweni kasi imwe mukawona kuti, nyengo yiriyose para mpingo watondeka, ndipo malinga iwo wapanga bungwe iwo wakuyamba kutondekera nkhanira penepapo? Ndipo nyengo yiriyose para iwo watondeka, Chiuta wakuwuskaso chara mpingo ula. Ichi chikuwerera nkhanira ku mbewu. Sono imwe mbwenu... Usange imwe mukukhumba kumanya mudauko pa icho, ise—ise tingamanya kuchita ichi, kuti—kuti kulije mpingo, mulije mu mudauko wa mipingo, kuti bungwe linyake likawa ndipo likawukaso. Baptist, Methodist, Prezibetere, Lutheran, lirilose likamanya kuwa, para iwo wawa, iwo wamara. Sono, uwo mbunenesko. Sono, ichi, ine—ine nkhamuphalirani imwe sono, wĩkani pa jaketi, chifukwa ise tipangenge ichi kuti chikhore. Mukuwona? Uli kuwako chara, pa nyengo yimoza. Para munthu wafuma payekha ndipo wapanga mpingo, uwu ukayambika.

²³ Chiuta wakuchita na munthu payekha, na bungwe chara. Chiuta mu muwiro unyake wakachitapo na bungwe chara. Iyo nyengo zose wakuchita na munthu payekha. Mu Chipangano Chakale, Iyo wakachita na munthu payekha. Mu Chipangano Chiphya, Iyo wakachita na munthu payekha. Mu muwiro uliwise, Iyo nyengo zose wali kuchita na munthu payekha, ndipo na mabungwe chara. Mwantheura, ipo, usange Chiuta wali mu bungwe chara, kasi phindu ndi vichi kwa ine kuwa na chakuchita chirichose na ichi ngati bungwe? Sono, ine nkhuwoyoya za wanthu mu bungwe lira chara, ine nkhuwoyoya za bungwe ilolene, chifukwa wanthu wa Chiuta wali mu mabungwe ghose ghara.

²⁴ Sono, Chiuta wakuzomerezga chara chinyake chichitike pekhapekha Iyo wapereka ntchenjezgo ku ichi. Ine nkhuwomezga chara kuti chiriko chinyake icho . . .

²⁵ Sono, umo ise tiliri na nkhani izo zachitika, mu mipingo, ngati umo ise tikawirapo nayo yimoza mwasonosono ya ndopa na mafuta, na vinyake nthaura. Ndipo imwe mukuyimanya “Wakutemweka M’bale Branham” kalata, na vinyake nthaura. Kweni chifukwa icho ine nkhuwimira kwimikana na icho, chifukwa icho chiri mu Mazgu chara. Ndipo ndicho chifukwa ine nkhususka bungwe, chifukwa mulije mu Mazgu. Ndipo ichi chikwenera kuwa na chinyake icho ise tikwenera kukhazikapo chipulikano chithu. Ndipo usange ise tingakhazika chara ichi pa bungwe linyake, ise tikwenera kuti tikhazike ichi pa Mazgu gha Chiuta. Pakuti Iyo ndi faundeshoni yekha pera, ndi Mazgu gha Chiuta.

²⁶ Ndipo nthaura usange Mazgu gha Chiuta ghakuyowoya za bungwe chara, kweni ghakuyowoya kususka bungwe, mwantheura ise tikwenera kuyowoya icho Mazgu ghayowoya. Kwambura kupwerera za bishop njani, icho munyake wakuyowoya, icho munyake wakughanaghana, icho munthu muweme wakuyowoya, icho chinyake chikuyowoya, usange ichi chikuyana na Mazgu gha Chiuta chara, ipo ichi ntchakwanangika. Mukuwona? Ichi chikwenera kuwa, Mazgu ghakwenera kuwa chinthu chaumaliro. Mazgu gha Chiuta ghakwenera kuwa amen waumaliro.

²⁷ Sono kumbukirani, ine nkhususka ukhristu wa munyake chara (imwe pulikiskani icho) mu mabungwe. Muli makhumi gha masauzandi gha mauzima ghakuzirwa mu mabungwe ghose ghara, awo ndi wana wa Chiuta. Kweni kuwapatura na kuwagega iwo, ine nkhuwana ichi. Ndipo Mazgu gha Chiuta ghakwana ichi.

²⁸ Ndipo ine nkhuwomezga kuti kulije chisambizgo mu charu muhanyauno, kulije chisambizgo icho chiri kuwamo mu charu, kweni icho chikayowoyekerathu kuti chizamkwiza, na Mazgu gha Chiuta. Ine nkhuwomezga kuti Mazgu gha

Chiuta ghakupereka chirichose icho ise tikusoweke, nkhanira umu mu Mazgu. Kufumira ku... chiyambi chithu kufika ku umaliro, ichi chikusangika nkhanira mu Mazgu gha Chiuta. Ndipo mwantheura ine—ine nkugomezga kuti usange ichi chiri mu Mazgu gha Chiuta, nthura ise tikwenera... Ichi chikuphalirathu. Ndipo Mazgu gha Chiuta ndi ntchenjezgo.

²⁹ Sono, imwe mungaŵazganga Mazgu gha Chiuta ngati ndiumo imwe mukuŵazgira nyuzi chara. Imwe mukuŵazga Mazgu gha Chiuta mwa Mzimu Mutuŵa, wonani, chifukwa Mzimu Mutuŵa Iwowene ukuyowoyanga mwa Khristu. Khristu kumuwonganga Chiuta kuti Iyo wakabisa vintu ivi ku maso gha ŵavinjeru na ŵamahara, ndipo wavumburenge ivi ku ŵanichi awo ŵangamanya kusambira. Mwantheura, imwe wonani, palije nthowa yakuti muŵe wakusambira, palije nthowa yakupangira bungwe. Pali nthowa yimoza pera yakukhalira muneneska, njakuti, murongozgeke na Mzimu wa Chiuta. Ndipo chakumuchitikirani icho imwe mukaŵa nacho chikwenera kukoleranako na Mazgu agha. Mukuwona? Mwantheura imwe muli nacho ichi. Mukuwona?

³⁰ Umo para ise tafikira kuno mu maminiti ghachoko sono, ise tikuchita na ŵanthu awo—ŵali... Ŵanyake ŵa iwo ndi ŵa Calvinist ŵeneko, ŵanyake ŵa iwo ndi ŵa ŵeneko Arminian, na—na nthowa zakupambanapambana. Sono, nyengo zose kuli, palije kanthu kwali imwe mudumure ichi mwakupepefuka uli, ichi chiri na vigaŵa viŵiri ku ichi. Uwo mbunenesko nadi. Ndipo wose ŵaŵiri ŵali na fundo zakususkanapo. Kweni, nkhanu apa njakuti, ndi nkhu uko kuli Unenesko wa ichi? Uko ndiko ise tikurazga, uko ise tikughanaghana, mwa wezi wa Chiuta, ise timuwoneskeni imwe Unenesko wa ichi. Sono tiyeni ise titore waka... ndipo uku ndi kwenekuko ine nkhasanga vinyake vya visambizgo vya mpingo vikalembeka.

³¹ Tiyeni tijure mu Mabaibolo ghinu, maminiti ghachoko waka, imwe mose sono. Ndipo tiyeni tijure ku Mauvumbuzi, chipatulo 1; panji Mauvumbuzi, chipatulo 17, kuti tiyambirepo. Ndipo tiyeni tiyambe waka kuŵazga ndipo tifufuze sono uko mipingo iyi yikayambira, na icho—icho chikayambiska ichi. Sono, Baibolo likuchenjezgerathu chirichose. Ili likuchenjezgerathu mazuŵa agho ise—ise tikukhalamo. Ndipo sono, Mauvumbuzi, chipatulo 17, usange imwe mungachita. Ine nanguti 13, ine nangung'anamura icho chara, icho chiri pa... Ise tifikengeko uko para pajumpha kanyengo, nakoso, umo ndi mu uchimi wa United States. Kweni tegherezгани mwatcheru chomene sono.

Ndipo kukiza kwa ine yumoza wa ŵangelo seveni uyo wakaŵa na ŵadila seveni, ndipo wakayowoya nane, kuti... Zanga kuno; ndipo ine ndikuwoneskenge... iwe cheruzgo cha muzaghalu mukuru uyo wakukhala pa maji ghanandi.

³² Sono kumbukirani, ichi chikuwoneka chamchindindi. Sono mwanakazi uyu wa mbiri yiheni, sono, usange ise tisambizgenge ichi, imwe chakudanga mukwenera kuti musange icho vimanyikwiro ivi vikung'anamura. Sono, *mwanakazi*, mu Baibolo, wakuyimira “mpingo.” Kasi mbalinga wakumanya icho, kuti ise ndise Mkwatibwi? Mpingo ndi Mkwatibwi.

³³ “Zanga kuno ndipo ine ndikuwoneskenge iwe cheruzgo.” Sono, pawenge cheruzgo kuyowoyeka pa muzaghali mukuru, mwanakazi mukazuzi uyo wakukhala pa maji ghanandi. Sono, *mwanakazi* kuyimiranga “mpingo,” ndipo *maji* kuyimiranga “wanthu.” Sono, usange imwe muchiwonenge ichi, nachoso, wonani, vesi 15 apo imwe muli apo, vesi 15, chipatulo cheneichi.

Ndipo iyo wakayowoya kwa ine, Maji agho iwe ukuwona, apo muzaghali wakukhala, ndi wanthu, . . . wanandi, . . . mitundu, na lilime. (Mukuwona?)

³⁴ Sono, mpingo ukuru uwu, mwanakazi mukuru, sono kumbukirani iyo ndi mwanakazi wa mbiri yiheni. Ndipo usange mwanakazi wakuyimira mpingo, (ndipo Mpingo wa Khristu ndi Mkwatibwi, Mkwatibwi mutuwa), mwantheura apa pali mwanakazi muheni. Mwantheura uyu wakwenera kuwa muheni, wakajitora kuwa, mkwatibwi. Mukuwona? Sono, ndipo kasi iyo wakuchita vichi? “Iyo wakhalapo,” panji kuwa *pachanya*, chikung'anamura, “kuwa na ulamuliro pa maji ghanandi.” Mu mazgu ghanyake, iyo wali na mazaza pa mitundu yose na malilime na wanthu. Iyo ndi munthu mukuru, mwanakazi uyu wali.

Sono, mweneuyo mafumu gha charu ghachita nayo uzaghali, . . .

³⁵ “Pakuti mafumu gha charu ghachita uzaghali,” wanthu wasambazi, wanthu wakuruwakuru wachita. Kasi imwe mungachita uli, kasi fumu yingachita uli, mauzaghali na mpingo? Ndi uzaghali wauzimu. Wauzimu! Kasi uzaghali ndi vichi? Ndi, inya, chiri ngati mwanakazi kukhalanga kwambura kugomezgeka kwa mfumu wake. Iyo wakukhala na mwanarumi munyake apo iyo wali na mfumu. Ndipo mpingo uwu, mwantheura, u—ukujitora kuwa Mkwatibwi wa Khristu, apo ukuchita uzaghali na mafumu gha charu, na umoyo wake waukazuzi, kuyowoya kwaukazuzi. O, Ichi ntchakuzongoka ndipo Ichi ntchiweme. Ine nkughatemwa waka Mazgu. Sono wonani.

. . .mweneuyo mafumu gha charu ghachita uzaghali, ndipo awo wakukhala mu charu chapasi waloŵera na vinyo wa uzaghali wake.

³⁶ “Vinyo” wake ndicho iyo wakaperekanga, chakumuchangamuska chake, “Ise ndise Mpingo! Ise ndise tiri nacho ichi.” Mukuwona? Sono, wikani waka icho mu malingaliro ghinu sono. Viri makora. “Mwantheura iyo waku- . . .”

37 Sono, mungelo wakamuphalira Yohane, “Ine ndikuwoneskenge iwe cheruzgo icho chikwiza ku mpingo uwu.” Sono wonani.

Mwantheura iyo wakanditorera kutali ine mu mzimu kunjira mu mapopa: ndipo ine nkhawona mwanakazi wakhala pa chikoko cha mtundu wakuchesama, . . .

38 *Kuchesama*, mu Baibolo, kukuyimira “ufumu.” Mtundu wa *kuchesama* ukung’anamura “chiswesi.” Ndipo *chikoko* chikuyimira “nkhongono.”

Kasi imwe mwanguwona, chikoko chikafuma mu nyanja, umo mwanguwa mu Mauvumbuzi, 13. Ndipo para imwe mukuwona chikoko chikufuma mu nyanja, chikung’anamura kuti nkhongono iyi yikakuranga pakati pa wanthu.

Kweni mu Mauvumbuzi 13, para mwanamberere uyu wakati wafika, iyo wakiza kufuma ku charu chapasi, kwambura wanthu, United States. Kweni ntheura, pamanyuma, iyo wakaŵa na masengwe ghaŵiri ghachokoghachoko, nkhongono za wanthu na za usopisopi. Ndipo mwantheura iyo wakapokera nkhongono, ndipo wakayowoya ngati ndiumo chinjoka chikachitira kumanyuma kwake. Ntheura imwe lembani waka ichi, ise tikunjira mu kuzikizgika kwa usopisopi na vinthu vyenevira ivyo iwo wakachita mu Rome wambura kugomezga virimika vinandi vyajumpha, pakuti ichi ndi NTHEURA WAKUTI YEHOVA.

Sono wonani ichi. “Wakhala pa chikoko, nkhongono.”

39 Kasi imwe mukamuwona Rebeka? Para Eliezer wakati wamusanga iyo, mukaŵa mu nyengo yakumise, ndipo iyo wakamweska ngamira. Chifukwa, Eliezer wakati, “Usange msungwana uyo wafika na kumweska ngamira iyi, uyo waŵenge a . . . na kundipa ine ghakumwa, uyo ndiyo waŵenge uyo Imwe mwasankha, Fumu, kuti waŵe mkwatibwi wa muteweti Winu, Isaac.” Ndipo apo iyo wakaŵa wachali mu kuromba, Rebeka wakiza ndipo wakanegha maji ndipo wakamupa iyo ghakumwa, ndipo wakamweska ngamira. Wonani, ngamira chikaŵa chikoko. Ndipo chikoko chenechira icho iyo wakachimweskanga maji, ndicho chikamunyamura iyo kuruta kwa mwanarumi wake, Isaac.

40 Ndipo, muhanyauno, nkhongono ya Mzimu Mutuŵa, iyo Mpingo ukumweska na kusopanga, ndi Chinthu icho chizamkuwunyamura Uwu kufuma pa charu chapasi ichi, kukakumana na Mwenenthengwa. Nadi, Isaac wakaŵa uko mu munda, kumise. Ise tikukumana na Fumu muchanya chara mu Uchindami. Efeso, chipatulo 5, wakuyowoya kuti ise tizamkumana na Iyo mu mlengalenga. O, icho chikupangiska ŵa Methodist kuti wanozgeke kuchemerezga. Ghanaghanani za ichi! Mukuwona? Fumu . . .

Isaac wakafumako ku nyumba ya dada wake, ndipo wakaŵa uko mu munda para iyo wakati wamuwona Rebeka wakwiza pa ngamira. Ndipo wakamutemwa iyo, pakumulaŵiska waka pakudanga, ndipo wakakhira pa ngamira ndipo wakachimbira kukakumana nayo. Uwo mbunenesko. Uko ndiko ise tikukumana na Fumu. Ndipo ngamira yenyira iyo wakamweska, yikamunyamula iyo kuruta nayo kwa mfumu wake.

Ndipo Nkhongono yenyira iyo Mpingo ukusopa, iyo charu chikuchema kuchita mwakunyanyira, iyo Mpingo ukusopa, yizamkuŵa Nkhongono yenyira iyo yizamkutorera Mpingo mu mlengalenga, “Kukakumana na Fumu mu mlengalenga.” Mzimu Mutuŵa! Mukuwona? Kuli . . .

Ndipo, wonani, Rebeka wakaŵa mwali.

⁴¹ Ndipo mwanakazi uyu ndi muzaghali, uyo ise tikuyowoya apa. Sono, imwe mwapulika icho nkhongono yiri sono? Nkho—nkhongono, icho chikung’anamura, kuti, chikoko. Iyo wakaŵa pa chichesamu. Sono, kasi chiŵenge chikoko cha mtundu uli? *Chichesamu*, icho chiŵenge nkhongono ya “usambazi.” Kasi ndi mpingo wa mtundu uli uwo iyo waŵenge sono? Uwu ndi mpingo usambazi, ndipo uwu ndi mpingo ukuru, ndipo uwu ndi mpingo wankhongono, ndipo uli na chikoka icho chikukopa magulu na ŵanthu. Ndipo mafumu gha charu chapasi ghachita uzaghali wauzimu na uwu, awo ndi ŵanthu ŵakuruŵakuru ŵa charu chapasi. Sono ise tifufuzenge kasi uwu ndi vichi, mu miniti pera, na kufufuza na mabungwe agha.

Ndipo mwanakazi wakavwarikika vya kunyezimira (vya ufumu), . . . wakavwarikika vyakunyezimira na mitundu yichesamu, . . . wakatoweskeka na golide na mawe ghapachanya . . . ngare, wakuŵa na nkhombo ya golide mu woko lake yakuzura na matusi na ukazuzi wa uzaghali wake:

⁴² Kasi iyo wakaŵa na vichi mu woko lake? Chisambizgo chake, icho iyo wakupereka ku ŵanthu, “Ise ndise Mpingo. Ise ndise *ichi*.” Ndipo iyo wapanga mafumu gha charu chapasi kuloŵera na iyo, ngati nthaura. “Ise ndise *ichi*. Ise ndise nkhongono yikuru! Ise tikuruska mtundu uliwose. Ise ndise mpingo ukuru chomene uwo uliko. Zanninge, imwani withu. . . Apa, pungulanipo pachoko wa uwu. *Imwe* imwani uwu. *Imwe* imwani uwu!” Kula chiriko ichi, wonani. Ndipo iyo wakaŵa na nkhombo mu woko lake. Wonani.

Ndipo mwanakazi wakavwarikika vya kunyezimira na mitundu yichesamu, . . . wakatoweskeka na golide na mawe ghapachanya na ngare, wakuŵa na nkhombo ya golide mu woko lake yakuzura na matusi na ukazuzi wa uzaghali wake:

43 Sono, wabwezi, ise tikuwazga nyuzi ya zuwa na zuwa chara. Ise tikuwazga Mazgu gha Chiuta gha Muyirayira na ghakutumbikika. Machanya ghose na charu chapasi vimarengenge, kweni Mazgu ghara ghakhalirirengenge. Uwo mbunenesko.

*Ndipo pa mutu wake pakalembeka zina, zina
likalembeka, mphanyiko, WAMCHINDINDI,
BABULONE MUKURU, NYINAWO WA WAZAGHALI,
MATUSI GHA CHARU CHAPASI.*

44 Sono, kuno nyengo yinyake kale, ine nkhughanaghana ndi mu mpingo umu chara, kweni ine nkhapharazga pa chisambizgo, *Vyakulembeka Pa Chipupa*, na kupereka lufura lwa kuyima kwa Babulone. Sono, chisambizgo chirichose icho chikaphuka, chisopo chirichose na chisambizgo chirichose icho chiriko mu charu muhanyauno, chikayambira mu Genesis. Sono, usange imwe mutorengenge wa *Babulone Wawiri wa Hislop*, usange imwe mukukhumba kuti muchifufuze ichi mu mudauko, panji mabuku ghanyake ghaweme ghara, imwe mungamanya kusanga nanga ndi chisambizgo chirichose icho imwe mukukhumba kuti musange. Ine ndimutorerenege imwe kumanyuma kula mu maminiti ghachoko, pa wapharazgi wanakazi, wonani, na kumuwoneskani imwe uko ichi chikayambira, wonani, kale mu Genesis. Ndipo pa vinthu ivi vyakupambanapambana, umu ivi vikuyambira mu Genesis. *Genesis* chikung'anamura "chiyambi." Kasi mbalinga wakumanya kuti uwo mbunenesko? Genesis ndi chiyambi. Mwantheura, chirichose icho chiriko, chikayenera kuwa na chiyambi.

45 Para ine nkhulawiska khuni . . . Ine nkha wa mu thengere pa yingapo, yitatu, pafupifupi myezi yiwiri. Ine nkhuwona khuni, umu liriri lakutowa. Ine nkhuwona ili, ili likufwa; limoza linyake likuphuka mu malo ghake, umoyo wakururira. Ndipo ine nkhughanaghana za icho. Kweni kumalo kunyake khuni lira lika wa na chiyambi. Ili likayenera kuwa na chiyambi. Ndipo nthowa yimoza pera ili likapangika kuzaka wa khuni, panji kuwa oak, panji beech, panji poplar, panji mkama, panji lirilose lika wako, kukayenera kuti kuka wa Mahara ghapachanya kumanyuma kwa ichi. Panji usange kuka wa waka limoza, kuka wenge khuni limoza la oak, chirichose mu charu chikati chiwenge khuni la oak. Kweni Ghanyake, ghakuru, Mahara ghapachanya, ghakayenera kuwika ichi mu dongosolo.

Litumbikike Zina Lake Lituwa! Iyo ndi Yumoza Mweneuyo wakuwika mwezi na nyenyezi mu mlengalenga. Iyo wakuwika chirichose mu dongosolo lake. Ndipo Iyo wawikenge Mpingo Wake mu dongosolo. Uwu uyendenge ngati ndiumo Iyo wakukhumbira kuti Uwu uyenderenge; kuvuma, kuzambwe, kumpoto, panji kumwera, panji chirichose Iyo wali. Para ise tingafumiskamo fundo izi za bungwe mu malingaliro ghithu na kujiponya ta wene kwamusuma mu Mphinjika. Iyo wawikenge ichi mu dongosolo, usange ise ndise waka wakujilambika ngati

makuni na vilengiwa Vyake vinyake. Imwe mukuwonapo chara mwezi ukuti, “Ine ndiwarenge chara usiku uwu. Nyenyezi zinyake imwe walani mu malo ghane.” Kweni ise, o, ise ndise wakulekana, imwe wonani.

⁴⁶ Sono, Babulone, wonani umo Babulone wakayambira. Uyu wakuwoneka ku kwambirira kwa Baibolo. Uyu wakuwoneka mkatikati mwa Baibolo. Ndipo uyu wakuwoneka ku umaliro wa Baibolo. Sono, pali chinyake. Sono, ichi chikayambika na Nimrod. Nimrod wakasanga Babulone mu Chidikha cha Shinar, nkhanira kufupi pakatikati pa Mronga wa Tigris na Euphrates. Ndipo Euphrates wakajumpha mwenemumo. Ndipo—ndipo umo kuti msewu uliwise, mu charu chose chira, ukarazga mwakurunjika ku Babulone. Ndipo chirichose cha vipata vira chikaŵa pafupifupi marundi thu handiredi mu usani, vipata vira vikapangika kufuma ku mkuŵa. Ndipo para imwe mwafika mu msumba wa Babulone, msewu uliwise ukarazga mwakurunjika ku chizumbe.

⁴⁷ Sono, imwe mungamanya kuruta ku Rome, muhanyauno, ndipo msewu uliwise urazgenge ku Rome. Ndipo kuli Mariya muchoko mwali wayimirira pa kona lililose, pa mphambano ya msewu, wali na mwana Khristu mu woko lake, kurongoranga nthowa yira yakurazga ku Rome. Mukuwona? Uyu wakuwoneka ku kwambirira, kwa Baibolo; uyu wakuwoneka mkatikati mwa Baibolo; ndipo apa wali ku umaliro kwa Baibolo.

Sono ine nkhuumba waka kuti ndirutirizge kuŵazga, pa maminiti ghachoko waka, mwantheura imwe mupulikiske chiyambi cha ichi. Mukuwona? Viri makora. “Ndipo ine nkhwona mwanakazi,” sono wonani, “mpingo.” Para imwe mukuwona *mwanakazi*, ghanaghanani waka za “mpingo.” Mukuwona?

...*Ine nkhwona mwanakazi waloŵera na ndopa za ŵatuŵa,...*

⁴⁸ Sono, kasi lizgu lakuti *mutuŵa* likufumirankhu? Lizgu lakuti *mutuŵa* likufumira ku “yumoza mutuŵa,” panji “yumoza wakuŵiŵiskika,” mutuŵa. Viri makora.

...*Ine nkhamuwona iyo waloŵera na ndopa za ŵatuŵa,...*

⁴⁹ Sono, usange mwanakazi uyu ndi mpingo, iyo wazikizga ŵatuŵa. Ndipo iyo ndi mpingo ukuru chomene. Iyo wali na nkhangono pa charu chose chapasi. Iyo wakukhala pa maji ghanandi. Ndipo iyo ndi... Mafumu gha charu chapasi ghakuchita uzaghali na iyo. Inya, kasi uyu ndinjani? Chikuŵa ngati chamchindindi. Sono Mzimu u... Imwe mukumanya, mukwenera kuŵa vyawanangwa nayini vyauzimu mu mpingo; vinjeru, ndipo chimoza cha kupulikiska, ndipo chimoza cha machirisko, ndipo chimoza cha vinyake *ntheura*.

...ndipo na ndopa za wapanikizgi wa Yesu...

⁵⁰ Kukuwoneka ngati kuti iwo wakapwerera chomene chara ivyo Yesu wakayowoya. Ndi icho mpingo ukayowoya. Uwo mbunenesko. Ndipo icho ndicho, nachoso.

...ndipo para ine nkhati ndamuwona iyo, ine nkhasizwa na kukopeka kukuru.

⁵¹ “Ine nkhasizwa na kukopeka. Ine... Ichi chikaŵa a—a—chinthu chakuziziswa za iyo, umo ine nkhasizwira kuti iyo...” Sono lekani ine nditore waka malo gha Yohane ndipo nizege kuchirongosora ichi pachoko, wonani. Yohane wakati, “Yura wakhala apo. Iyo wakujitora kuŵa mpingo Ukhristu. Iyo wali na nthowa zose zakusangira ndalama za charu. Iyo wali na mafumu gha charu pasi pa marundi ghake. Iyo ndi musambazi ndipo chinthu chakunyezimira, ndipo kasi iyo wangaŵa uli wakuloŵera na ndopa za wakufwira chigomezgo? Kasi iyo wangazikizga uli watuŵa? Kasi iyo wangakoma uli wapanikizgi ŵara wa Khristu? Ndipo kweni iyo wakuyowoya kuti ndi Mukhristu, iyomwene, mpingo Ukhristu.” Sono wonani.

Ndipo mungelo wakati kwa ine, Kasi iwe ukuzizwa vichi? Ine ndikuphalirenge iwe chamchindindi cha mwanakazi, na za chikoko icho chamunyamura iyo, na cheneicho chikaŵa na ...mitu seveni na masengwe seveni.

⁵² Sono, uku ndi kuŵazga waka apa sono. Imwe muchikore ichi. Ichi chiŵenge chipusu chomene.

Chikoko icho iwe ukuwona chikaŵako, ndipo chiriko chara; ndipo chikhirenge kufuma...chikwerenge kufuma mu chizongwe, ndipo chirutenge mu pharaniko: ndipo iwo ŵeneawo wakukhala pa charu chapasi ŵazizwenge, awo mazina ghawo ghakalembeka chara mu buku la umoyo kufuma ku mtendeko wa charu, para iwo ŵakuwona...para iwo—para iwo wakati ŵawona chikoko icho chikaŵako, cheneicho chiriko chara, ndipo kweni chiriko.

⁵³ Sono, sono ichi chikwenera kusina, mwantheura ichi chiri apa. Iyo wakayowoya, sono wonani, kuti, “Para wose,” ŵachoko waka chara, kweni, “wose awo wakukhala pa charu chapasi ŵazamuzizwa.” Iwo wose ŵazamuzizwa. Charu chose chizamuzizwa za mwanakazi uyu. Pali waka gulu limoza ilo lizamuzizwa chara za ichi, ndipo ndi ŵeneawo zina lawo likalembeka mu Buku la Mwanamberere Wamoyo.

⁵⁴ Sono, ine panji ningamanya kunjizgapo waka ichi nkhanira apa, chifukwa ise tifikengeko ku ichi mu maminiti ghachoko. Mukuwona? Mphauli apo mazina ghawo ghakalembeka mu Buku la Mwanamberere Wamoyo? Kufumira pa chisisimuso chaumaliro icho iwo ŵakarutako? Usiku apo iwo ŵakaruta

ku guwa? Usiku apo iwo wakajoyina mpingo? Ine nkhuvezga kumupwetekani chara imwe. Kweni, ine nkhumuphalirani imwe, Baibolo likati, “Mazina ghawo ghakalembeka mu Buku la Mwanamberere Wamoyo kufuma pa mtendeko wa charu.” Ndendende! Para Chiuta, mu mtendeko, wakawona kuti Iyo watumenge Mwana Wake, ndipo Iyo watorenge malo gha wakwananga, apo Ndopa za Mwana wa Chiuta zikathiskika. Baibolo likayowoya kuti Ndopa Zake zikathiskika pambere charu chikaŵa chindaŵeko. Kasi mbalinga wakumanya Baibolo likuyowoya icho, kuti, “Ndopa za Khristu zikathiskika pambere charu chikaŵa chindaŵeko”? Para Ndopa zira zikati zathiskika, membara waliyose wa Thupi, awo mazina ghawo ghakalembeka na Ndopa zira, pa Buku la Mwanamberere Wamoyo, pa mtendeko wa charu. Kasi imwe mukuchita mantha na vichi? O, m’bale! Icho chikujura miryango, chikuchita chara ichi?

⁵⁵ Inya, sono rekani ise tiŵazge waka ichi nkhanira apa, ndipo tiwone usange icho ilo likuyowoya ndi unenesko. Mukuwona? “Ndipo mungelo wakati kwa ine, ‘Kasi mphauli apo. . .’” Ine nkhuomezga ndi ves 8, “Ndipo chikoko icho iwe ukuwona. . .” Viri makora. Mphenepapo.

Chikoko icho iwe ukuwona chiriko, ndipo chiriko chara; ndipo chikwerenge kufuma mu chizongwe, . . .

Sono, ise tifikengeko ku icho, kweni ine nkhuikhumba kuti ndisange chinyake ichi, chifukwa ise tifikengeko ku ichi.

. . .ndipo chirutenge mu pharaniko: ndipo iwo ŵeneawo ŵakukhala pa charu chapasi ŵazizwenge, awo mazina ghawo ghakalembeka chara mu buku la umoyo kufuma ku mtendeko wa charu, . . .

⁵⁶ “Lizamkuŵako gulu pa charu chapasi,” mu kayowoyero kanyake, “ilo lizamkupuruskika,” pakuti iyo wakaŵapuruskika iwo. Ndipo pakaŵa gulu limoza pera ilo likapuruskika chara, ndipo ilo likaŵa leneilo zina lawo likalembeka pa Buku la Umoyo kufuma ku mtendeko wa charu. Ise tifikengeko ku icho nyengo yinyake pachoko.

⁵⁷ Sono muwoneni mwanakazi, mpingo, iyo wakaŵa “*Wamchindindi, Babulone.*” Ise tikumuwona iyo wakwizira mwa Nimrod. Kasi chakulinga cha Nimrod chikaŵa chivichi? Nimrod wakasanga msumba ndipo wakapangiska misumba yinyake yose kuti yipereke msonkho ku msumba uwu. Kasi ise tikuchiwona icho muhanyauno? Kasi ghaliko malo ghantheura muhanyauno? Kasi uliko mpingo uwo uli na ulamuliro pa fuko lirilose mu charu? Nadi. Kasi ghaliko malo muhanyauno agho ghakupangiska fuko lirilose kuti lipereke msonkho ku ichi? Kasi ghaliko malo?

Tiyeni tirutirire ndipo tiŵazge chose ichi, pachoko waka, mwantheura imwe muwonenge chithuzithuzi chose cha ichi. Viri makora.

... cheneicho ukawona *chikoko* icho *chikaŵako*, ...
chiriko chara, ndipo kweni chiriko.

Ndipo apa pali lingaliro ilo liri na vinjeru.

58 Sono, kasi mbalinga ŵakumanya kuti vinjeru ndi chimoza cha vyawanangwa vya Mzimu? Sono, kasi Iyo wakuyowoya ku gulu la mtundu uli, pamanyuma? Iyo wakwenera kuti wakuyowoya ku gulu la ŵanthu ilo liri na—na vyawanangwa vya Mzimu kutewetanga mu Mpingo.

... apa ndi ku lingaliro ilo liri na vinjeru.

59 Sono, imwe yimani, mukuchisanga chose icho mu miwiro ya mpingo iyi umu. Tikusanga kuti, Mzimu Mutuŵa kuyowoyanga, umo vyawanangwa vira vizamkuteweteranga mu nyengo yaumaliro. Sono, ise tiri na vyawanangwa vya machirisko vikuteŵeta. O, ichi ndi—ichi chikwenda makora. Inya, m'bale, viriko vyawanangwa vinyake. Icho ntchimoza waka cha ivyo. Icho ndi chinthu waka chichoko. Inya, apa pali chawanangwa chikuru nkhanira chiri apa. Kasi chiweme chomene chiwenge chivichi, chawanangwa cha Mzimu Mutuŵa cha vinjeru, kuti chiŵike Mazgu gha Chiuta pamoza na kuwoneska Mpingo apo ise tayimirira, kuruska kumupanga waka munthu kuchizgika? Ise tose tikukhumba kuŵa makora. Kweni ine ningatemwa kuŵa na uzima wane wakuchizgika, kuruska thupi lane kuŵa lakuchizgika, nyengo zose. O, mwe!

Pulikani Mzimu Mutuŵa wakuyowoya mwa Yohane, pa Patmo, wakati, “Apa pali chinjeru. Rekani iyo wategherezge ku Ichi.” Sono ise tikuwona chithuzithuzi chikupangika apa. “Apa pali . . .”

*Ndipo apa pali lingaliro ilo liri na vinjeru. Mitu seveni
 ndi tumapiri seveni, penepapo mwanakazi wakukhala.*

60 Kuli msumba umoza pera, uwo ine nkhumanya, mu charu . . . Kuli misumba yiŵiri, iyo ine nkhumanya, iyo yiri na seveni panji tumapiri tunandi mu iyi. Cincinnati ndi umoza wa iyi, yeneiyo yikwenera kuŵa nkhani yakuyata ya Cincinnati. Ndi mama mphumphi, imwe mukumanya, uyo . . . vinyake nthaura. Kweni uwu uli na vinandi kuruska ivyo mu uwu. Kweni kulije mpingo umoza ukuwusa Cincinnati.

Kuli malo ghamoza pera mu charu chose, agho ghali na mpingo wakhala pa tumapiri seveni, uwo ukuwusa charu chose. Sono, ine ndafika waka kufuma kwenekula. Vinthu vyose vira.

Ndipo ine nkhwona kula uko ili likati, “Ndipo apa pali vinjeru.” Chivumbuzi 13. “Rekani iyo mweneuyo wali na vinjeru wapende manambala gha chikoko, pakuti ndi nambala ya munthu.” Kagulu ka ŵanthu chara, gulu la ŵanthu, kweni “ka” munthu. “Ndipo nambala yake ndi sikisi handiredi na sikisite-sikisi.”

⁶¹ Ine nyengo zinandi ndiri kupulika, kuti, pa chizumbe cha papa wa ku Rome, pali kulembeka, “VICARIVS FILII DEI.” Ine nyengo zinandi nk hazukuma usange ula ukawa unenesko. Jamburani mzere, ndipo mulembe ichi mu mafigara, mu mafigara gha Chiroma, ndipo muwone usange ichi ndicho. Ndi unenesko nadi. Ine nk hayimirira kufupi *mwantheura* ku mphumphu ya makona ghatatu ya papa, mu galasi, “Mazaza pa gehena, machanya, na pagatore.” Mukuwona? Ntheura, vintu iyeva, ine ndafika waka kufuma kwenekula, ndafika waka kufuma ku Rome ndipo nk humanya uwu mbunenesko. Sono ise tikumanya ichi tachiwona.

Ndipo apa mafumu seveni: ghankhonde ngakuwa (gheneagho ghakawako pa nyengo yira), ndipo yimoza ndi (iyo ndi yimoza yifikenge sono, uyo waka wa Kesare), ndipo munyake wachali kwiza (uyo waka wa Herodi, uyo waka wa muheni); . . .

⁶² Sono wonani. Wonani umo ichi chiliri chakufikapo.

. . . ndipo para iyo wafika, iyo wakwenera kurutirira pa kanyengo kachoko.

⁶³ Kasi walipo wakumanya kuti Herodi wakawusa nyengo yitali uli? Myezi sikisi. Wakakwekweta mama wake mu msewu, pa khuni lamphanda lakukwetera kavaro. Ndipo wakawotcha msumba; ndipo wakagurizgira ichi pa Wakhristu. Ndipo wakabisama kuseri kwa kaphiri apo iwo . . . apo wakawotchanga msumba. Sikisi—myezi sikisi. Ndipo wonani, “Ndipo chikoko . . .” Sono wonani, wonani nk haza umo iyo wakawira. Mukuwona? Sono wonani.

Ndipo chikoko icho chikawako, ndipo chiriko chara, nanga . . . ntcha nambala eyiti, ndipo ntcha nambala seveni (kawiro ka cha nambala seveni), ndipo chikuruta mu pharaniko.

⁶⁴ Waliyose wakumanya icho *pharaniko* likung’anamura, ndi “gehena.” Ndipo wonani uko iyo wakafumira, “gehena.” Kasi ichi ntchichi? Vizongwe. Kulije lufura lwa chisambizgo cha Katolika. Kulije Baibolo la chisambizgo cha Katolika. Kulije chinthu chantheura kuti Baibolo liri na chisambizgo cha Katolika, palije palipose. Iwo wakuyowoya kuti wali chara. Musofi wakawa kunena uko, musofi muchoko uyu kunena uku pa mpingo wa Sacred Heart wakiza kudera kula. Iyo wakati, “O, iyo . . .” Ine nkhamuphaliranga iyo za kubapatizanga Mary Elisabeth Frazier. Iyo wakati, “O, iwe ukamubapatiza iyo kwakulingana naumo mpingo wakudanga wa Katolika ukabapatiziranga.”

Ine nkhati, “Mphauli chikachitika icho?”

Iyo wakati, “Mu Baibolo, Baibolo lako.”

65 Ine nkhati, “Kasi mpingo wa Katolika ukabapatiza ntheura? Kasi icho ntchisambizgo cha mpingo wa Katolika?”

“Inya.”

66 Ine nkhati, “Mu kuleka kutondeka kwa mpingo wa Katolika, ntchifukwa uli ichi chiri kusintha chomene ntheura?” Mukuwona?

67 Iyo wakati, “Inya, wonani, imwe mose mukugomezga Baibolo. Ise tikugomezga mpingo.” Mukuwona? “Ise tikupwerera chara icho Baibolo likuyowoya. Ndi icho mpingo ukuyowoya.” Uwo ndi unesko nadi. Imwe muyezge kufika pa kubecherana, ku ichi, muzakayezge ichi kamoza, wonani. Iwo wakupwerera chara icho Baibolo likuyowoya; icho chilije chakuchita na ichi. Iwo wakupwerera icho mpingo ukuyowoya. Mukuwona?

68 Kweni ise tikupwerera chara icho mpingo ukuyowoya. Ise tikugomezga icho Chiuta wayowoya. Amen. Pakuti Baibolo, kuli kulembeka, “Rekani lizgu lose la munthu liwe litesi, ndipo Lane liwe Unesko.” Ndicho chifukwa ise ndise bungwe chara.

69 Sono wonani. Tegherezgani ku ichi, miniti pera. “Mafumu ghankhonde cheneicho chikaŵako, ghakawa, mafumu ghankhonde.” Usange imwe mukukhumba icho kufuma mu mudauko, ine ndimuwoneskeninge ichi. “Ndipo yumoza waliko, ndipo yumoza wizenge.”

Sono chiwoneni, “chikoko.” Sono, chikoko chikaŵa fumu chara. Iyo wakaŵa “yumoza uyo waliko, mweneuyo waliko chara; ndipo kweni iyo waliko, ndipo waliko chara; kweni iyo waliko, ndipo waliko chara.” Kasi ichi ntchichi? Kundondoangananga kwa wapapa, nkhangono, chikoko kuwusanga. Apo ndipo Rome wambura kugomezga wakazgoka kupanga Rome wa kuwusika na papa. Rome wambura kugomezga wakazgoka, ndipo pamanyuma uyu wakazgoka wakuwusika na papa, cheneicho, iwo wakaŵa na papa m'malo mwa kuŵa na fumu, ndipo papa ndi fumu yauzimu. Ndicho chifukwa iyo ngwakuvwarikika mphumphu, fumu yauzimu, wakuwoyoya kuti ndi mwimiriri wa Yesu Khristu. Apo imwe muli. Sono wonani.

70 Ndipo ise titorenge chisambizgo chira cha Katolika kufumira uko ndipo timuwoneskeninge imwe umo ichi chiri kunjirira mu mipingo ya Protestant, wonani, umo ichi chichali kukhalira mwenemula mu mpingo wa Protestant, vinandi vya ichi. Mwakususkana, ndendende, ku Baibolo, nkhanira mwakususkana. Sono, “Chikoko icho chikaŵako, cheneicho chiliko chara.” Sono kumbukirani, “Iwo wose wazamkupurusika, pa charu chapasi, uyo zina lake likalembeka chara kufuma pa mtendeko wa charu.” Tiyeni tiwone.

Ndipo chikoko icho chikaŵako, ndipo chiliko chara, (vesi 11) ndipo kweni ntcha nambala eyiti, ndipo . . . ntcha nambala seveni, ndipo chikuruta mu pharaniko. (Iyo warutirirenge mpaka iyo wakafike pasi pa vizongwe pa umaliro wa ulendo.)

Ndipo masengwe khumi agho iwe ukawona ndi mafumu khumi, . . .

Sono wonani apa. Usange imwe mukukhumba kuti muwone chinyake chakuchenuska, wonani ichi.

. . . ndi mafumu khumi, agho ghandapokere ufumu mpaka sono; kweni ghakupokera nkhangono ngati mafumu ora limoza na chikoko.

⁷¹ Iwo ndi mafumu ghakuvwarikika mphumphu chara; iwo ndi ŵakuwusa mwankhaza. Wonani, iwo ŵakaŵa mafumu ghakuvwarikika mphumphu chara, kweni iwo ŵakupokera nkhangono ngati mafumu, ora limoza, mu muwuso wa chikoko. Ndi mu nyengo yichoko waka iyi ya muzgezge nkhanira sono uko ŵakuwusa mwankhaza ŵakuphuka. Mukuwona? “Kupokera nkhangono ngati fumu, ora limoza na chikoko.” Sono, viri makora.

Aŵa ŵali na lingaliro limoza, ndipo ŵaperekenge mazaza ghawo na nkhangono ku chikoko.

Iwo ŵachitenge nkondo na Mwanamberere, ndipo Mwanamberere waŵathereskenge iwo: (Uchindami!) pakuti iyo ndi Fumu ya fumu, ndipo Themba la mathemba: ndipo iwo ŵeneawo ŵali na iyo ŵakuchemeka, ŵakusankhika, ndipo ŵakugomezgeka.

⁷² Nakhumbanga ngati ningapharazga uthenga nkhanira sono pa icho, “Ŵakusankhika, pambere charu chikaŵa chindaŵeko, ndipo ŵakukhalirira ŵakugomezgeka mu kuchemeka kwawo.” Haleluya! Mphenepapo. “Iwo ŵakuchemeka, ŵakusankhika, ndipo ŵakugomezgeka.” *Ndipo* ndi mugumaniski, wonani, “Ŵakusankhika, ndipo ŵakugomezgeka.” Iwo ŵamuthereskenge iyo. Kwali iwo ŵafike pa kukura uli.

⁷³ Ndipo chikomunizimu chikuru ichi, chakuchitika cha chikomunizimu icho ise tiri nacho muhanyauno, kwenjerwa chara na icho. Icho chikuchitikira nkhanira mu mawoko gha Chiuta. Ine ningamanya kusimikizgira ichi na Baibolo ili. Iyo wamupangenge iyo wasuzgike chifukwa cha mupanikizgi waliyose iyo wali kukoma. Inya, bwana. Imwe wonani mafumu ghose agha ghazomerezgana pamoza, ndipo ghamutinkhenge iyo. Ndipo mtundu wose, charu chose, chikunjira mu chikomunizimu. Chifukwa, ichi chikwenera kuŵa chakuchitika cha Chiuta, kuti walange ichi. Imwe mukuti, “Lindizga miniti pera, M’bale Branham. Chikomunizimu, ntchakuchitika na

Chiuta?” Unenesko, nadi, ndi chakuchitika cha Chiuta. Baibolo likayowoya ntheura. Kweni ichi chikwiza kuti chilengeze cheruzgo pa wâheni na wânthu wâkukhozga soni wâpathengere. Kasi chakhalako ntchichi mu charu ichi? Kasi ise tiri na vichi? Kuno zuwa linyake. . .

⁷⁴ Ine ndilekezewenge pa chisambizgo chane miniti pera, usange ntchamachitiko. Ine nkha wazganga mu kachiduswa ka Lemba apo kuti mwana wâpathengere wanjirengemo chara mu mpingo wa Yehova pa miwiro fotini. Kasi mbalinga wâkumanya icho? Uwo mbunenesko, Deuteronome 23; mwana wâpathengere. Usange mwanakazi wakoreka mu munda, ndiko kuti, kutali na chivikiriro cha mwanarumi, ndipo mwanarumi wamukolerera mwanakazi yura, mwanarumi yura wakwenera kuti wamutore iyo. Ndipo kwambura kupwerera usange iyo ndi hure, mwanarumi wakwenera kuti wakhale nayo mpaka mwanarumi wafwe. Ndipo usange mwanakazi uyu watengwa kwa iyo, kupusikanga kuti iyo ndi mwali, ndipo iyo wali ntheura chara, ntheura iyo wangamanya kukomeka chifukwa cha ichi. Ndipo usange mwanarumi na mwanakazi awo mbakutorana, ndipo iwo wâbaba mwana uyo ngwa pathengere, kuti, mpingo wa Yehova iyo wanjirengemo chara, mpaka miwiro fotini. Ndipo virimika fote ndi muwiro. Kuwenge virimika foru handiredi pambere kwananga kula kundafumemo mu Israel.

⁷⁵ Chiuta wakutinkha kwananga! Kasi imwe mukukhazga kuti muyendenge uli pa Ndopa Zituwa za Fumu Yesu, chifukwa chakuti waka imwe muli mu bungwe linyake, mukukhazga kuti munjirengemo? Imwe muyenderenge mu nthowa ya Chiuta panji imwe mufikenge chara. Unenesko. Dikoni, mupharazgi, chirichose ise tingamanya kuwa, walije chakuchita na ichi. Iwe ukuyendera pa ndondomeko ya Chiuta.

⁷⁶ Miwiro fotini. Munthu wali nkhanira muno sono uyo wakadumbirananga icho na ine. Wakati, “Kasi ise timanyenge uli uyo wâponoskekenge?”

⁷⁷ Ine nkhati, “Apo ndi penepapo iwe ukwenera kuwa wa Calvinist muweme.” Zina lako likalembeka mu Buku pambere charu chikawa chinda weko. Chiuta wakutora ndonda yira ya ndopa. Icho chiri kwa Iyo. Mukuwona?

“Kweni kasi icho chiri na chakuchita uli. . .”

⁷⁸ Tegherezani. Imwe wachinyamata, muhanyauno, ine nkhumanya chara kwali imwe mukwiza ku tchalitchi ili, panji uko imwe mukuruta, imwe wanyamata wanichi na wasungwana. Kasi imwe mukamanyanga, vinthu ivyo imwe mukuchita, usange kuli muwiro unyake, wana winu wazamkweruzgika pa ivyo imwe mukuchita? Kasi imwe mukuchindika chara umoyo wa nkharo yiweme? Imwe wasungwana imwe muli kuwaro uku mukuvwara twakabunthu tuchokotuchoko utu na vinthu mwajikulunga, imwe mukumanya, icho chikuwonekera pa

mwana winu mwanakazi. Kasi imwe mukamanyanga kuti gogo winu mwanakazi wakaŵa a—wakuvwara mamini, ndipo mama wako wakaŵa wakutemwa kuvina, ndipo ndicho chifukwa iwe ndiwe wakujuvura pa msewu muhanyauno? Nadi. Kasi ŵana ŵinu ŵazamkuŵa vichi? Inya, bwana. Chiuta wakati Iyo wazamuŵika kwananga kwa ŵapapi pa ŵana na ŵana ŵawo, kufika ku miwiro yitatu panji yinayi.

⁷⁹ Ndipo kasi iwe ukumanya, m'bale wane, nyengo yiriyose para iwe ukuchita icho ntchakwenerera, cheneicho chikhilirenge ku ŵana ŵinu?

⁸⁰ Laŵiskani kuno, tiyeni titore Ŵahebere, chipatulo 7. Baibolo likayowoya, para—para Melekizedeki wakati wakumana na Abraham wakuwerako kukakoma fumu, ndipo wakamutumbika iyo, ndipo Ili likayowoya, sono, “Levi . . .” Iyo wakuyowoya za kupereka vyakhumi. Wakati, “Levi . . .” wakaŵa “. . . languro kufuma kwa Fumu kuti wapokere vyakhumi kufuma ku ŵabale ŵake.” Ndipo Levi uyo wakapokera vyakhumi, wakapereka vyakhumi, pakuti iyo wakaŵa wachali mu chiwuno cha Abraham para iyo wakakumana na Melekizedeki. Ndipo Abraham wakaŵa sekuru wake mukuru. Abraham wakababa Isaac, Isaac wakababa Jacob, Jacob wakababa Levi; Levi, dada, sekuru, sekuru mukuru. Ndipo apo Levi wakaŵa mu chiwuno cha Abraham, Baibolo likati iyo wakapereka vyakhumi kwa Melekizedeki. Halleluya!

⁸¹ Kuzomerezga chara munyake wamuphalireni imwe kuti mtundu unyake wa chakuchitika mu charu ungamanya kutimbanizga ndondomeko yikuru ya Chiuta. Ichi chikurutirira munthazi! Ichi chikanozgeka kale kula pa chiyambi. Kulije viŵanda panji viŵanda vyakukwanira vingamanya kutimbanizga ndondomeko Yake.

⁸² Sono, Baibolo likayowoya chara kuti “panyake vikachitika” iyo wakapereka ichi. Baibolo likati, “Iyo wakapereka vyakhumi,” para iyo wakaŵa m'chiwuno cha sekuru wake mukuru. Uchindami! Iyo ndi Fumu yane. O, Iyo wakamanya ichi, nanga, ndi pambere charu chikaŵa chindaŵeko. Iyo wakamanya chirichose. Ndipo mwa Abraham, iyo wakapereka vyakhumi.

⁸³ Ndipo mlongosi, m'bale, kasi iwe ungamanyizga uli apa, ndipo ŵanthu ŵakukhala ndipo ŵakwendezgana na ŵawoli ŵa mwanarumi, ndipo ŵawoli kuphwasuranga vikaya, na kukhalanga umo imwe mukuchitira, kasi imwe mukukhazga kuti muwiro unyake uzamkuŵa uli? Apa pali icho chiriko. Ichi sono chafika ku chinyake chara kweni gulu la ŵana ŵapathengere, ŵakubabika kwambura kurongosoka, mulu wa chivundi. Ndipo kuli chinthu chimoza pera chakhalako ku ichi, ndipo ilo ndi zuŵa la atomiki ilo ise tikukhalamo. Uwo mbunenesko nadi. Ise tiri ku nyengo yaumaliro.

⁸⁴ Chikhalire mlenji uwu, uko mu tumapiri twa ku Kentucky, mnyamata mulara pachoko, imwe mungamuyandikira chara iyo kukwana marundi khumi, kumulekeska iyo kupanganga juwisi wa nyifi. Panyake wakamanya chara ilo likaŵa woko lamaryero panji lamazere. Para iyo wakati wapulika. . . Ine nkhaŵa kuti ndafika pa msasa wa ŵasirikali. Ine nkhamanya chara uko ine nkhaŵa. Ine nkhaŵa waka mu mayiyi ghanyake. Ndipo ine nkharuta kenena kula kuti nk hazengereko ŵabenga. Ndipo para ine nkhati ndakhala pasi kenena kula, ine nk hayamba kumuyowoyeska iyo. Ndipo mnyamata uyu wakayowoya kuti iyo wanjirenge usirikali. Ndipo pa kufufuza, ise mbwenu tikayamba kuyowoya za Fumu, ndipo iyo wakati, “Mupharazgi, kasi iwe ukugomezga chara kuti ise tiri ku nyengo yaumaliro?” Kutali kumanyuma kula ku mapiri ghara.

⁸⁵ Ine nkhati, “Nadi, ise tiri. Nadi, mnyamata, ise tiri ku nyengo yaumaliro.”

⁸⁶ Ise tiri apa. Ili ndi ora ilo ise tikukhalamo, m’bale. Ise tiri mu malo. Kasi iwe ukuwona chara umo kuti ŵamama kale chomene, na ŵadada, umo iwo ŵakakhiliranga, na sekuru na gogo? Kasi iwe ukuwona chara umo dada na mama ŵali kukhalira? Ntchambura kuzizika kuti ise tiri mu chivundi muhanyauno. Ntchambura kuzizika, iwe ungamanya kupharazga mwakuŵakanizga kuchita vinthu; iwo ŵavwarenge ŵakabunthu mwakuyana waka, na kuthunyira ku maso kwako. Iwo ŵakhweŵenge ndudu na kuchupulira nkhanira kwa iwe, na kuti, “Manya twako wamwene.” Chifukwa? Ilo ndi fuko uko iwo ŵali kubabikiramo. Ine ndifikengeko ku icho, mwakurunjika, *Mbewu Ya Serpente*. Ise tiwonenge apo iyi yikunjirira, tiwone chifukwa icho iwo ŵakuchitira ntheura. Iwo ndi ŵana ŵa devulu kufuma pa mtendeko wa charu. Uwo mbunenesko. Ndipo tilije kalikose mwenemumo, chakhalako ku ichi, mwantheura cheruzgo ndi chinthu chekha pera chakhalako. Tingaŵa na chinyake chara chakhalako kweni cheruzgo. Chiuta waparanyenge waka chinthu chose. Ndipo ŵanthu ŵali kuchita ichi iwoŵekha. Chiuta wakakhumba chara kuti ichi chizakaŵe mwantheura, kweni Iyo wakamanya kuti ichi chizamkuŵa mwantheura. Ndicho chifukwa Iyo wakati iyo wangamanya, “Kupuruska wose awo ŵakakhala pa charu chapasi, kupatulako ŵekha awo mazina ghawo ghakalembeka mu Buku la Mwanamberere Wamoyo pambere kundaŵeko lufura lwa charu.”

⁸⁷ Tiyeni tichiwone ichi. Tiŵazge mwakurutirirapo pachoko sono. Sono, sono ine nk homezga ise tiri pa 12.

Ndipo masengwe khumi agho iwe ukuwona ndi mafumu khumi, awo ŵandapokere ufumu kufika sono; kweni ŵakupokera mazaza ngati mafumu ora limoza na chikoko.

A̱wa w̱aw̱enge na lingaliro limoza, ndipo w̱aperekenge mazaza ghawo na nkhongono ku chikoko.

Ndipo a̱wa w̱achitenge nkhondo na Mwanamberere, ndipo Mwanamberere w̱aw̱athereskenge iwo: pakuti iyo ndi Fumu ya fumu, ndipo Themba la mathemba: ndipo iwo w̱eneawo w̱ali na iyo w̱a—w̱akuchemeka, w̱akusankhika, ndipo w̱akugomezgeka.

Ndipo iyo wakati kwa ine, Maji agho iwe ukuwona, apo muzaghali wakhala, ndi w̱anthu, . . . w̱anandi, . . . mafuko, na malilime.

. . . masengwe khumi agho iwe ukuwona pa chikoko, a̱wa w̱amutinkhenge muzaghali, . . .

⁸⁸ Wonani icho sono, agha “masengwe khumi,” maufumu khumi agha. Wonani, chirichose chikunjiramo, icho w̱akuwusa mwankhaza a̱wa w̱ali. Wonani umo w̱akuwusa mwankhaza w̱akuyegamirako uku. Kasi ichi chikuyegamira ku vichi? Mbweni—ndiphalireni waka ine wakuwusa mwankhaza uyo wakuyegamira pa komunizimu chara. Mukuwona? Ndipo iwo (vichi?) w̱azakumutinkha “muzaghali,” mwanakazi, mpingo. Kweni vichi? Wonani icho chizamuchita ichi.

. . . a̱wa w̱azakumutinkha muzaghali, ndipo w̱azakumupanga iyo chipalamba na wankhuli, ndipo wazamkurya thupi lake, na kumuwocha iyo na moto.

⁸⁹ Iwo w̱azamkufumiskapo chinthu icho pa malo, nkhanira mwakusimikizga umo ine ndayimirira pano. Ise nthena tanguw̱a waka na nyengo kutora chisambizgo chira kula cha mpingo ula, na kuyenda nacho ichi mu Malemba, uko Ili likati, lika̱wazgika, “Mafumu ghose gha charu ichi, na wose w̱achilongozgi w̱a sitima, na wose, w̱akutengera, pakuti Babulone mukuru wafika pa kuparanyika kwake mu ora.” Ora limoza, nyengo yake yikafika! Ndipo, o, umo Ili likayowoyera, “Sekererani, imwe w̱atuw̱a, na imwe mose w̱aprofeti w̱atuw̱a, pakuti Chiuta wawezgera nduzga ndopa za w̱atuw̱a na w̱abale w̱inu pa iyo.” Wonani, uwo mbunenesko. Nadi, chikomunizimu kusew̱eranga nkhanira mu mawoko gha Chiuta. Ngati ndiumo fumu Nebukadinezar wakasew̱era nkhanira mu mawoko, kuti wafike kuzakatora W̱ayuda w̱ara, para iwo w̱akapurukira! . . . ? . . .

⁹⁰ Ndipo kwananga kungamanya kurutirira kuchitikanga, mbewu yaurunji yingamanya kukhalirira mwenemula ndipo mbewu yingamanya kurutirira kunangikanga, na kunangikanga na kunangikanga mpaka para pajumpha kanyengo iyi yikumara. Ichi chikufika ku malo, chifukwa w̱amama w̱awo na w̱awiskewo na w̱anyake nthaura w̱ali kukhala umoyo wantheura kumanyuma kwithu, ndipo mu kachitiro ako, mpaka kulije chirichose chatikhilirako ise. Ndipo imwe mukumanya icho Yesu wakayowoya? Usange Iyo wakadumulizga chara

mlimo, nthena wanguwako chara nanga ndi munthu munyake wakuponoskeka.

⁹¹ Kasi imwe mukuwona? Kasi imwe mukuwona chifukwa icho ise tiliri na ivi? Ine nkhopanga ndemanga chara. Za Arthur Godfrey na wanyake, imwe mukumanya, wonani, na za Elvis Presley, na—viwuno musu, maovololo, ndipo sisi kulenderanga musu mu singo lawo, na mose umo wa m'virimika m'matini awa wakuchitira. Ntchichi chikuchita ichi? Kasi ntchichi ichi? [M'bale Branham wakutchaya pa gome khumi na kamoza—Munozgi.] Chifukwa ichi chikufumira ku gulu la awo wakaŵako kale, wanthu wapathengere. Kulije chakhalako! O, iwo wayimirirenge na kwimba, “Kufupi na, Chiuta wane, kwa Imwe,” ngati mwi-mwimbi Ernie na wanyake wose ngati ntheura, wakwimba mtundu unyake wa sumu, na vinyake ngati ntheura. M'bale, iwe ukumanya kasi? Uwo, ndi upusikizgi weneko. Inya, bwana.

⁹² Mwanarumi walije chakuchita pa gome ili uyo wakuruta kuwaro kula na kukavina gwedemura na kupulikizga sumu zaukazuzi na mtundu wose ula wa vinthu. Iyo walije nanga ndi kadikidiki kalikose kakuti wachite kuseri uku. Iyi ndi ntchito ya wasofi, wakuchemeka na Chiuta. Chiuta wali kuchema wapharazgi wayimirirenge kuseri uku. Ndipo wangasangikangako chara kuseri uku wangati yura. Ilo ndilo suzgo na ichi muhanyauno, iwo wapanga mpingo kuwa chinyake chara padera pa loji. Loji njiweme, imwe mukukhumba kuchita icho, icho chiri kwa imwe. Kweni rekani ine ndimuphalireni imwe, pali mphambano yikuru chomene pa kuyezga... pakatikati pa loji na mpingo. Inya, bwana. Imwe mukukhumba kuchita vinthu ivyo mu loji, na kuwa na mitundu yose ya maphwando na vinyake ntheura, icho chiri kwa imwe. Kweni, m'bale, mpingo ukwenera kutozgeka kufuma ku gome mpaka kumanyuma uko. Uwo mbunenesko. Ine nkhang'anamura kutozgeka na mawindo ghaphya na vinyake ntheura chara. Ine nkhang'anamura na kachitiro kakale, chisisimuso chakutumika na Chiuta icho chitanthazenge chinthu kufuma lwandi limoza kufika ku linyake. Inya, bwana. Ngati kuwaliska ungweru, ungweru wa magesi pa gulu la suche izo zawungana pa chikhokho cha apulo. Inya, bwana, izo zichimbirenge para ungweru wafika.

⁹³ Sono wonani, “Iwo wali na malingaliro ghamoza, wakuwapa mazaza ghawo.” Ine ndakhilira musu sono. “Masengwe khumi.” Inya, sono.

Pakuti Chiuta wali kuwika mu mitima yawo kuti wakwaniriske khumbo lake, (uko imwe mukuruta), na kuti wazomerezge, ndipo wakupereka maufumu ghawo ku chikoko, mpaka mazgu gha Chiuta ghazakafiskike.

Sono, *ndipo mwanakazi uyo iwe ukuwona ndi msumba ukuru, uwo ukuwusa mafumu ghose gha charu chapasi.*

⁹⁴ Sono, palije phindu lakuchita kuzingilira mumphepete, ise tikumanya ilo ndi dongosolo la kalamuliro ka Katolika. Pakusoŵeka munyake chara...Ine—ine nkbugomezga icho mwakusimikizga waka umo ine nkbugomezgera kuti ine ndiri kupokera Mzimu Mutuŵa. Ine nkbugomezga icho makora waka umo ine nkbugomezgera kuti ine ndine Mukhristu nayimirira pano muhanyauno, kuti dongosolo lira la kalamuliro ka Katolika ndi—a...Msumba wa Vatican ndi—msumba uwo uli pa tumapiri seveni. Ndongomeko ya kalamuliro ka mpingo ndi chikoko icho chikaŵako, cheneicho chiriko chara. Uwu ndi Babulone. Chirichose chikuwoneka nkhanira ndendende, nkhanira mwakufikapo ulendo wose mu Malemba. Ndi mpingo wa Katolika.

⁹⁵ Sono, sono apa pali fundo yinu yakumuzukumiskani. Imwe mukuti, “Inya, iwe ukupweteka ine chara, M’bale Branham.” Kweni reka ine ndikufumbe waka chinthu chinyake iwe. Tiyeni tiwerere nkhanira ku vesi 5 sono.

Ndipo pa mutu wake pakawâ...pakalembeka, WAMCHINDINDI, BABULONE MUKURU, NYINAWO WA MATUSI...NYINAWO WA WAZAGHALI NA MATUSI GHA CHARU CHAPASI.

⁹⁶ Kasi iyo wakaŵa njani? H-u-r-e. Ndipo iyo wakaŵa m-a-m-a. Vichi? M-a-m-a. Iyo wakababa chinyake. Nyinawo wa ŵana ŵanarumi? Wa ŵazaghali! Kasi muzaghali ndinjani? Chinthu chenechira ngati—ngati hure, mwanakazi muzaghali. Ntchichi chikamupanga iyo muzaghali? Chisambizgo chake. Iyo wakajitoranga kuŵa mpingo Ukhristu, kweni wakasambizganga chisambizgo chakupangika na munthu. Ndipo apa iyo wakuyowoya kuti iyo wakaŵa na...Ndipo iyo wakaŵa bungwe lakudanga, mwantheura kukuwoneka ngati kuti mabungwe ghanyake ghakafuma mwa iyo. Iyo wakaŵa nyinawo wa ŵazaghali. Ndi unesko uwo? Nyinawo wa ŵazaghali. Wangaŵa chara mama, sono, wa ŵanyamata. Wangaŵa chara mama...Ichi wakayenera kuŵa mama wa ŵanakazi. Ndipo, usange iwo ŵakaŵa ŵanakazi, iwo ŵakaŵa mipingo. Sono tiyeni tifufuze. Kasi ntchichi chikafuma mwa... .

⁹⁷ Kasi bungwe lakudanga likaŵa ndi? Mpingo wa Katolika. Kasi bungwe lachiŵiri likaŵa ndi? Lutera. Kasi bungwe lachitatu likaŵa ndi? Zwingli. Kasi ili likarutirira kupanga vichi? Calvin. Ndipo kula chikakhirira ku Anglican, ndipo Anglican chikakhilira ku Methodist. Methodist, kasi Methodist wakapanga vichi? Kufuma kula kukiza Alexander Campbell. Kufuma mu Alexander Campbell kukiza John Smith. Kufuma...Alexander Campbell ndi mpingo Ukhristu;

pamanyuma, iwo wakaŵa nayo yinayi panji yinkhonde, mpingo wa Khristu ndipo visambizgo vyose vira vichokovichoko vikamara. Pamanyuma apa ukiza mpingo wa Baptist, uwu ukaŵa na kupanduka kuchokokuchoko kunandi. Ndipo kufuma mu mpingo wa Methodist kukiza...kufuma mu mpingo wa Methodist, kukiza, pakudanga kukiza Methodist wa Wesley, ndipo pamanyuma iwo wakaswekana kanayi panji kankhonde. Pamanyuma iwo wakapanga mtundu unyake wa Methodist, ndipo pamanyuma iwo wakaswekanaso, pamanyuma iwo wakapanga Free Methodist. Ndipo—ndipo pamanyuma kufuma kula iwo wakapanga Nazarene. Ndipo kufuma ku Nazarene wakapanga Pilgrim Holiness, ndipo Pilgrim Holiness na kurutirira. Visambizgo waka vichokovichoko kumaranga waka ngati ntheura, kurutiriranga waka, waliyose wa iwo muchoko—wakwambiska wachokowachoko wakale wakiza wakarutirira. Ndipo kasi waliyose wa iwo wakachita vichi? Ndipo paumaliro ichi chikamalira mu Pentekosite.

⁹⁸ Ndipo kasi Pentekosite wakachita vichi? Chinthu chenechira icho mama wawo wakachita, iwo wakaruta nkhanira kumanyuma ndipo wakapanga wupu. Ndipo kasi ichi chikazgoka vichi? A—bungwe. Njirani mu limoza, chinthu chakudanga, “Kasi chisambizgo chinu ndi vichi?” Mnyamata, iwo wakukuskakura iwe na chiskako chiweme cha mino, wona, kuti wamanye icho iwe uli, icho iwe ukugomezga. Ndipo usange iwe ukukoleranako makora chara na iwo, m’bale, iwe wakukusezga nkhanira penepapo. Ndipo uwo mbunenesko.

⁹⁹ Ndipo ungaghanaghananga chara kuti pakuti iwe ukuti ndiwe wa Pentekosite mbwenu ndiwe wakuvikirika. M’bale, kuzamkuŵa waka ŵa Pentekosite wanandi mu mphepete mwa msewu kuruska awo ŵali pa msewu, ine nkhumeneska. Mukuwona?

¹⁰⁰ Sono, mabungwe ghose ghara, usange igho ghakazomerezgenge waka thumbiko la Pentekosite lirutirire, kuleka kupanga bungwe, kusungirira waka ichi mu wenenawene wa ubale na kuzomerezga Mzimu Mutuŵa wachite kupaturanya. Mzimu Mutuŵa wakupaturanya. Ananiya na Safira wakiza nyengo yimoza, wakayowoya *chakuti-na-chakuti*; ndipo Mzimu Mutuŵa wakati, “Ntchifukwa uli imwe mukateta?”

¹⁰¹ Kweni ise tikuti, “Sono, uyo ndi M’bale Jones, rekani kuyowoya chinyake chiheni za iyo sono, iyo ndi wakupereka muweme chomene ise tiri nayo mu mpingo. Ine nkhumanya iyo wali na Mzimu Mutuŵa; ine nkhamupulika iyo wakuyowoya malilime, ndipo ine ndiri kumuwona iyo wakuchemerezga mu Mzimu.” Ichu ntchinyake chara kuruska kuthira ntchungu pa chikumba chakomira cha ng’ombe. Mukuwona? Paliye chakuchita na ichi. Chiuta ndiyo wayowoye. Iyo wali nacho chakuyowoya kwali iyo waliko panji chara. Nadi. “Kweni ise tikachita ichi ku bungwe lithu. Inya, ise tikamusezga iyo mu—mu

Assemblies, wa Oneness ukumutora iyo.” Wa Oneness ukukhala nayo iyo pa kanyengo, ndipo pamanyuma iwo wakamusezga iyo. Chifukwa, iwo wakamusezga iyo kudera kula, ndipo wa Jesus Only ukumutora iyo. Wa Jesus Only ukukhala nayo pa kanyengo, ndipo pamanyuma chinthu chakurondezga chikumutora iyo ndi mpingo wa Chiuta, ukumutora iyo. Mpingo wa Chiuta wa Uchimi ukumutora iyo, ndipo chakuchitika cha Tomlinson chikumusanga iyo. O, mwe! M’bale, usange ise takhala pachoko chara kumara! Umo ndi mu Pentekosite, chisisimuso chaumaliro. Ndipo sono iwo w’ali na Blue Flame, ndipo iwo w’ali na wakusopa mafuta, na—na ndopa ku maso. Ndipo, o, lusungu, ine nkhumanya chara uko iwo wafika sono.

¹⁰² Chinthu waka chimoza, ndiko kuti chinthu chose chafika pa kuvunda. Kasi imwe mukamanya Baibolo likayowoya kuti kuzamkwiza chivundi? Kasi imwe mukumanya—Baibolo likuyowoya za nyengo iyi, yizamkuwako kuno, apo nanga ndi magome gha Fumu ghazamkuwa ghakuzura na maukuzi? Ndipo likati, “Ndinjani Ine ningamusambizga chisambizgo? Ndinjani Ine ningamupanga kuti wandipulikiske Ine? Pakuti dango likwenera kuwa pa dango, liwe pa dango, mzere pa mzere.” Ndinjani Iyo wangamusambizga chisambizgo? Iwo weneawo w’ali kulumulika ku bere, la mama. Mukuwona?

¹⁰³ Sono, waliko chara—waliko chara mwanakazi, mwanakazi wakukwiya luwiro mu tawuni iyi kweni kuti wangamanya kubaba mwana mwanakazi mwali. Iyo wali para iyo wababika, sono, ndipo iyo wangamanya kukura makora. Kweni usange imwe mukuwoneseska chara, za mama wake kuti waka wa kawiro kala, msungwana yura, nayini pa teni, wachitenge ndendende ngati ndiumo mama wake wakuchitira. Sono, imwe mukumanya uwo mbunenesko. Mwanakazi mulara uyo wakupanga bizinesi yiheni, wangamanya kubaba msungwana muchoko. Iyo wangamanya kuwa wa virimika sikisitini, wakuphotoka waka ndipo wankharo yiweme ngati luwa zoto lililose, kweni, usange iyo wakhilirirenge mwantheura umo. Kweni, nkhanira apa njakuti, iyo wakuwerera nkhanira kumanyuma ndipo wakuchita ngati mama wake.

¹⁰⁴ Sono, mpingo wa Katolika uka wa muzaghali wakale wakudanga uwo ukiza na visambizgo ivyo uwo ukapanga iwowene, vyaung’anga, cheneicho, Baibolo likati, “Iyo wakafumira mu chizongwe ndipo wawerenge ku pharaniko.” Baibolo likayowoya icho. Sono, usange iwo wakusambizga icho, ndi kwananga. Ndi kwananga, kwakulingana na Mazgu gha Chiuta. Ndipo pamanyuma apa ukwiza mpingo wa Methodist, uwo ukababika kufuma mwa iyo, dona mwanichi wakatowa, kweni kasi iyo wakachita vichi? Iyo wakang’anamukira nkhanira kumanyuma ndipo wakuchita vinthu vyenevira ivyo mama wake wakuchita. Wakuzomerezga gulu lake kuvwaranga wakabunthu. Wakuwazomerezga iwo kukhweŵanga ndudu.

Wakuwazomerezga iwo kuchitanga viheni na kuchita waka ngati ndiumo iwo wakuchitira. Paliye chirichose chikayowoyeka za ichi. Mliska mulara wakukhwima pachoko kumanyuma kula, ku gome kumanyuma kula, wali na mantha kuti iyo wazamukhala kwambura malipiro zuwa linyake, panji mbale ya mabisiketi.

¹⁰⁵ Reka ine ndikuphalire, m'bale, ine ntchiweme ndipharazge Ivangeli, na kurya vikondamoyo na kumwa maji gha mu mronga, na kuyowoya Unesco za ichi. Usange waliyose mu gulu lane wakanyamuka na kufuma kuwaro, ine ndiwaphalirenge Unesco za ichi. Inya, nadi.

¹⁰⁶ Suzgo ndi vichi? O, ndi ntchito yakusangirapo chakurya. “Inya, imwe mukumanya, ine ndine mliska wa mpingo ukuru chomene uwo uliko mu msumba.” Imwe wa Baptist na wa Methodist mukutegherezga kwa muprofeti mutesi. Sono, icho ntchakupweteka, kweni chirichose icho chikusambizga mwakususkana na Baibolo ili ndi muprofeti mutesi. Ine nkupwerera chara kwali chinga wa chakuwoneka makora uli, ndi uchimi wautesi. Uwo mbunenesko.

¹⁰⁷ “O, chirichose chiri makora waka malinga zina lako liri pa buku.” Iwe panji ungamanya kuwa na zina lako mu mabuku thweluvu. Usange ili liri pa Buku la Umoyo chara, iwe watayika! Iwe ungamanya kuwa muweme chomene, iwe ungamanya kuwa waka wakugomezgeka na wakutozgeka na wankharo yiweme umo iwe ungamanya kuwira, icho chiwenge na chinthu chimoza chara chakuchita na ichi.

¹⁰⁸ Esau waka wa munthu muweme chomene kuruska umo Jacob waka wira, para ichi chikafika pa kuwa munthu, kupwereranga dada wake mulara muchekuru wachiburumutira na chinyake chirichose. Ndipo Jacob waka wa muchenjezi pachoko wakakhalanga pafupi na mama wake, mnyamata mulara pachoko waukhaliro wa chanakazi. Kweni Chiuta wakati, “Ine ndatemwa Jacob ndipo ndamukana Esau,” pambere mnyamata waliyose wa iwo waka wa wandababike. Waroma 8 wakuyowoya nthaura. Uwo mbunenesko nadi.

¹⁰⁹ Chiuta wakumanya icho chiri mwa munthu. Ndipo Iyo wakumanya icho chiri mu mpingo, namoso. Ise tikukhalira umoyo Chingwa cha Umoyo, Chingwa cha Mazgu gha Chiuta. Sono, ndicho chifukwa ise ndise bungwe chara.

¹¹⁰ Sono ine nkukhumba kuti ndimupeni chinyake chichoko... Ine nkukhumba kuti ndimupeni chiyerezgero chichoko icho ine nangulemba apa. “Mukuru...” Sono mu Chivumbuzi, mu 19:2. Ine ndiri na chinyake nangulemba apa. Ine nkukhumba kuti ndila wiske na kuwona kasi ichi ntchivichi sono.

Pakuti ghaneneska na gharunji ndi maweruzgo ghinu: pakuti iyo wamweruzga muhere mukuru, uyo wakananga charu chapasi na mauzaghali ghake, ndipo

wawezgera nduzga ndopa za wateweti wake pa woko lake. (Uko ndi kumara kwa mpingo wa Katolika.)

¹¹¹ Sono, ise tikukhumba kuti imwe muwone, apa naposo, kuti bungwe—kuti bungwe likusangikaso mu Malemba umu, pa. . . Ndipo Baibolo likuyowoyapo chara za bungwe. Bungwe likiza kufuma ku mpingo wa Katolika. Iyo ndi mama wakudanga wa bungwe, ndipo bungwe lililose liri kufumira nkhanira mwenemula. Sono, ichi chiwenge chakupweteka waka pachoko. Ichi chirutirirenge kupwetekanga pachoko nyengo yose, wonani. Kweni ine—ine nkukhumba kuti imwe muwone kuti mabungwe ghakapangika panji kukhozgeka na Chiuta chara. Ichi chikakhozgeka na devulu.

¹¹² Mpingo wa Chiuta ndi. . . Ise ndise wakugaŵikana chara, tose ndise thupi limoza; chigomezgo chimoza na chisambizgo chimoza, yumoza mu kutemwana. Uwo ndi Mpingo wa Chiuta wamoyo. Kwambura kupwerera icho iwo, vintu vira, ise ndise yumoza pamoza! Uwo mbunenesko. Kwali iyo ndi wa Methodist panji Baptist, m'bale, usange iyo ngwakubabikaso ndipo ngwakuzugika na Mzimu Mutuŵa, iyo ndi m'bale wane. Ise tikwenda phewa na phewa. Mbunenesko. Inya, bwana. Chikupanga mphambano yiriyose chara.

¹¹³ Moses. Nyengo zinyake ine nkhulaŵiska na kuti, “Iwe ukumanya gulu lira la ŵa Pentekosite wakunyanyira, M'bale Branham, ntchifukwa uli iwe ukwenda na gulu ngati lira?” Imwe mukumanya kasi? Moses wakalingalira pa ŵana ŵa Israel. Iyo wakalaŵiskira pa windo ilo Faro wakalaŵiskirapo. Faro wakaŵalaŵiska iwo ngati gulu la wakudyaka thope, kweni Moses wakaŵalingalira iwo ngati ŵana wakusankhika ŵa Chiuta. Iyo wakamanya kuti iwo wakawa na phangano. Chifukwa? Iyo wakamanya ichi kwizira mu Mazgu. Ndipo mwa chipulikano. . . Na rundi lake pa chizumbe, kuti wazakaŵe Faro, na charu chose pasi pa marundi ghake, kukhala apo ndipo wakapungulira vinyo mu mlomo wake, na wanakazi wakutowa kuti ŵamukupize iyo, ngati fumu, panji muwusi wankhaza, panji fumu ya charu, Moses mwanichi, pa msinkhu wa virimika fote, wakaŵa nacho mu woko lake. Iyo wakalaŵiska pa gulu lira la wakudyaka thope, kweni iyo wakamanya kuti iyo wakawa yumoza wa iwo. Haleluya! Mphenepapo. Iyo wakamanya kuti iyo wakawa yumoza wa iwo. Ndipo mwa chipulikano, yekha, iyo wakasankha!

¹¹⁴ Waliyose wakwenera kuti wapange chisankho. Iwe ukwenera kuti upange chisankho. Iwe upangenge chisankho sono. Iwe upangenge chisankho namlenji. Iwe uzamkupanga chisankho namachero usiku, usange iwe ukhalenge wamoyo. Iwe ukwenera kuti uzakasankhe nyengo yinyake. M'bale, kale chomene nyengo yinyake ine nkhasankha. Baibolo ili likaŵa dikishonare lane. Baibolo ili likaŵa Buku lane la

Umoyo. Baibolo likaŵa Mazgu gha Chiuta. Baibolo ndilo ine nkukhalira umoyo. Baibolo ili ndilo ine nkugomezga.

115 Ipo, Moses wakalawiska pa ŵana ŵa Israel. Ndipo iyo wakayowoya waka pera chara kuti, “O, iwo ndi ŵanthu ŵaweme. Ine ndiriŵe chakuŵasuska iwo. O, chara, ine ningayowoya chara lizgu limoza kwimikana na iwo.” Umo ndimo ŵanthu ŵanandi ŵakuchitira muhanyauno. “O, ŵa Pentekosite ŵara na ŵanthu ŵara awo ŵali na Mzimu Mutuŵa, na ŵanthu ŵara awo ŵakugomezga mu machirisko Ghauzimu, o, ine—ine—ine ndiriŵe chirichose chakwimikirana nacho ichi.” Kweni Moses wakaŵa nthura chara. Iyo wakaleka Egupto ndipo wakazgoka yumoza wa iwo. Iyo wakaruta pakati pa ŵabale ŵake. Iyo wakaŵa yumoza wa iwo.

116 M’bale, uko ndiko ine nkuruta. Ine ndiyendenge pamoza na ŵachoko ŵakunyozeke ŵa Fumu, usange mbachoko chomene, chirichose icho chiriko. Iwo ŵali na phangano, ndipo ine nkughawona mazina ghawo mu Buku la Mwanamberere Wamoyo. Iwo ndi ŵabale ŵane. Uwo mbunenesko. Panga chisankho chako ndipo yima na iwo. Chiweme panji chakwanangika, yimirira kula munthowa yiriyose. Usange iwo mbakutondeka, ŵavwire iwo kuti ŵachite makora. Unenesko. Iwe ukuŵavwira chara iwo pakuchita kuŵachimbizga. Wona, yezga kuŵaweze gako.

117 Charlie, ngati ndiumo iwo ŵakayowoyera za M’bale Allen, za moto uwo . . . ndopa mu mawoko. Ine nkhati, “Nkhachita chara, nkhamupepula chara A. A. Allen.” Ine nkhati, “Usange ine ningapharazga ngati A. A. Allen, ine ningaŵa chara nanga ndi chisopo cha machirisko.” Sono, para ichi chafika pa kususkananga pa ndopa ngati ndi ukaboni wa Mzimu Mutuŵa, mu mawoko ghako, ine nkhususkana nacho icho. Kweni para ichi chafika pa wenenawene wa paubale, iyo ndi m’bale wane. Ine nkhu yimirira phewa na phewa na iyo mu nkondo. Uwo mbunenesko. Usange iyo wananga, ine ndiyezgenge kumovwira iyo. Ndipo usange iyo wananga chara, usange ine ndananga, ine nkukhumba kuti iyo wandivwire ine. Ndipo umu ndimo ise—tikukhalira. Sono wonani apa.

. . . iyo wakaŵa WAMCHINDINDI, BABULONE . . .
NYINAWO WA WAZAGHALI . . .

118 Sono kasi imwe mukuwona umu mpingo muhanyauno, ŵabwezi, kasi imwe mukuwona umu mipingo iyi muhanyauno yikukhala umoyo uliwose yikukhumba kukhala? “Nkhanira mwakufikapo, ŵakurutirira munthazi,” nkhumba yikurya nkhumba, ŵakuŵikako zero chara. “Chifukwa, paliŵe chakwanangika pa kuchita icho. Chifukwa, iwe uyezge waka kuŵa wakachitiro kakale.” Sono wonani chisambizgo chawo. Sono ine nkukhumba . . . Sono wonani. Icho ndi chizgoŵezi chawo. Kasi imwe mukuwona, kuti virimika vichoko

vyajumpha, kuti mpingo wa Katolika ukaŵa wekha pera uwo ukazomerezgeka kuruta kukawonerera sinema? Mpingo wa Methodist ukaghanaghana chara za chinthu chantheura. Mabungwe ghose ghara, “Chara! Iyo ndi milimo ya devulu.” Ine nkhezizwa kasi kukachitika vichi. Inya, bwana.

¹¹⁹ Ndipo imwe mukumanya, imwe mungamanya kutora ŵasungwana ŵanichi ŵara ŵa Katolika, iwo ŵakufuma kuwaro ŵavwara tuchokotuchoko utu... (Sono, ŵanyamata ŵanyake imwe mwaŵalara umo ine ndiliri)... fumani ndipo muwone chinthu chichoko ichi uko iwo ŵakaŵa na agha ghakufika mu makongono. Munthu yura, ine nkhusachizga, wali mu gehena, usiku uwu. Ine nkhumanya chara. Ine ndine mweruzgi wake chara. Kweni para iyo wakati wapanga sumu yake yichoko yaukazuzi yira iyo yikayimbika pa rediyo, kwambura kuyisanda, yakuti, “Ŵakunkhuzgeni ’wo, ŵasungwana, ŵakunkhuzgeni ’wo; ŵakunkhuzgeni pasi iwo ndipo woneskani makongono ghinu ghakutowa.” Kasi mbalinga ŵakukumbukira icho para yira yikati yafuma pakudanga, virimika vyakumanyuma? Kula kukaŵa kunangiska kwakudanga nkhanira kwenekula. Uwo mbunenesko. Ndipo para iwo wakati ŵamuchema munthu uyu kufuma ku Texas, ndipo ŵakatorera ŵanakazi ŵara kudera kula ndipo ŵakagwiriska ntchito malaya ghara ghamkati kuŵapanga iwo kuwoneka ngati ŵakaŵa chinyake icho iwo ŵakaŵa chara, na vinthu vyantheura ngati icho, na kuŵazomerezga iwo kurutirira kuchitanga ichi. Ndipo sono kasi ichi chikachita vichi? Ichi chikayamba kuŵanjira. Ndi mzimu.

¹²⁰ Mwanarumi wakayowoyanga, zuŵa linyake. Iyo wakati, “Ine nkhumanya chara icho ine ndichitenge. Ine ndiri na muweme, mnyamata wakugomezgeka, ndipo mnyamata yura wakufika pakuti iyo wakutora icho iyo waŵikapo mawoko ghake.”

Ine nkhati, “Chifukwa?”

“Iyo wakwenda na munkhungu.”

¹²¹ Iwe ukudemererana na munyake uyo ndi munkhungu, iwe uŵenge munkhungu naweso. Amama ŵane ŵalara ŵa ku Kentucky ŵakatembwanga kuyowoya kuti, “Iwe ugone pamoza na ntcheŵe iyo yiri na mphanthi, iwe unyamukenge uli na mphanthi, naweso.” Iwe utore a—iwe utore mwanakazi uyo ndi muweme chara, ndipo uzomerezge msungwana... ndipo umuŵike iyo pamoza na—na mnyamata wankharo yiweme, ndipo chinthu chakudanga iwe ukumanya iyo ndi wakukwiya luŵiro ngati kantcheŵe. Gadabulani ichi mwakusinthaniska. Iwe ukumanyikwa na gulu lako. Jipatureko wamwene! “Fumanipo pakati pawo,” likayowoya Baibolo, “muŵe ŵakupatukako!” Uwo mbunenesko.

¹²² Usange mabungwe ghawo ghakuwerera ku chivundi chantheura cha kuzomerezganga ŵanthu ŵawo... Inya, kuno zuŵa linyake, mu tchalitchi likuru liweme la Baptist,

iwo wâkafumamo. Kupharazga waka maminiti twente pera, mwanarumi wakachita, chifukwa mliska wakayenera kuti wakakhweŵepo. Gulu lose likafuma kuwaro. Wose wâkayimirira kuwaro kula mu magulu ghakukhweŵa, ndipo wâkunjiraso, mliska na iwo wose. Ine nkharuta ku mpingo wa Kujilamulira wekha, kula mwanarumi wakayimirira, wakavwara munjirira ukuru utali, wayimirira kula, wakati, wakayegamira pa gome ngati *ntheura*, kuyowoyanga za mtundu unyake wa luŵa iyo wakasanga pa lupiri. Ndicho chekha chikaŵako ku ichi, ndipo wakaruta. Ndipo njoŵe zake zikaŵa zakuphya na josi la hona. Inya. Ndipo kuyowoyanga zakuti wânakazi, kuti mwanarumi wakati wamuseŵera... Kasi ndi seŵero uli ili la ku Germany iwo wâkuseŵera na icho, imwe mukugwiriska ntchito—imwe mukugwiriska ntchito makadi, imwe mukumanya? Wakaŵa... O, ine nate panji nikumbukirenge ichi. Makadi, iwo wâkati wâwenge na seŵero la makadi. Ine nkughanaghana uwo mbunenesko. Inya, ndi kwenekuko imwe mukuseŵera. Ndi kuseŵeranga makadi kaŵirikaŵiri. Seŵero la makadi, m'chipinda cha pasi! Mwe, chakuziziswa! Uko ndiko kuli lufura lwake. Ntchakuziziswa chara! Vichi? Iwo wâkuchita icho, ndipo pamanyuma wâkuyowoya mwakukwezga za mpingo wa Katolika kuwaro uku pa malo agha ghakuchitirapo Maseŵero na kuseŵeranga njuga. Chifukwa, imwe Waprotestant muli waka wâkazuzi umo iwo wâliri, mwantheura kasi imwe muyowoyenge vichi za ichi? Poto wangaphalira chara ketulo kuti “ngwakubinkha.” Chara nadi. Iwe kuchitanga icho, pamanyuma ukuti, “Inya, ine ndine wa Prezibetere. Ine ndine wa Methodist.” Iwe ndiwe kanthu chara mpaka iwe ubabikeso. Uwo mbunenesko. Ndipo para iwe wachita icho, iwe ukumanya. Muli chinyake mkati mwako chikukuphalira iwe kuti vinthu ivyo ndi vyakwanangika, ndipo iwe ufumenge mu ichi nkhanira mwakusimikizga waka umo iwe uliri mutali kufika pa khongono kuruska baka. Imwe mukumanya uwo ndi Unenesko. Nadi. Inya, bwana. Vinthu ivyo vikurutirira mu icho. Chifukwa?

... NYINAWO WA WAZAGHALI ...

¹²³ Limoza la mazuŵa agha, mama mulara wazamuyowoya, “Iwe ukumanya kasi? Nakwenenako, wakutemweka, ise tikuyana waka.” Ndipo iwe ukumanya icho chikuŵako pamanyuma? Chisazga cha Mipingo chiwunganiskenge yose pamoza umo iyo yiliri sono. Ndipo imwe mukumanya icho chichitikenge ku kagulu kachoko ngati aka? Imwe muvimyanthenge, wanyamata. Uwo mbunenesko nadi.

¹²⁴ Kweni kwenjerwa chara, Mwanamberere wamuthereskenge iyo. Pakuti Iyo ndi Fumu ya fumu, ndipo Themba la mathemba, ndipo Chiuta wadangilirenge Mpingo Wake, m'malo mwa bungwe. Iyo wapungulirenge Mafuta ghara gha golide gha Mzimu Mutuŵa pa Mpingo ula. M'bale, Moto uzamkuwa kufuma

Kuchanya, ndipo vimanyikwirowa na vyakuziziswa vizamuchitika, ngati ivyo imwe mukaviwonapo chara nakale. Inya, bwana. “Ungopanga, muskambo uchoko, ndi khumbo liweme la Dada winu kuti wamupeni imwe Ufumu.” Inya, bwana. “Iyo mweneuyo wazizipizgenge mpaka ku umaliro!” Uko imwe mukuruta. Yendaninge nkhanira pa msewu. Dodoliskani ku Mphinjika. Baibolo ili likuneneska. Kwenjerwa chara.

¹²⁵ Sono wonani. Pali vizgoŵezi vinyake iwo ŵali navyo. Nkharo zinyake iwo ŵali nazo. Ise tingamanya kurutirira waka. Chinthu chakudanga imwe mukumanya, ichi chikanjira mu mipingo ya Protestant. Pamanyuma ŵanakazi ŵa Katolika ŵakayamba ku . . . Chifukwa, chikaŵa chiheni chara kuvwara twakabunthu tuchokotuchoko, malinga iwo ŵakaruta ku tchalitchi ndipo ŵakawika kathaulo kachoko pa mitu yawo. Mtundu unyake wa mwambo, “Kurya nyama chara pa Chinkhonde.” Ndipo, o, kasi imwe mukuchisanga nkhu cha kuŵikanga kathaulo pa mutu winu para mukunjira mu tchalitchi? Ine nkikhumba kuti imwe mudiwoneske Lemba. Ndi uchimi wautesi. Kasi chirinkhu mu mpingo chakuti imwe mukwenera kuvwara chipewa mu tchalitchi? Para imwe mwavwara chipewa pa mutu, imwe mukuyuyura Khristu, nadi; mwaŵanarumi, ndimwe ine nkhuoyoya. Mwaŵanakazi, imwe muli nacho chidiko, kwani ine ndisuskanenge na waliyose kuti wandiwoneske ine uko ichi ndi chipewa panji kathaulo. Ndi sisi linu! Ndipo imwe mwadumura lose ili. Sono mukuti uli na icho? O, iwo ŵakuti, “Ako ndi kachitiro kakale.” Usange aka ndiko, ndi Baibolo! Ndipo Mazgu gha Chiuta nganeneska.

¹²⁶ Nkhayowoyanga kuno, kale chomene chara, za mwanakazi uyo wakachapa marundi gha Yesu, ndipo wakatora sisi lake, imwe mukumanya, ndipo—ndipo wakapuputira ili. Ine nkhati, “Nthowa yimoza pera mwanakazi wangamanya kuchitira icho, njakuti wakore pa mutu wake kuti wasange sisi lakukwanira lakuti wachapire marundi Ghake, kuti wachapire.” Uwo mbunenesko. O, ichi ndi, ndi chakukhozga soni kuwona umo. . . Kuno, mphepo zakuzizima, kuyendanga wavwara chikhoti chakukhutara pachoko ngati nthaura, ndipo thupi lawo kuwonekanga mkati.

¹²⁷ Sono mukuti, “Ntchifukwa uli iwe rutaruta ukususka ŵanakazi?” Iwe ukusoŵeka kuti ususkike naweso.

¹²⁸ Ndipo mwaŵanarumi imwe mukuzomerezga ŵanakazi ŵinu kuchita icho, m’bale, ine—ine nkhumanya chara icho ningaghanaghana za iwe. Sono, uwo mbunenesko.

¹²⁹ Ndipo imwe ŵaliska, ine nkhumanya chara usange imwe mulimo muno. Kwani usange imwe mukuwona munthu, imwe mukumuphalira iyo kuti wafike, kumuphalira, ukumane nane. Mukuwona? Usange iyo walije ntchindi pa Khristu kuruska kuzomerezga gulu lake kuchitanga icho kwambura. . . Sono

iyo . . . Iwo panji w̄angachita icho kuseri kwa iyo, kweni usange iyo wakuwaphalira chara iwo za ichi, iyo ndi mutew̄eti wakwenerera chara wa Yesu Khristu. Uwo mbunenesko nadi. Iyo ndi wakwenerera chara kuwa mutew̄eti wa Khristu. Mutew̄eti wa Khristu wakwenera kuwa wambura mantha para ichi chafika mu Baibolo. Nadi. Kweni iwo w̄ali apo, iwo wakuruta ndipo wakuchita ndithu ichi.

¹³⁰ Ndipo pamanyuma, chinthu chakudanga imwe mukumanya, w̄a Protestant wakachitora ichi. Iwe wa Methodist muweme, na iwe wa Baptist, na iwe wa Prezibetere, panji Nazarene, Pilgrim Holiness, na imwe mose, chinthu chenechira, mukuchita ichi, yumoza pa sikisi, ndipo hafu wa thweluva pa munya. Apo imwe muli, “Nyinawo wa w̄azaghali.” Bungwe linu, “Malinga iwo wakayamba ichi pa hedikota, kasi ichi chikupanga mphambano uli?” Mukuwona? Chikupanga mphambano yikuru chomene. Ichi nthā chikayambira ku, Hedikota *yira*. Panyake chingayambira pa hedikota yinu kusika uku, kweni Umoza chara ula kumtunda Kula. Chikutorerera uko iwe ukufumira. Uwo mbunenesko.

¹³¹ Sono, ine nkhukayika usange ise tiri nayo nyengo kuti titore chinyake chimoza ichi, panyake ntchiweme ine ndizakachitore ichi mlenji. Viri makora, tiyeni titorepo waka ichi chimoza chichoko chifupi. Ise tiri nacho, apa, “ubapatizo wa mu maji.” Ise tiriso na “kusankhikirathu,” na, o, vinthu vinandi. Mwantheura tiyeni titorepo waka ichi, chichoko ichi, chimoza chifupi cha “wanakazi wapharazgi,” ndipo titorepo chimoza ichi.

¹³² Sono, sono, dona mupharazgi, ine nkhukhumba chara kuti ndipweteke malingaliro ghako, kweni ine nkhukhumba kuti ndikuphalire chinyake iwe. Iwe ulije nanga ndi Lemba limoza, mulije limoza mu Baibolo. Inya, ine nkhumanya uko iwe ukurazga, ndipo ine ndiri kufufuza vinu vyose, inya, “Ndipo w̄ana w̄inu w̄anarumi na w̄ana w̄anakazi w̄azamuchima.” Sono, usange mliska wako wakumanya chara icho lizgu la “uchimi” likung’anamura, iyo—iyo wakumanya kalikose chara. Iyo ndi wakwenerera chara kuyimiriranga pa gome, kuyezganga kukuphalira iwe kuti uwe mupharazgi. Mukuwona? Chifukwa ichi, mwakufikapo, ntchakususkika kufuma mu Genesis kufika ku Chivumbuzi. Sono rekani ine ndimuwoneskeni imwe ichi, wonani.

¹³³ Sono ine nkhukhumba kuti imwe mujure na ine ku 1 Timote 2:11. Jurani waka kudera uku ndipo ise tichisangenge ichi sono, ndipo ise tichisangenge icho apa, naposo, Milimo yinu 2. Inya. Ndipo mbwenu—tegherezgani waka apa icho Lemba likwenera kuti liyowoye za chisambizgo ichi.

¹³⁴ Sono, munya wakarutirira kuyowoyanga, “Inya, M’bale Branham, iwe ndiwe waka mulara wakutinkha w̄anakazi.” Ine ndine wakutinkha w̄anakazi chara. Ine ndine . . . Ine nkhutemwa

waka chara kuwona wanakazi wakuyezganga kutora malo agho ngawo chara.

Imwe mukukumbukira pa Howard Shipyard kudera uku, malo ghamoza ghakuchita makora chomene ghakupangirako sitima agho ghaliko pa Mronga wa Ohio? Iwo wakawikapo mwanakazi wakuwusa agha. Wonani icho chikachitika.

Iwo wapereka wanangwa ku mwanakazi wa kuvota. Wonani icho chikachitika.

¹³⁵ Rekani ine ndimuphalireni imwe sono nthena. Kupwetekanga wanakazi chara. Ine nkikhumba kuti wanarumi mupulikiske kuti imwe namweso muli mwenemumo. Kweni reka ine ndikuphalire chinyake iwe, m'bale. Charu ichi ndi charu cha mwanakazi. Ine ndisimikizgirengo icho kwa iwe, mwa Lemba, na chirichose iwe ukukhumba kuti usimikizgire ichi. Ichi chiriko. Kasi pali vichi pa ndalama yithu? Mwanakazi. Kasi iyo wakusangika nkhu? Mu Chivumbuzi, umu, imwe mukumuwona iyo. Iyo wali pa nambala satini, naposo, chirichose iyo wakayambiska; nyenyezi satini, mizere satini, vyaru satini. Satini, chirichose chikawa satini, kufuma pa kuyamba. Iyo wakuwoneka mu chipatulo 13 cha Chivumbuzi. Mwanakazi, satini!

¹³⁶ Ndipo mu 1933, para Fumu... Para ise tika wanga na maungano kudera uku uko kuli mpingo ula wa Khristu sono, nyumba yakale ya Masonic, mboniwoni ya Fumu yikiza kwa ine kumtunda uku ndipo yikaroskera kuti "Germany wazamukwiya ndipo wazamuzenga Linga Likuru kula." Wanandi wa imwe mukukumbukira ichi. Ndipo umu iwo wazamuwira wakuvikiririka mwenemula, ndipo wina America wazamutimbikira nkhanira penepala pa linga lira. Ndipo kweniso yikayowoya icho chizamuchitika, na za Roosevelt na vinthu vira, umu iyo wazamuchitira na kuwina mu chigawa cha chinayi chira. Mwakufikapo, ndendende umu ichi chikachitikira. Ndipo yikayowoyaso kuti galimoto zizamurutirira kuwa ngati sumbi, mpaka mazuwa ghaumaliro izo zizamkuwa waka mu kawonekero ka sumbi. Ndipo ine nkhati, "Kuzamkuchitika kuti magalimoto ghara ghazamuyendeskeka na sigiro chara. Chizamkuwa chinyake kuziyendeskeka izo." Ndi magalimoto gheneghara iwo wakupanga sono nthena, ghakuyendeskeka na nkhangono yinyake, kujithaska ku ngozi. Mbunenesko. Iwe unganjira chara mu msumba... Mwantheura, pa malo ghakuchimbizga mitunda twente, iwe ungamanya kutchika waka mitunda twente. Iwe unganjira chara galimoto yinyake, chifukwa iyi yikuyendeskeka na nkhangono yinyake. Wonani, ichi chikuchitika ngati ntheura, ndipo sono nthena. Ndipo ine nkhati, "Kumbukirani, mu zuwa lira, pambere nyengo yaumaliro yindafike, pambere nyengo yaumaliro yindafike, kuti mwanakazi... Sono, imwe mose lembani kuti musungirire ichi.

Kuzamkuwa muku, mwanakazi wamazaza wamazaphuka, panji wangawa Prezidenti, panji mulumuliri wankhaza, panji mwanakazi munyake wamazaza mu United States uyu. Ndipo iyo wazamkuwa, pasi pa kukhuchizgika na wanakazi. Sono, imwe kumbukirani, icho ndi NTHEURA WAKUTI YEHOVA." Mukuwona?

¹³⁷ Ndipo iyo ndi wakwananga. Ndipo kasi ichi chajurira nthowa ku vichi? Rekani ine ndimuphalireni imwe. Muwe wauzimu. Rekani...Masukani. Wonani. Ntchifukwa uli ichi chikuchita icho? Kuti chipereke malo ku mpingo wa Katolika kuti unjirepo. Mukuwona? Imwe mukusopa nkhwantha izi za pa sinema na vinthu vyose ivi vyakupambanapambana kuwaro uku. Mukukumbukira uthenga ine nkhwapharazga? Margie, iwe ukukumbukira ichi, virimika vyakale, pa a—kumunjirira United States, kuti wapoke boma la America. Ndipo umo ine nkwayowoyera kuti iyo wakayambira mu Paris pamanyuma pakuti ise tikati tawaponoska iwo kudera kula kwa wanakazi wara, ku vinyo na nyengo yasangurusko. Ndipo iyo wakaruta mu Hollywood. Sono, m'malo mwakuti ise tiwatumenge ku Paris kuti wakatoreko vyezgerero, iwo wakuwatuma kuno kuti watoreko vyezgerero. Kasi ichi chikachita vichi? Ichi chikasanga...Ise tikazomerezga chara wana wina kuti warute kukawonerera sinema, kweni iyo waka wika nkhanira pa television, ndipo wakarutirira ndipo wakananga chinthu chose, wakamutimbanizgirathu iyo. Ndipo ise tiri apa muhanyauno, wasungwana wose wanichi na wanyamata, wose wakutemwa mtundu unyake wa wamasewero wa pa television awa. Kasi ichi ntchichi? Ichi chikupanga nthowa. Mnyamata, mwanakazi yumoza wa mbiri yiheni wangamanya kutuma wanarumi wanandi ku gehena kuruska malo ghose ghakuguriskirako mowa imwe mungamanya kuzenga mu msumba. Uwo mbunenesko. Muwoneni iyo wakwenda kukhira na msewu na malaya ghake ghose wavura, nkhwupwerera chara kwali mwanarumi ndinjani, usange iyo ndi mwanarumi wa malingaliro ghaweme, para iyo wakula wiska pa mwanakazi iyo ngwakukakamizgika kuwa na chinyake chimuphimbe iyo. Sono muwe waka wakugomezgeka. Ine nkhwupwerera chara. . .

¹³⁸ Ine ndiri kuwa na Mzimu Mutuwa pa virimika vinandi. Iwe ungamula wiska chara mwanakazi ndipo iyo wavwara mwahafu. . .Ine—ine nkhwunyamura kamphinjika kachoko mu galimoto yane, wanandi wa imwe muli kukawona aka. Munyake wakati kwa ine, "Kasi ndiwe wa Katolika?" Kasi ndi nkhu uko wa Katolika wakasankhira mphinjika? Mphinjika yikung'anamura "Mukhristu."

¹³⁹ Wa Cecilia Watuwa wakale wara na vinthu ndi lusimbo lwa Chikatolika. Ise tikugomezga mu vinthu ngati ivyo chara. Ise tikugomezga mwa Khristu. Iwo wali na mitundu yose ya wanthu wakufwa awo iwo wakuwasopa. Ndi kawonekero kakuru ka

chigomezgo mu mizimu. Ndicho chekha chiriko, kusopanga wakufwa. Kulije chinthu chantheura, chara.

¹⁴⁰ Ine nkhamufumba msofi yura. Ine nkhati, “Ntchifukwa uli, kale, usange. . . Petros wakaŵa papa wakudanga?”

Iyo wakati, “Uwo mbunenesko.”

¹⁴¹ Ine nkhati, “Ntheura ntchifukwa uli Petros wakati, ‘Kulije mukhalapakati munyake pakatikati pa Chiuta na munthu kweni Mwanarumi yura Khristu Yesu’? Ndipo imwe muli na ŵanakazi ŵakufwa fayivi sauzandi, na chinyake chirichose, imwe mukuŵapanga iwo ŵamikhalapakati. Sono kasi kwachitika vichi?” Apo imwe muli. Iwo ŵaliye zgoro ku icho. Uwo mbunenesko.

¹⁴² Sono vinyake vya chisambizgo chawo, chisambizgo chawo chautesi, gulu la ŵaprofeti ŵatesi Ŵaprotestant ŵali kwiza ndipo ŵakusambizga icho, ndipo imwe ŵanthu Ŵaprotestant mukuzomerezga ichi. Uwo mbunenesko nadi. Mabungwe na mitundu ya maubapatizo, na madongosolo ghakupambanapambana na vinthu ivyo imwe mukwendamo, cheneicho ndi Malembe chara. Ichi chikususkana na ichi, mu Lemba, kweni imwe mukufwirirapo nkhanira ku ichi. Ndi unenesko.

¹⁴³ Sono tegherezgani ku ichi za ŵanakazi ŵapharazgi. Viri makora. Timote Wakudanga, ine nkukhumba Timote Wakudanga 2:11. Sono tegherezgani icho Ili likuyowoya apa.

Ŵarekani ŵanakazi ŵinu ŵasambire mu kachetechete na kujilambika kose.

Kweni ine nkuzomerezga chara mwanakazi kuti wasambizge, panji kuŵa na mazaza pa mwanarumi, kweni kuŵa mu kachetechete.

¹⁴⁴ Ine ndi ntchito yane chara kuŵikanga ichi mwenemula. Ine ndiri na ntchito ya kumuphalirani imwe kuti ichi chirimo. Mukuwona? Mukuwona?

Ŵarekani ŵanakazi ŵinu ŵasambire mu kachetechete na kuŵa mu kujilambika kose. (Usange imwe mukanjiramo mu mpingo wa Orthodox na kuŵawona iwo, wonani. Mukuwona?)

Kweni ine nkuzomerezga chara mwanakazi kuti wasambizge, panji kuŵa na mazaza (kuŵa mliska, dikoni, panji chinyake ngati icho) pa mwanarumi, wonani, kuŵa na mazaza pa mwanarumi, kweni kuŵa mu kachetechete.

Pakuti Adam ndiyo wakadanga kuwumbika, ndipo pamanyuma Eva.

¹⁴⁵ Kasi imwe mukamanyanga? Sono tegherezgani, mwaŵanakazi. Imwe ŵaweme, ŵanakazi ŵarunji Ŵakhristu ndi

chinthu chiweme chomene icho Chiuta wangamanya kupereka kwa mwanarumi, panji Iyo nthena wakamupa mwanarumi chinyake chakulekana. Inya, bwana. Mukuwona? Mwanakazi wakaŵamo chara nanga ndi mu chilengiwa chakudanga. Mwanakazi ndi chinthu chakulengeka na Chiuta chara. Iyo ndi wakuchita kupangika kufuma ku mwanarumi. Chiuta wakapanga mwanarumi, wakaŵa vyose mwanarumi na mwanakazi. Ndipo Iyo wakaŵapatula iwo. Ndipo pamanyuma pakuti mwanarumi wakati wakhala kale pa charu chapasi ndipo wakapereka mazina ku vikoko, ndipo wakakhala apa nyengo yitali, Iyo wakatora mbambo kufuma kulwandi lwa Adam, ngati chakuchita kupanga, ndipo wakapanga mwanakazi kufuma ku ichi. “Adam wakadanga kupangika, ndipo pamanyuma Eva.” Sono wonani.

Ndipo Adam wakapusikika chara, kweni mwanakazi pakuti wakapusikika wakaŵa mu kwananga.

¹⁴⁶ Chiuta wakatora mwanarumi. Devulu wakatora mwanakazi. Laŵiskani pa ichi, nkhanira mu chisko, icho chikuchita ichi muhanyauno. Laŵiskani pa Mpingo weneko wa Chiuta, uyowoyenge, “Yesu!” Chikanakhristu wayowoyenge, “Mariya!” Yiwoneni mizimu yira. Mukuwona? Iwo ŵali apo. “Monire Mariya, nyinawo wa Chiuta, wakatumbikika ndiwe pakati pa ŵanakazi, ndipo utirombere ŵakwananga ise sono, na zuŵa la kufwira kwithu. Amen. Mariya, romba!” O, mwe, chitima! Wonani, uko imwe mukuwona, “mwanakazi,” munthu wa devulu. Khristu, chinthu chakusopeka, ndipo Yekha pera! Apo imwe muli. Apo imwe muli.

¹⁴⁷ “Adam wakadanga kupangika, ndipo pamanyuma Eva.” Adam wakapusikika chara. Ndipo kasi imwe mungaŵa uli na mliska mwanakazi, dikoni? Adam wakapusikika chara, kweni mwanakazi wakapusikika. Iyo wakapusikika, nadi. Iyo wakaghanaghana kuti wakananga chara, kweni iyo wakananga. “Mwanakazi pakuŵa kuti wakapusikika wakaŵa mu kwananga.” Chifukwa, iyo, nyengo yiriyose kuti—nyifwa yikukhira mu msewu, mwanakazi wakapangiska ichi. Nyengo yiriyose bonda wakalira, mwanakazi wakapangiska ichi. Nyengo yiriyose munyake wakafwa, mwanakazi wakapangiska ichi. Sisi lirilose la nyivwi, mwanakazi wakapangiska ichi. Chirichose, ndipo nyifwa, mwanakazi wakapangiska ichi. Chirichose icho ntchakwanangika, mwanakazi wakapangiska ichi. Ndipo pamanyuma kumuŵika iyo mutu wa mpingo, mliska, o, bishop nyengo zinyake. Soni kwa iyo.

¹⁴⁸ Sono rekani ine ndimujurireni imwe mu ichi, chinyake, miniti pera. Mukuwona? Sono tiyeni tijure ku 1 Ŵakorinte 14:32 kula, ndipo tiwone icho Paulos wakuyowoya kudera uku, ndipo pamanyuma ise tirutenge nkhanira ku ghanyake ghanandi, mu miniti pera. Ndipo mwantheura ise tikukhumba chara kuti timusungeni imwe nyengo yitali chomene, mwantheura

imwe muzamkuwa kuti mwavuka chomene mlenji ndipo imwe mungazakizaso chara. Viri makora. Ine nkukhumba kuti ndiwaaze. Kasi mbalinga wakugomezga kuti Paulos waka wa musambizgi wakukhuwirizgika? Sono, kumbukirani, Paulos wakalembera ichi kwa Timote nayoso. Mukuwona? Kuti, sono, 1 Wakorinte 14:32. Sono tiyeni tiyambire nkhanira apa, ndipo tiyambe kuwazga apa, 14:34, ine nkugomezga.

Warekani wanakazi winu wakhale chete mu mipingo: . . .

149 Kasi imwe mwangupulika icho iyo wakayowoya?

Warekani wanakazi winu wakhale chete mu mipingo: pakuti ntchakuzomerezgeka chara kwa iwo kuti wayowoye; kweni iwo mbakulangulika kuwa pasi pa kupulikira, . . .

150 Kasi imwe muli na kuwazgika kwakupepuka pa icho? Usange imwe muli, sandani ichi kumanyuma ndipo muwone usange ichi chikuyana chara na Genesis 3:16. Para Chiuta wakamuphalira Eva, chifukwa chakuti iyo wakategherezga kwa serpente m'malo mwa kwa mfumu wake, kuti mwanarumi wamuwusenge iyo mazuwa ghose gha umoyo wake. Kasi mwanakazi wangiza uli na kuwusa mwanarumi, kuwa mliska panji dikoni, apo Baibolo likati murekani iyo wa we "wakupulikira," kuyana waka naumo kuka wira pa chiyambi? Para Iyo . . . Chiuta—Chiuta wangasintha chara. Imwe mungapanga chara Mazgu kuyowoya chinthu chimoza apa ndipo chinthu chinyake kuderu uku. Ili likuchita ntheura chara. Ndi chinthu chenechira nyengo zose.

151 Mwantheura, mu mtendeko, kula ndiko, pambere ichi chindamare, usange ine ndi wenge na mwa wi, ine nkukhumba kuti ndizakamurongosorereni imwe nkhanira yira ya *Nthengwa Na Kupatana*. Ine ndichali nindachitepo ichi mu mpingo uwu. Kweni wonani phangano ili la pa wiri. Limoza likuti iyo wangatengwa; linyake likati iwo wangatengwa chara; ndipo limoza ili likuyowoya *ichi, icho*, panji *chinyake*. Lindizgani waka miniti pera ndipo muwone icho Baibolo likuyowoya, para ise tafikako ku icho. Mukuwona? Viri makora. Sono wonani apa.

Warekani wanakazi winu wakhale chete mu mipingo: . . . ntchakuzomerezgeka chara kwa iwo kuti wayowoye; kweni iwo mbakulangulika kuwa pasi pa kupulikira, umo dango nalo likuyowoyera.

152 Mwantheura, mu Chipangano Chakale, iwo wakazomerezgekanga chara kuyowoya, chifukwa Paulos wakayowoya apa kuti iwo wakazomerezgekanga chara. Ndi unesko uwo? "Warekani wanakazi winu wakhale chete. Uku ndi kupulikira." Sono usange imwe mutorenga kuwazgika kwinu kwakupepuka apo, uku kumutorerenge imwe kumanyuma ku

Genesis 3:16. Mukuwona? Viri makora. “Pasi, ngati pasi pa dango.”

Ndipo usange iwo...âwasambire chinyake, âwarekani wawo...âwakafumbe—âwakafumbe âwafumu wawo... kunyumba: pakuti ntchasoni kuti mwanakazi wayowoye mu mpingo.

Vichi?...

¹⁵³ Sono laŵiskani pa chimanyikwiro cha fumbo icho pa lirilose la ma Baibolo ghinu, pa icho, “Vichi?” Ntchichi chikamupangiska Paulos kuti wayowoye icho na kuchita ichi ngati nthaura? Sono, usange imwe mutorenge makalata agho Wakorinte wâkalemba kwa Paulos. Sono, imwe mungamanya kughasanga igho mu layiburare yiriyose yiweme, wonani, agho Wakorinte wâkalemba kwa Paulos. Iwo wâkalemba ndipo wâkamuphalira iyo, pamanyuma pakuti wânakazi aŵa wâkati wâphenduka... Iwo wâkaŵa na—na chiuta mwanakazi kudera kula, wakachemeka “Diana.” Ndipo iyo wakaŵa wa ku Efeso, nayoso. Ndipo Wakorinte wâkasopanga mweneyura, chifukwa uku kukaŵa kusopa kwa wâmbura kugomezga. Ndipo iwo wâkasanga libwe zuŵa limoza mu munda, ili likawoneka ngati kawonekero ka mwanakazi. Iwo wâkati, “Chiuta ndi mwanakazi, ndipo iyo wakaponyera chithuzithuzi chake kwa ise.” Ndipo tempile lawo likaŵa lakutowa chomene kuruska tempile la Solomon, iwo wâkayowoya, wâmidauko. O, lose likaŵa la malibwe ghakuŵaja, lakutozgeka na golide; uko, tempile la Solomon likazengeka na mikunguza, likatozgeka na golide. Mukuwona? Ndipo likaŵa lakutowa kuruska ili. Ndipo icho, pamanyuma, usange Chiuta wakaŵa a—mwanakazi, chifukwa, nadi, iyo nthena wakaŵa wâsofi wânakazi. Nadi, usange Chiuta ndi mwanakazi, ipo mupharazgi mwanakazi wali makora waka. Kweni, Chiuta ndi Mwanarumi. Baibolo likati Iyo wakaŵa Mwanarumi, ndipo Iyo ndi Mwanarumi. Mukuwona? Ndipo usange Chiuta wakaŵa Mwanarumi, mwantheura ichi wakwenera kuŵa mwanarumi.

Sono wonani apa, “Vichi?”

¹⁵⁴ Sono, wâsofi wânyake wânakazi, para iwo wâkati wâphenduka kufuma ku kuwura kugomezga kunjira mu Chikhristu, iwo wâkaghanaghana kuti iwo wârutirizgenge maudindo ghawo ngati mupharazgi, kwiza waka kudera uku kuzakakhala. Usange iwo wâkapharazga kudera kula za Diana, ndipo iwo wâfike kudera uku na kupharazga za Khristu.

¹⁵⁵ Iyo wakati, “Vichi? Kasi Mazgu gha Chiuta ghakiza kufuma...” Tegherezgani waka ku Ichi. M’bale, kasi wâpharazgi wângachita uli icho? Vesi 36.

Vichi? kasi mazgu gha Chiuta ghakiza kufuma kwa iwe? panji ghakiza kwa iwe pera?

Usange munthu munyake wakujiipima kuti ndi muprofeti, panji wauzimu (nanga nkhuwa ngati muprofeti pera chara; munthu wakughanaghana waka kuti ndi wauzimu), murekani iyo wamanyiske kuti vinthu ivyo ine nkhumulemberani ndi malango gha Fumu. (Imwe mukugomezga icho?)

Kweni usange iyo, usange munyake ndi mujira, murekani waka iyo waŵe mujira.

¹⁵⁶ Sono, uwo ndi unenesko waka umo ine nkhumanya kuyowoyera ichi. Mukuwona? Iyo wakati, “Usange munthu ndi munthu wauzimu, panji muprofeti, iyo wamanyiske kuti ivyo ine nkhumlemba apa ndi Malango gha Fumu.” Kweni wakati, “Usange iyo—usange iyo waŵenge mujira, murekani waka iyo waŵe mujira.” Wonani, ndi chinthu chekha pera imwe mungachita. Iwo ŵakukhumba kurutirira kuchita ichi, imwe muŵareke waka iwo ŵarutirire, chifukwa iyo wakachiwona ichi chikuyambika kula.

¹⁵⁷ Ndipo mwanakazi munyake wakandiphalira ine, wakati, “O, Paulos wakaŵa waka wakale wakutinkha ŵanakazi.”

¹⁵⁸ Iyo wakaŵa wakutinkha ŵanakazi chara. Imwe mukumanya, Paulos wakaŵa mupostoli, ndipo ku Mpingo wa Ŵamitundu. Laŵiskani kuno. Kasi imwe mukamanyanga kuti Paulos. . . Kasi mbalinga ŵakugomezga icho ndicho Paulos wakapharazga? Kasi icho ndicho iyo—iyo wakayowoya apa? Ndipo Paulos wakati. . .

¹⁵⁹ Imwe mukuti, “Inya, lindizga miniti pera sono, M’bale Branham. Miniti pera! Sono, bishop withu wakuti icho chiri makora waka. Mulaŵiliri mukuru, wa Assemblies, wakuyowoya kuti chiri makora waka. Bishop wa Oneness wakuyowoya kuti chiri makora waka.”

¹⁶⁰ Ine nkhopwerera chara icho iwo ŵakuyowoya. Ndi utesi! Ndipo ine nangumuphalirani imwe kuti ise tikhomereenge ichi mwankhongono. Ndipo ŵaprofeti ŵatesi ŵayowoyenge nthaura. Pakuti Baibolo likati, “Usange munthu munyake wakujiipima iyomwene kuti ngwauzimu, panji muprofeti, murekani iyo wazomerezge kuti ivyo ine nkhuwoyoya ndi Malango gha Fumu.” Ndipo usange mzimu wake ukuchitira ukaboni chara na Mazgu ghara, iyo ndi muprofeti mutesi, kuyamba na kuyamba. Ine ntchiweme ndiŵe wakutinkha ŵanakazi kuruska kuŵa wakutemwa ŵanakazi, kutora vinthu ngati ivyo, kuzomerezga vinthu ngati vyantheura mu Mpingo wa Chiuta, vyakususkana na malango gha Chiuta. Ndipo Paulos wakati. . . Jurani Ŵagalatiya 1:8. Paulos wakati, “Usange Mungelo kufuma Kuchanya wangapharazga uthenga unyake uliwose kuruska uwo ine ndapharazga kwa imwe, murekani iyo watembeke.” Sono kasi imwe muchitenge vichi na Icho?

161 Sono imwe mukuti, “Mukuti uli na apo Ili likati, ‘Wana wînu wânarumi na wana wînu wânakazi wâzamuchima,’ mu Joel, na—na uko Petros wakajura pa Zuwa la Pentekosite?” Uwo mbunenesko nadi.

162 Kasi imwe mukamanyanga, mu Chipangano Chakale, kuti nthowa yimoza pera, ndipo nthowa yimoza pera sono, iyo munyake wangamanya kunjirira mu phangano, kwizira, mwa Abraham, ndi mweneuyo wakapika phangano, ndipo a—ndipo chididimizgo cha phangano chikaŵa ukotoli. Kasi mbalinga wâkumanya icho? Yura wakaŵa Chiuta kukhozgeranga.

163 Ngati m’bale wa Baptist, iyo wakati, “M’bale Branham, chifukwa, ise ŵa Baptist tiri kupokera Mzimu Mutuŵa.”

Ine nkhati, “Mphauli apo imwe mukapokera Uwu?”

Wakati, “Ora apo ise tikagomezgera.”

164 Ine nkhati, “Paulos wakati, ‘Kasi imwe muli kupokera Mzimu Mutuŵa kufuma apo imwe mukagomezgera?’” Mukuwona? Ine nkhati, “Sono, imwe ŵa Baptist fikani mutorepo chinyake cha Icho, ndipo ise tiyowoyenge chivikiriro chinyake Chamuyirayira na imwe.” Ine nkhati, “Kweni, inya, kasi imwe mukuchitorankhu Ichi ngati icho?” Mukuwona?

165 Iyo wakati, “Kasi imwe muli kupokera Uwu *kufuma* apo imwe mukagomezgera?” Iwo wakaŵa wâkugomezga, ndipo wakaŵanga na kuchemerezga na chimwemwe na chinyake chirichose. Iwo wakaŵa wâdapokere Mzimu Mutuŵa. Paulos wakati iwo wakaŵa wâdapokere. Mukuwona? “Kasi imwe muli kupokera Mzimu Mutuŵa kufuma apo imwe mukagomezgera?”

Iwo wakati, “Ise tikumanya chara kwali uliko Mzimu Mutuŵa.”

Wakati, “Ntheura kasi imwe mukabapatizika uli?”

166 Iwo wakati, “Ise tiri kubapatizika.” Kweni, mwautesi, wonani. Mwantheura iyo wakayenera kubapatizika, kamozaso. Viri makora.

167 Sono wonani ichi sono, kuti wapharazgi wânakazi aŵa, para iwo wakati waphenduka, iwo wakaghanaghana kuti iwo wâzamkuŵa na mazaza ghawo. Kweni mwakufikapo ichi ntchakuzomerezgeka chara na Chiuta kuti wachite ntheura. Ndipo rekani...apo ise tiri waka pa chisambizgo ichi apa, wânakazi aŵa, wonani. Ndipo ichi, sono, iyo wakati, “Usange walipo munthu pakati pinu, uyo ngwauzimu, panji muprofeti, murekani iyo wazomerezge kuti ivyo ine nkhulemba ndi Malango gha Fumu. Kweni usange iyo ndi mujira, murekani waka iyo waŵe mujira.” Ndipo ndicho chifukwa a...kachisi uyu wakugomezga chara za kukhozganga wapharazgi wânakazi, madikoni wânakazi, panji chirichose ku mwanakazi chakuti wachite ngati udindo wa mpingo uwu, ndi chifukwa chakuti Lemba liri apa ndipo liri pakweru.

168 Sono, Baibolo nadi likati, “Wana wînu wânarumi na wana wînu wânakazi wâzamuchima.” Sono, kasi lizgu lakuti *kuchima* likung’anamura vichi? Penjani ili. Ichi ndi “kuyowoya chinyake, pasi pa ukhûwirizgi,” panji “kurosquera chinyake.” Ndi lizgu la ving’anamuro vinandi.

169 Kuyana waka na *kutuwiskika* chikung’anamura kuwa “wakutozgeka, na kunozgekera kugwiriskika ntchito.” Mukuwona? Panji, ndi lizgu la ving’anamuro vinandi, kung’anamuranga vinandi kuruska chinthu chimoza, ngati ndiumo ise tiliri na ghanandi chomene gha ichi mu Chingerezi umu.

170 Ngati, ise tingamanya kuyowoya lizgu lakuti “board.” Inya, kasi *board* ling’anamurenge vichi? Imwe mukuti, “Inya, iyo wakung’anamura kuti wakayilipira *board* yake.” “Chara, iyo wakang’anamura icho chara. Iyo wakang’anamura kuti iyo *wakabowola* khululu.” “Chara, iyo wakang’anamura icho chara. Iyo wakang’anamura kuti iyo *wakavuka* nayo iyo.” Panji, imwe wonani, lizgu waka limoza, imwe mukwenera kumanya icho imwe mukuyowoya. Mukuwona?

171 Ndipo umu ndimo kuliri na lizgu ili la ving’anamuro vinandi, uko, “Wana wînu wânarumi na wana wînu wânakazi wâzamuchima.” Sono, nthowa yimoza pera iyo Chiuta . . .

172 Wa Baptist uyu wakati, “Inya, ise tiri kupokera Mzimu Mutuwa.” Ine nkhati . . . “Pamanyuma para ise tikati tagomezga ichi.” Ine nkhati . . . Sono, wonani, iyo wakati, “Chiuta wakapereka kwa Abraham a . . .” Wakati, “Abraham wakamugomezga Chiuta.” Umo ndimo iyo wakayowoyera ichi. Iyo wakati, “Abraham wakamugomezga Chiuta ndipo ichi chikaŵerengekera kwa iyo kuti wakaŵa murunji.” Kasi mbalinga ŵakumanya uwo ndi unenesko? Sono wonani umu— umu mwakuphweka Satana wangamanya kuwika icho pa m’bale. Wonani, mwakuphweka waka. Sono, ilo ndi Lemba.

173 M’bale, ine nkhekuphalira iwe, mu ichi kumtunda kuno, iwe ukwenera kuti uzozege pambere undanjire mu ichi. Iwe ukwenera kuti unjire mu malo ghakubisika na kuromba. Wanthu ŵakuti, “Ntchifukwa uli iwe ukuruta chara na kukakumana na ŵanthu?” M’bale, usange iwe urutenge kukayowoya ku ŵanthu panji kuŵasambizga iwo, ntchiweme iwe ukhale kwawekha, na Chiuta, pa kanyengo, pambere iwe undafike pa gome lira. Nadi, wona, chifukwa Satana ngwakuchenjera, ngwakuchenjera chomene.

174 Iyo wakayowoya sono, wonani, iyo wakati, “Abraham wakamugomezga Chiuta, ndipo ichi chikaŵerengekera kwa iyo kuti iyo wakaŵa murunji.” Uwo mbunenesko. Iyo wakati, “Sono, kasi ntchivichi chakuruska icho Abraham wangachita kupatulako kugomezga?”

Ine nkhati, “Ndicho chekha iyo wakamanya kuchita.”

175 Iyo wakati, “Kasi ntchivichi chakuruska iwe ungachita panji munyake wangachita kupatulako kugomezga?”

176 Ine nkhati, “Ndicho chekha ise tingachita. Kweni wona, m’bale, pamanyuma Chiuta wakaphemaniska, panji wakachiwona chipulikano cha Abraham. Iyo wakamupa iyo chididimizgo, chimanyikwiro cha ukotoli, ngati chididimizgo cha phangano. Mukuwona? Iyo wakamupa iyo. Iyo wakati, ‘Sono, Abraham, Ine ndichindikenge chipulikano chako, mwantheura Ine ndikupenge chimanyikwiro sono kuti Ine ndakupokerera iwe.’”

177 Mwantheura Iyo wakamukotola Abraham, ndipo chira chikaŵa chididimizgo cha phangano. Ndipo sono mu nyengo iyi. . . Sono, mwanakazi wakaŵamo chara mu phangano lira; yekha pera mwanakazi wakatengwa. Sandani, wakakotoranga ŵanakazi chara; mwantheura, iwo ŵakayenera kunjira, mwantheura iyo na mfumu wake ndi yumoza. Iwo mbaŵiriso chara; iwo ndi yumoza. Kasi mbalinga ŵakumanya icho? Lemba likuyowoya ntheura. Mwantheura, mwanakazi pakuŵa wakatengwa, pamanyuma iyo—iyo wakuzgoka yumoza wa iyo. Ndipo rutirirani kukhira musi umu ndipo laŵiskani kudera uku mu Timote, wakayowoya chinthu chenechira, wakati, “Sono kweni iyo waponsekeenge pa kubaba ŵana, usange iyo wakurutirira mu chipulikano na utuŵa na kuziza kose.”

178 Sono, kweni, pamanyuma, ukotoli wa mu Chipangano Chakale ukaŵa wa muthupi, kweni mu Chipangano Chiphya ichi, Joel wakati, “Ine ndizamkupungulira Mzimu Wane pa ŵanthu wose, ndipo ŵana ŵinu ŵanarumi na ŵana ŵinu ŵanakazi ŵazamuchima.” Sono, lizgu lakuti *kuchima* likung’anamura kusambizga chara. *Kuchima* chikung’anamura panji “kuyowoya chakukuchitikira, pasi pa ukhuŵirizgi,” panji “kuroslera chinyake icho chiri pafupi kuchitika.” Ndipo ise tikumanya kuti ŵakaŵako ŵaprofeti ŵanakazi mu Chipangano Chakale. Iwo ŵakayowoyanga chara mu nyumba, kuyowoya mu mpingo, mu gulu, ngati musambizgi. Kweni iyo, Anna, na ŵanandi ŵa iwo mu tempile, iwo ŵakaŵa ŵaprofeti ŵanakazi, ndipo iwo ŵakaŵa. . . Miriam wakaŵa muprofeti mwanakazi, panji chinyake ngati icho. Iyo wakaŵa nawo Mzimu pa iyo, uwo mbunenesko, kweni iyo wakaŵa na mphaka za malo ghake. Ŵanakazi ŵangamanya kuŵa ŵaprofetikazi muhanyauno, nadi; kweni ŵasambizgi chara, na vinyake ntheura, kuseri kwa gome uku. Imwe kuchita, imwe mukupanga—imwe mukupanga Baibolo kususkana Ilolene. Baibolo lingayowoya chara chinthu chimoza *apa*, ndipo chinthu chinyake kudera *uku*. Ili likwenera kuti liyowoye chinthu chenechira nyengo yose panji Ili ndi Mazgu gha Chiuta chara. Mukuwona? Mwantheura, “Ŵana ŵinu ŵanarumi na ŵana ŵinu ŵanakazi ŵazamuchima,” kung’anamura kuti iwo panji “ŵazamuroslera” panji “kuchitira ukaboni.” Sono, imwe mupenje icho, ndipo

imwe mutore dikishonare la Baibolo ndipo muwone usange uwo mbunenesko chara. “Wana wīnu wānarumi na wana wīnu wānakazi wāzamuchima.”

¹⁷⁹ Sono, Baibolo likuyowoyaso za mwanakazi uyo wakajitora iyomwene, mwantheura, panji wakayowoya kuti iyo... Ichi chingamanya kukhwaska mpingo wa Katolika, ndipo chingamanya kukhwaskaso na... na chisambizgo ichi cheneicho ise tiyowoyengepo sono. Tiyeni tijure ku Buku la—la Chivumbuzi, ndipo tiyeni titore pafupifupi—chipatulo 2 ndipo vesi 20, apo ise tiri waka nkhanira kufupi ku ichi, mwakuti imwe mungamanya kuwona waka umo chinthu chira cha usatana chingamanya kuwira, cha kuyowoyanga mu mazuwa agha ghaumaliro icho chizamuchitika, umo kuti aŵa... icho mwanakazi uyu wazamkuŵa. Kumbukirani, mpingo wa Katolika ndi mwanakazi. Ise tanguwazga waka ichi, tanguchita chara ise? Tegherezгани ku ichi sono, umo Ili likuyowoyera. Chivumbuzi 2:20, “Sono kweni...” Iyo wakuyowoya ku mpingo uwu wa Thuatera, wonani, “Sono kweni...” Wenuwo ndi mpingo wa muwiro wa pakatikati apo, ukayendera mu Miwiro ya Mdima.

Sono kweni ine ndiri na vinthu vichoko kususka iwe, chifukwa iwe ukumuzomerezga mwanakazi yura Yezebeli, uyo wakujichema iyomwene muprofeti mwanakazi, kuti wasambizge na...kuthereska wateweti wane na kuchita mauzaghali, na kurya vinthu vyakuperekeka ku vikozgo. (Mukuwona?)

¹⁸⁰ Sono, usange imwe mukulaŵisiska, wonani miwiro ya mipingo iyi, panyuma ise tijarengenge. Mwantheura mlenji ise tizamkutora vinthu vinyake vichokovichoko iyi. Wonani. Mu...Kusi kwa—vyakukolera nyali vya golide vya kachisi wa Chiyuda, mkati, vya chingwa cha m’kachisi na vinyake nthura, mukaŵa vyakukolera nyali seveni vya golide. Imwe mose mukumanya icho. Mukuwona? Kuli miwiro seveni ya mpingo. Icho chikuyowoya za miwiro seveni ya mpingo, ungeru. Sono usange imwe mukulaŵiska mu Chivumbuzi 1, ise tikumusanga Yesu wayimirira mu miwiro seveni ya mpingo, vyakukolera nyali seveni vya golide, para iyo wakati wang’anamuka ndipo wakawona Yumoza ngati Mwana wa munthu, wayimirira, wakavwarikika na umo ichi chikaŵira. Wakaŵa Mkwatibwi kuyimirira mu vyakukolera nyali, wakawoneka.

¹⁸¹ Sono, Chipangano Chakale, iwo wakatoranga a...nyali yimoza iyi, na kubuska iyi, kutora nyali yinyake na kubuska iyi kufumira ku yimoza yira, kubuska yimoza yira, yimoza kubuskira yinyake, ngati nthura, mpaka iwo wakapanga vyakukolera nyali vyose seveni.

¹⁸² Usange imwe mulaŵiskenge, pa chiyambi, para Chiuta wakati wayamba kuchita na Wayuda, ndipo iwo wakayendera

mu muwiro wa golide. Ndipo pamanyuma muwiro wa mdima ukuru wa vyakuchitika vya Chiyuda, Chiuta wakatora Muyuda, mukaŵa mu kuwusa kwa Ahab. Ndipo usange imwe mulaŵiskenge, kuŵazganga miwiro ya mpingo kula, Iyo wakuwerera nkhanira ku ichi kamozaso. Iyo wanguyowoya, sono, “Vinthu vichoko kumanyuma,” ndipo wakati... Sono, nkhanira mu Muwiro ula wa Mdima, virimika fifitini handiredi kula, panji pa nyengo ya Ahab, chakudanga, na Ŵayuda. Muwiro wa mdima ukuru iwo ŵakaŵa nawo, para Ahab wakatora Yezebeli ndipo wakayambiska kusopa vikożgo mu Israel, ndipo wakapangiska ŵanthu wose kusopa kurondezganga Ahab... kurondezganga chiuta wa Yezebeli. Imwe mukukumbukira, iwo ŵakatora, ŵakalima munda wa vipaso, ndipo ŵakawiskira pasi majotchero gha Chiuta. Ndipo Elisha wakachemerezga, iyo wakaŵa “yekha pera,” ndipo Chiuta wakaŵa na seveni handiredi awo ŵakagwadira chara khongono lawo kwa Balam. Imwe mukukumbukira icho? Uwo ndi mtundu ula wa Mpingo wakusoreka ula ukufuma. Mukuwona apo? Mukuwona umo ichi chiliri?

¹⁸³ Sono, mu mpingo uwu, usange imwe muwonenge mpingo wakudanga, mpingo wakudanga, mpingo wa Efeso, ukaŵa mpingo ukuru. Iyo wakati, “Imwe mukaŵa nawo ungweru, ndithu.” Ndipo usange imwe mukuwona, mpingo uliwose, ukuyamba kuzimwa, kuzimwa, kuzimwa, mpaka uwu ukafika ku Thuatera. Pamanyuma, virimika fifitini handiredi. Pamanyuma uwu ukiza kusirya linyake, “Ndipo imwe muli waka na ungweru uchoko. Khożgani uwo imwe muli nawo, mzire chakukolera nyali chinu chifumiskikepo.” Ndipo ukarutirira kufika ku muwiro wa mpingo wa Filadelfiya, ndipo pamanyuma mu muwiro wa mpingo wa Laodikeya.

¹⁸⁴ Sono, apa pali chiweme. O, mwe! Ine nkchitemwa waka ichi, M'bale Smith. Wonani, laŵiskani pa ichi. Sono, mu muwiro *uwu* wa mpingo, umo ise tikayowoyerapo... Sono wonani ichi. Muwiro wakudanga wa mpingo ukaŵa Efeso, muwiro wa mpingo wa Efeso. Sono, uliwose wa miwiro yira ya mpingo, mpaka ichi chikafika ku virimika fifitini handiredi ivi, usange imwe muwonenge... Mukaŵazge ichi sono para imwe mwaruta ku nyumba usiku uwu, usange imwe muli na nyengo, panji mlenji chomene, pambere imwe mundize ku tchalitchi, pa chakudanga, chachiŵiri, na chipatulo chachitatu cha Chivumbuzi. Imwe mwamkusanga kuti, uliwose wa miwiro yira ya mpingo, Iyo wakati, “Iwe uli na nkhangono zichoko, ndipo iwe walikana chara Zina Lane,” mpaka Iyo wakafika ku virimika fifitini handiredi ivi vya Thuatera, Muwiro wa Mdima. Pamanyuma Iyo wakiza kusirya linyake, ndipo wakati:

...iwe uli na *zina ilo iwe* ukukhalira umoyo, kweni ndiwe *wakufwa*.

¹⁸⁵ Ndipo iyi, palije umoza pa miwiro iyi ya mpingo, kuti panji muwiro wa mpingo wa Filadelfiya, ukatora Zina lira chara kamozaso. Ukatora Zina lira chara, chifukwa uwu ukawa kuti wafumamo mu nyengo iyi. Sono, o, umu ise tingawikira icho pa visambizgo vyautesi ivi sono, nkhanira mwenemula, kumuwoneskani imwe kuti ndi nyinawo, mpingo wa Katolika, nyinawo wa chose ichi, umu iyo waliri “nyinawo, wamchindindi, Babulone.” Ndipo icho ndi, wonani, muwiro wa mpingo uwu para uwu ukati wafuma, uwu ukawa na ungweru uchoko, pamanyuma uwu ukarutirira kuzimwanga, kuzimwanga, ndipo pamanyuma uwu ukapanga bungwe kufika uku, virimika ivi fifitini handiredi. Ndipo uwu ukafuma sono, ngati Mpingo wa Fumu Yesu Khristu chara, kweni ngati mpingo wa Katolika. Kasi Lutera wakafuma ngati njani? Ngati mpingo wa Lutera. Kasi Baptist wakafuma ngati njani? Ngati mpingo wa Baptist. Zina Lake chara, Zina Lake chara; zina linyake, “iwe uli na zina.” “Pakuti kulije zina linyake liri kuperekeka kusi kwa Mtambo mwenemumo imwe mungaponoskekeramo, kweni Zina la Yesu Khristu pera.” “Iwe uli na zina ilo iwe ukukhalira umoyo, kweni ndiwe wakufwa,” icho ndicho chiriko na bungwe lira.

¹⁸⁶ “O, ine ndine wa Prezibetere,” ndipo iwe ndiwe wakufwa! “O, ine ndine wa Baptist,” ndipo wakufwa! Iwe ukuwa wamoyo apo iwe ukwiza wamoyo mwa Khristu Yesu. Uwo mbunenesko. Maubapatizo ghinu ghautesi, maji, ubapatizo wautesi; kuwazgirana, kupungulirana, m’malo mwa kubizga; kugwiriskanga ntchito “Wiske, Mwana, na Mzimu Mutuwa,” m’malo mwa Zina la Fumu Yesu Khristu. Vinthu vyose vira vyautesi kuchitikanga, Baibolo kuyowoyanga, ngati kupunguliranga mu ichi nkhanira mwankhongono umu ichi chingamanya kuwira. Ndipo apa ise tikuzomerezga kuyenda na iwo, “Inya, mpingo wane ukugomezga Ichi munthowa *iyi*.” Kweni Baibolo likuti *Ichi*. Mukuwona? Kulije vinthu vyantheura. Kulije chinthu chantheura.

¹⁸⁷ Ndipo mulije malo mu Baibolo uko iwo wakafumiska lilime lawo na kupokera Chibama chituwa, ndipo musofi wakamwa vinyo ndipo wakachema ichi Mzimu Mutuwa. Mulije mu Baibolo uko iwo wakakorako chasa na kupereka chilorezo cha wenenawene, na kuchema ichi Mzimu Mutuwa. Vikachitikapo chara kuti munyake wakanyamuka na kuti, “Sono ine ndine wakugomezga,” ndipo wakapokera Mzimu Mutuwa. Usange ichi chikachita, apa pali umu Milimo 2 nthena wakaŵazgikira, “Ndipo para Zuwa la Pentekosite likati lafika mu uzari wose, kusika ku msewu kukiza musofi wa Katolika, ndipo iyo ukawa na kolara yake yakugadabuka. Iyo wakwiza, wakati, ‘Imwe mose fumiskani lilime linu sono ndipo pokerani Chibama chituwa, monesko wakudanga.’” Kasi iyo yiŵenge nthowa yinyake chara ya kuŵazgira Milimo 2?

¹⁸⁸ Inya, imwe Waprotestant namwe muli wâheni. Mukuruta kula ndipo mukuti, “Sono ise tirutenge kwa imwe wâ Methodist; kuwâwika iwo pa woko lamaryero, panji, kuwâzomerezga iwo kwenda nawo, ndipo myezi sikisi ya kuwâwîlira.” Kasi imwe mukuwâzga nkhu icho mu Milimo 2? Mukuwona? Kasi imwe mukuchitora nkhu icho? Mukuwona?

¹⁸⁹ Ili likati, “Para iwo wose wâkawa mu malo ghamoza, mu kuzomerezgana kumoza!” Kula kukiza bishop yumoza chara ndipo wakachita *ichi*, ndipo kula kukiza musofi chara ndipo wakachita *ichi*. “Kweni kukiza mphomo kufuma Kuchanya ngati kuputa kwa mphepo yikuru, ndipo Iyi yikazura nyumba yose umo iwo wâkakhala.” Umo ndimo iwo wâkapokerera Ichi, inya, bwana, ngati kuputa kwa mphepo yikuru kwiza kufuma ku Uhindami. Kufuma kumtunda kwa msewu chara panji kufuma ku bungwe linyake.

... iwe uli na *zina ilo iwe* ukukhalira umoyo, kweni ndiwe *wakufwa*.

¹⁹⁰ Wonani, vigomezgo vyinu na mabungwe vyamujandira kutali Chiuta ngati nthaura, mpaka, “Ise tikugomezga *ichi*, ndipo ise tikugomezga kuti mazuwâ gha minthondwe ghali kumara.” Ndi muprofeti mutesi uyo wakuyowoya icho. Ndi muprofeti mutesi uyo wakumuphalirani imwe, kuti, “Imwe mungamanya kukorana vyasa na kupokera Mzimu Mutuwa.” Ndi muprofeti mutesi uyo wakumuphalirani imwe, “Imwe mukupokera Mzimu Mutuwa para imwe mwagomezga.” Ndi muprofeti mutesi uyo wakumuphalirani imwe, “Imwe mukwenera kupungulikira na kuwazgikira m'malo mwa kumubapatizani.” Ndi muprofeti mutesi uyo wakumuphalirani imwe kuti “mubapatizike mu zina la Wiske, Mwana, na Mzimu Mutuwa,” apo kulije Lemba la ichi mu Baibolo. Uwo mbunenesko. Mulije Lemba mu Baibolo likumuphalirani kuti ndimo mubapatizikire, uko kulije munyake wakabapatizika nthaura, kweni mu Zina la Yesu Khristu pera. Wêkha pera, wâsambiri wâ Yohane; ndipo iwo wâkayenera kwiza, kuti wâbapatizikeso, mu Zina la Fumu Yesu Khristu, kuti wâpokere Mzimu Mutuwa. Uwo mbunenesko. Sono, icho ntchisambizgo cha wâ Jesus Only chara. Ine nkuchimanya chisambizgo cha wâ Jesus Only. Ndicho chara ichi. Icho ndi chisambizgo cha Baibolo. Uwo mbunenesko.

¹⁹¹ Kweni imwe muli apo. Kasi imwe mukuchita vichi na ichi? Apo pali mama winu. Apo pali mama wa vigomezgo vira.

¹⁹² Sono, imwe penjani mu Baibolo ndipo mundiphalire ine uko munyake wakawazgikira. Methodist, Prezibetere, Katolika, mundiphalire ine uko munthu yumoza wakawazgikira, mu Baibolo. Mundiphalire ine uko yumoza wakapungulikira, mu Baibolo, ku kugowokereka ku kwananga. Yowoyani ichi. Kasi imwe mungachisanga ichi? Usange imwe mwasangapo, fikani

kwa ine, ndipo ine ndiyendenge kukhira na msewu uwu na chimanyikwiro pa msana wane, ndipo chikuti, “Muprofeti mutesi! Ine ndine wakwananga.” Panji, imwe musange malo ghamoza mu Baibolo lose uko munyake wakabapatizika mu zina la Wiske, Mwana, na Mzimu Mutuwa, umo eyite pa handiredi wa imwe muli kubapatizikira. Mundisangire ine Lemba limoza uko munyake wakabapatizika mu nthowa iyo, ndipo ine ndiwikenge chimanyikwiro pa msana wane, “muprofeti mutesi,” na kuyenda kukhira na msewu na ichi ngati *ntheura*. Ndipo mundiwoneske ine uko munyake wakabapatizika, mu Mpingo uphya, uyo wakayenera kuti wafike chara na kubapatizikaso, mu. . . ntha mu zina la “Yesu” pera, kweni mu Zina la Fumu yithu Yesu Khristu. Uwo mbunenesko. Wonani usange uwo mbunenesko chara.

¹⁹³ Ndipo, apa, kasi ichi ntchichi? Iyo wakaŵa nyinawo wa ŵazaghali. Ntchivichi chikamupanga iyo muzaghali? Ntchivichi chikamupanga iyo kuŵa hure? Chisambizgo chake! Ntchivichi chikaŵapanga iwo kuŵa muzaghali? Chisambizgo chake!

¹⁹⁴ Ndipo ndicho chifukwa ise tikuzomerezgana nagho chara mabungwe ghawo na visambizgo vyawo vya ŵanthu. Ise tikukhala ŵakuphotoka na Baibolo ili. Ine nkhumanya chara umo imwe mukukhalira umoyo uweme na Ili, kweni imwe mwasambizgika Ili, munthowa yiriyose. Mbunenesko. Icho chiri kwa imwe. Ine ningamupangani chara imwe kuti mukhale umoyo wa Ili. Ine ningamanya kumuphalirani imwe uwo ndi Unenesko. Ndicho chifukwa ise ndise bungwe chara. Ine ningachita chara—ningakhumba chara kuti tijikazuzge taŵene kunjira mu vinthu vyantheura ngati ivyo, kuchita kungangamikira pa mtundu unyake wa chisambizgo cha munthu. Ine ntchiweme nditore nthowa pamoza na ŵachoko ŵakunyozeke ŵa Fumu. Ine ntchiweme ndikhale wakuphotoka na mutuŵa panthazi pa Mazgu na Chiuta, na kuyimirira apo na kuti, “Palije ndopa za munthu pa malaya ghane.” Ndicho chifukwa ise tikukhala pa Kachisi wa Branham. Ndicho chifukwa ise ndise ŵa Assemblies chara. Ndicho chifukwa ise ndise ŵa Oneness chara. Ndicho chifukwa ise ndise ŵa Jesus Only chara. Ndicho chifukwa ise ndise ŵa Methodist chara. Ndicho chifukwa ise ndise ŵa Baptist chara. Mbweni waka—kachisi muchoko kuno. Ise tirije bungwe lirilose. Ise ndise ŵanangwa, mwa Khristu. Ndicho chifukwa ise tikukhala umo ise tikuchitira. Ndipo Chiuta wali kutitumbika ise, Chiuta wakutivwira ise.

¹⁹⁵ Sono, ise tingamanya kumuphalirani imwe chifukwa icho ise tikutorera monesko, ise timuphalireninge imwe chifukwa icho ise tikuchapirana marundi, chifukwa icho ise tizomerezgenge chara mamembara kutora uwu usange ise tikumanya kuti iwo ŵali mu kwananga. Ndicho chifukwa, masabata ghajumphaga agha ghawiri panji ghatatu, ine ndakhala nkhouruta kwa

membra yumoza na munyake, uko imwe mwakhala mukuwa na kukangana kwinu kuchoko, nakoso. Kwiza kusanga kuti, yumoza wali kuleka kumuyowoyeska munyake, na kujumphana yumoza na munyake pa msewu na kung'anamuska mutu winu. Soni kwa imwe, imwe mwatora nkhombo yakutumbikika ya Chiuta apa, pa gome apa, ndipo wakumuchemani imwe wabale na walongosi, ndipo pamanyuma muli pa telefoni ndipo mukunyozana yumoza na munyake. Imwe ndimwe wakwanira chara kuchemeka Wakristu para imwe muli mwantheura umo. Mbunenesko. Imwe wikani kutali matelefoni agho; usange imwe mungayowoya chara chiweme cha munyake, mungayowoyanga chara munthowa yiriyose. Kumbukirani, Chiuta wazamkumufumbani imwe. Malinga mtundu wa mzimu ula uli mwa imwe, imwe mukumanya kuti imwe muli makora chara na Chiuta. Usange imwe mukuwona chara . . .

¹⁹⁶ Usange munthu wananga, ruta kwa iyo ndipo ukamuwezgeko. Usange iwe ungamuwezga chara, tora munyake pamoza na iwe. Ndicho chifukwa Chiuta wanasambizga chara mpingo Wake, chifukwa imwe mukuchita ichi mwakwenera chara. M'malo mwakuwa pa foni na kuyowoyanga za chimoza ichi, icho chikachitika, na vigomezgo vichokovichoko na vinyake ntheura, pamoza ngati ntheura. M'malo mwakuchita icho, mukulekerachi imwe kuchita icho Baibolo likuyowoya? Usange m'bale munyake wasangika kuti wananga, ruta kwa iyo ndipo uwone usange ungamuwezgako chara iyo. "Inya, sono, iyo wakandinangira ine!" Ine nkhubwerera chara icho iyo wakachita, ruta kwa iyo munthowa yiriyose! Ili likayowoya kuti iyo ndiyo wafike kwa iwe chara. Iwe urute kwa iyo usange iyo wananga. Iwe uku yowoya, "Inya, iyo wakananga. Iyo wakwenera kuti wafike kwa ine." Icho ndicho Baibolo likayowoya chara. Baibolo likayowoya kuti iwe urute kwa iyo. Usange iyo wananga, iwe urute kwa iyo.

¹⁹⁷ Ndipo pamanyuma usange iyo wakupulikirenge chara iwe, ntheura torerapo munyake pamoza na iwe, ngati kaboni.

¹⁹⁸ Ndipo pamanyuma usange iyo wachindikenge chara kaboni yura, mwantheura yowoya, "Sono ine nditorenge mliska wako." Ntheura iwe ukumuphalira iyo, ukuti, "Ine ndamkuyowoya ichi ku mpingo, ndipo mu mazuwa sate kufuma sono, usange imwe wabale mundanozge icho . . . M'bale uyu apa ngwakunozgeka kuwezgeka. Iwe ukukana kuchita ichi. Ndipo usange iwe unozgenge chara icho mkatikati mwa muzuwa sate, mwantheura kasi ntchichi chichitikenge? Iwe ukuwaso yumoza wa ise chara."

¹⁹⁹ Baibolo likati, "Usange iyo wangapulikira chara mpingo, ntheura mulekeni iyo waŵe kwa imwe ngati wambura kugomezga na wakukhomeska msonkho." Imwe wonani, malinga m'bale wali pasi pa chivikiriro chira cha mpingo, Ndopa za Khristu zikumuvikirira iyo. Ndicho chifukwa ise tikupanga mpingo kurutiriranga ngati ndiumo uwu ukuchitira chara. Sono,

mbunenesko, *Ichi* ndi chisambizgo cha Bap- . . . cha mpingo wa Baptist, panji Kachisi wa Branham kuno, usange iwe uchitenge ichi. Wonani, kasi mungachita chara . . .

²⁰⁰ Imwe pulikani apa, ndiyowoye, mwakuyezgerera, w̄anarumi w̄aw̄iri, ngati Leo na ine. Kasi iwe undizomerezgenge ine. . . Ndipo ine nkhuti, “Inya, iyo—iyo wakandinangira ine.” Icho chikupanga mphambano yiriyose chara. Ine nkhu yenera kuti ndirute kwa iyo. Inya, iyo ndi membara wa mpingo uwu. Iyo—iyo ndi Mukhristu. Iyo wakutora monesko muno pa mbale pamoza na ine. Ndipo ise tiri kubapatizika mu Zina la Fumu Yesu. Tikayenda makora, ngati w̄abale, panthazi pa yumoza na munyake, pamanyuma chinyake chikuchitika.

²⁰¹ Ndi munthu chara. Nayinte pa handiredi ya nyengo ndi devulu wafika pakatikati pa w̄anthu. Ndi w̄anthu chara. Ndi devulu. Ndipo malinga imwe mukumuzomerezga devulu wachitenge icho, imwe mukumupweteka m’bale winu. Uwo mbunenesko.

²⁰² Inya, chinyake chanangika pa Leo na ine; tiyeni tirute tikanozge ichi. Ndipo usange imwe mukuwona kuti pali chinyake, ndi ntchito yinu kuti mwize kwa ise, na kuti, “W̄anyamata mwa w̄iri imwe zaninge kuno ndipo khalani pamoza. Ise tinozgenge chinthu ichi.” Sono, pamanyuma, usange iyo wafika kula, ndipo kula mukusanga kuti, pamanyuma, ise tiri apa. Ine nkhuti, “Inya, chinthu chakudanga, usange ise—ise tikupulikizgana chara, mwantheura imwe mwize ku mpingo ngati nthaura.”

²⁰³ Ndipo pamanyuma malinga—malinga imwe mukuchitapo kalikose chara za ichi, nangauli, Ndopa za Yesu Khristu zikutivikirira ise tose pamoza. Mukuwona? Kweni pamanyuma yira—kansa yakale yira yiyambiskenge kansa yinyake, ndipo kansa yira yiyambiskenge kansa yinyake, ndipo chinthu chose chirwarenge, palipose, mpingo wose. Mwantheura imwe mukufika pa malo kuti imwe mukwiza mu tchalitchi, ndipo w̄akuzizima waka, imwe muchitenge ku w̄a na wakunozga pamalo wafike na kuzakafumiskamo viswaswa, pambere gulu lingamanya kunjira. Sono, imwe mukumanya uwo mbunenesko. Ndipo w̄akuzizima! Munthu munyake wakwiza kudera kula, imwe mukumanya, ndipo mukuyowoya kalikose chara. “Inya, ise kale tika w̄a w̄auzimu chomene.” Inya, kasi kukachitikachi? Imwe mukayamba makora, kasi suzgo lika w̄a vichi? Wonani, kwananga kwinu kukumupatulani imwe. Ndipo Chiuta wazamkumuyeruzgani imwe pa ichi, w̄abale. Sono ine ndinozgenge chinthu ichi.

²⁰⁴ Palije chakwanangika na ine, palije chakwanangika na Leo; ndi devulu wafika pakatikati pithu. Uwo mbunenesko. Nozgani chinthu icho. Rutani kwa iyo. Pamanyuma usange iyo wapulikirenge chara, panji ine ndipulikirenge chara, kulikose

ichi chiriko, pamanyuma yowoyani ichi ku mpingo. Usange iyo wakwiza chara kuwerera ku mpingo ula mu mazuwa sate, mwantheura iyo wafumapo pasi pa chivikiriro cha Yesu. Ise tikumutaya iyo. Uwo mbunenesko nadi. Pamanyuma wonani icho chikuchitika. Murekeni Chiuta wachite nayo kanthu. Imwe mwafumiskapo mawoko ghinu. Imwe mwachita chiweme chomene imwe mukamanya kuchita. Pamanyuma murekeni Chiuta wachite nayo kanthu iyo pachoko waka; Iyo wamuperekenge iyo kwa devulu. Iyo wawerengeko pamanyuma. Usange iyo wakuchita chara, umoyo wake ngwa kanyengo kachoko waka.

²⁰⁵ Imwe mukukumbukira mu Baibolo, uko kukaŵa m'bale uyo wakapulikiranga Chiuta chara? Kasi mbalinga ŵakukumbukira nkhani? Iyo wakagona na amama ŵake ŵakumusanga, ndipo iwo ŵakatondeka kumunyoroska iyo. Paulos wakati, "Muperekeni iyo kwa devulu, kuti waparanyike." Imwe mukuchisanga icho, mu 2 Ŵakorinte, iyo wakanyoroskeka.

²⁰⁶ Ine ndiri na m'bale, mubwezi muweme, ine nkhutemwa apa kuzunura zina lake, m'bale mupharazgi. Ndipo m'bale mupharazgi uyu, zina lake ndi M'bale Rasmussen. Ŵapharazgi ŵanandi imwe mwakhala muno, usiku uwu, zina lake liri mu nyuzi zinu. Ndi yura wakuyendera mabungwe ghakupambanapambana kufuma mu Chicago. Ndipo wonani. Iyo wakaŵa na mnyamata, mupharazgi, ndipo iyo wakaruta ndipo wakatora msungwana wa Katolika, ndipo wakayamba kuchita ngati ntheura. Ndipo iwo wakati wachitenge *ichi*, *icho*, na *chinyake*, na—vinyake vyose; wakasangika mu suzgo linyake. Ndipo dada wake wakaruta kwa iyo, wakati, "Sono wona, mnyamata, kasi iwe uzomerege kwananga?"

Wakati, "Dada . . ."

Iyo wakazunura mpingo wawo gulu la ŵatuŵa ŵakukunkhuluka, dada wake. Iyo wakati, "Sono, wona, kasi iwe unozgenge chinthu ichi na mpingo uwu?"

²⁰⁷ Iyo wakati, "Sono, adada, imwe ndimwe dada wane, ndipo ine nkhuKhumba chara kusuzgana kulikose na imwe." Viri makora.

²⁰⁸ Iyo wakaruta ndipo wakatora yumoza wa madikoni ndipo ŵakaruta ku nyumba yake. Wakati—wakati, "Wesley, ine nkhuKhumba kuti ndichezge nawe." Wakati, "Kasi iwe unozgenge ichi na mpingo?" Ndipo iyo wakamupa iyo zgoro lifupi chomene ngati ntheura. Wakati, "Kumbuka, Wesley, ine ndine mliska wa mpingo ula. Ine ndine dada wako, kweni ine ndichitenge icho Chiuta wakuyowoya kuti ndichite. Ine nkhuKupa iwe mazuŵa sate kuti unozge icho na mpingo ula, panji ise tikusezgenge iwe pa Kuŵapo kwa Chiuta. Iwe ndiwe mwana wane; yura ndi Muponoski wane." Wakati, "Ine nkhuKutemwa iwe. Ndipo iwe ukumanya kuti ine nkhuKutemwa

iwe, Wesley. Ine ningamanya kufwa sono nthena chifukwa cha iwe. Kweni iwe ukwenera kuti ufike pa kupulikira Mazgu gha Chiuta. Ukuwona?” Iyo wakati, “Ine ndine mliska. Ine ndine mliska wa mskambo ula. Usange iwe ndiwe mwana wane, panji kwali iwe ndiwe njani, iwe ukwenera kuti upulikire Mazgu gha Chiuta. Usange iwe ukuchita chara ichi, mwantheura ine ndine wakukwanira chara kuŵa mliska Wake.”

²⁰⁹ Mnyamata, yura ndi mliska. Yura ndi mwanarumi. Kasi imwe mukughanaghana ntheura chara? Yura ndi mwanarumi. Iyo wakamuphalira chantheura mnyamata wake. “Ndipo chikamupweteka iyo,” iyo wakayowoya. Kweni wakati, “Vichi? Kasi iwe upwetenge njani, munthu, panji kupweteka Muponoski wako? Ntheura,” iyo wakati, “pamanyuma ise tikarutirira.” Ndipo wakati, “Iyo wakachita chara ichi. Ndipo ise . . . Ine nkhawuphalira mpingo.”

²¹⁰ Iyo wakati, “Mwana wane ndamwene, Wesley, iyo wakukana kundipulikira ine, mu nkhani iyi. Iyo wakukana kupulikira dikoni. Ndipo ndiwe kaboni wa ichi, M’bale *Wakuti-na-Wakuti?*”

“Inya, ine ndine.”

“Viri makora. Pa eyiti koloko, pa Sabata yikwiza, masabata ghanayi kufuma sono, usange iyo wandanozge icho na mpingo uwu, ise timuperekenge Wesley, mwana wane, kwa devulu, kuti thupi lake liparanyike. Ndopa Zake, Ndopa za . . . za Yesu Khristu, na mpingo uwu, zileke kumuvikiriraso iyo.”

²¹¹ Ndipo usiku ula ukafika. Wakayimirira pa gome, wakati, “Iyo wali na maminiti ghaŵiri ghakhalako.” Nyengo yikakwana. Iyo wakati, “Sono, ngati mwana wane, Wesley Rasmussen. . . wakayowoya ku gulu ili, kwa Imwe, Chiuta Mwenekhongono: Ise tachita chose tingamanya kuchita, kwakulingana na Mazgu Ghinu na malangizo gha Winu—Mwana Winu, Muponoski withu, wali kutilekera ise. Ise sono, ine nkhumupereka mwana wane, na mpingo uwu pamoza na ine, ku kuparanyi-. . . kwa devulu, kuti thupi lake liparanyike, mwakuti uzima wake uponoskeke.” Ndicho chekha chikayowoyeka. Paliye chinyake chikachitika, pa sabata yimoza panji ghaŵiri, panyake mwezi panji yiŵiri.

²¹² Usiku umoza, Wesley mulara wakarwara. Ndipo para iyo wakati warwara, iyo wakarutirira kurwaranga. Iyo wakachemeska dokotala. Dokotala wakiza ndipo wakamupima iyo. Iyo wakaŵa na kufunda muthupi kwakukwana handiredi na fayivi. Iyo wakatondeka kusanga chifukwa cha ichi. Wakarutirira waka kurwaranga. Dokotala wakati, “Mnyamata, ine nkhumanya chara icho chachitika kwa iwe.” Iyo wakamanya chara chakuti wachite. Wakati, “Ise tichemeskenge kaswiri.” Iwo wakachemeska kaswiri, ndipo kaswiri wakiza kwenekula. Iwo wakamutorera iyo ku chipatala, wakamupima iyo, chinyake chirichose. Ndipo wakati, “Ine ningamuphalirani chara imwe.

Mnyamata mbwenu waka—wakuwoneka kuti wafwenge.” Muwoli wake wakayimirira apo, wakaliranga, chinyake chirichose ngati nthaura. Ndipo wana wakayimirira kuzingilira bedi ndipo palipose ngati nthaura. Iyo wakati, “Iyo wakuruta. Mbwenu kwamara.” Wakati, “Katukuzgiro kake ka ndopa na kathutiro, vikurutirira kufoka nyengo yose.”

213 Iyo wakati, “Chemani adada.” O, inya. Ndiyo nthowa yakuchitira ichi. Mphenepapo. “Chemani adada.” Ndipo dada wake wakachimirira ku chipatala kula, mwaluwiro chomene, kuti wakamuwone iyo. Iyo wakati, “Adada, ine ningachita chara sono, kweni Chiuta wakupulika mazgu ghane. Ine ndinozgenge chirichose. Ine ndinozgenge ichi. Inya, ine ndichitenge.” Inya, bwana, m’bale. Nkhanira penepapo kathutiro kake kakayamba kuchitika makora.

214 Ndipo pa Sabata yakurondezgako, iyo wakayimirira panthazi pa mpingo. Iyo wakati, “Ine ndananga panthazi pa Chiuta, panthazi pa mpingo. Ine nkakana kupulikira mazgu gha mliska. Ine—ine nkakana kupulikira dikoni kuno.” Ndipo wakati, “Ine nkhupepema mpingo uwu kuti undigowokere ine pa chiheni icho ine ndachita ngati icho.” Wakati, “Chiuta wathaska umoyo wane.” Ine nkhumuphalirani imwe, iyo wakanozga makora. Inya. Icho ndicho imwe mukwenera kuchita, wonani. Mukuwona? Imwe, usange imwe muchitenge waka ichi umo Chiuta wakukhumbira! Mukuwona?

215 Sono, wonani, umo ise tikuchitira, ise tikuwa na nkhumano ya wakuruwakuru, ndipo tikuti, “Inya, sono, kasi ise tisunge. . .” Ine nkhuwoyoya kachisi uyu chara, kweni ine nkhung’anamura ise wanthu wa Pentekosite. Ise tikuwa na nkhumano ya wakuruwakuru, ndipo, “Kasi imwe mukughanaghana vichi za Jones? Kasi imwe mukughanaghana kuti ise tichite vichi na iyo? Ine nkughanaghana kuti iyo wanga wa membara muwemiko wa Methodist kuruska umo iyo wakuchitira na ise.” Apo imwe muli. Icho, icho ntchiheni. Ndicho chifukwa ise tikwenera kuti tirondezgenge miyambo yawo chara; ndipo bishop munyake, ise tikwenera kuti timucheme iyo, munyake membara. . . Kasi ntchichi imwe mukumuchema iyo, mulara wa chiga wa mu mpingo uwu wa Pentekosite? Mulara wa chiga wa, mukumuchema iyo kuti wazakawone nkharo ya munthu uyu.

216 Baibolo likutiphalira ise chakuti tichite. Ndicho chifukwa ise tikuzomerezgana nagho chara mabungwe ghawo. Ise tikukhala kutali ku chinthu chira. Amen. Kunikwiyira chara ine, mukuchita imwe? Kuchita chara ichi. Viri makora. Ine nkhumanya nipokerenge mafumbo ghanyake ghakofya namachero usiku. Kweni, inya, icho chiri makora. Mukuwona? Kumbukirani. Manyani. . .

217 Ine ndiyowoye ichi sono. Mwa wanthu imwe muli muno mwafuma ku mabungwe ghakupambanapambana gha mipingo,

bungwe linu, ndipo, m'bale, ine nthā nkhuyowoya kuti iwe ndiwe Mukhristu chara. Ine nthā nkhuyowoya kuti mu bungwe lako mulije masauzandi gha Wakhristu waweme mwenemula. Ine nkhuyezga kuyowoya chifukwa icho ise ndise bungwe chara. Chifukwa, ine ningagomezga chara icho. Chara, bwana. Ine ningachita chara. Iwo wakuyezga kumuphalirani imwe chakuti imwe muchite. Usange Chiuta wakandichema ine kuti ndipharazge Ivangeli, pamanyuma ine nkhupharazga Uwu umu Chiuta wakandiphalirira ine kuti ndichitire ichi. Icho ndi ndendende, umu ichi chili kulembekera umu mu Baibolo ili. Kutondeka kupulikira Ichi, mwantheura icho ndi... Chiuta wazamkundiyeuzga ine pa ichi. Kweni usange ine—usange ine—usange ine nkhuwona mphumphi yikwiza, panji murwani wakwiza, ndipo ine nkhutondeka kuwachenjezga iwo, nthēura Chiuta wafumbenge ine. Kweni usange ine ndamuchenjezga imwe, mwantheura icho chiri kwa imwe. Mukuwona?

²¹⁸ Kumbukirani, “Kula mu mazuwa ghaumaliro, kuti nyengo zionono zizamkwiza, wanthu wazamkuwa wakujitemwa iwōwene, wakujitukumura, wakunyada, wakutuka.” Wonani, wakutuka, “O, iwo gulu la wazereza. Mazuwa gha minthondwe ghali kujumpha. Kulije chinthu chantheura icho.” Iyo ndi muprofeti wakale mutesi. “Sono, ise tikumanya kuti wanakazi withu wali waka na mahara ghakuru umu waliri wanarumi withu.” Ine nkhususka chara icho napachoko pose, kweni Baibolo la Chiuta likati kumuzomerezga chara iyo pa gome. Icho ndi—icho ntchakukwanira kwa ine, wonani. Uwo mbunenesko. Viri makora. Mukuwona?

Ndipo wakati, “Inya, sono, mabungwe ghithu, ise tiri waka na wanthu wanandi waweme umu imwe muliri nawo kudera kula pa kachisi.” Ine nkhuyowoya icho chara napachoko pose, kweni Baibolo likusuka mabungwe. Uwo mbunenesko. Ndipo, nthēura, ine nthā nkhuyowoya kuti imwe mulije mamembara ghaweme mu mpingo winu. Icho ntchiweme. Iwo ndi wanthu waweme. Wanyake pa wanthu waweme chomene, ine nkhekumana nawo iwo mu ghawo ghose, mu wa Katolika na kunyake kose. Iwo wose, ine nkhekumana na mamembara ghaweme.

²¹⁹ Sono, umu ise tichiperekerenge ichi sono, wabwezi, usange Fumu yazomerezga, mu kusambizgana kuchoko kukwiza uku, panyake... Ine ndizakumuphalirani imwe namachero usange ise tikwenera kuzakachitora ichi namachero kumuhanya panji chara, wonani, kuti timalizge ichi. Chifukwa icho ise tikuyezga kuchita ichi, ine nkhekumba kuti ndichikhomerere ichi pa malo sono. Sono, usange imwe mukukumba kuti mukize na munyake pamoza na imwe, imwe ndimwe wakupokerereka mwakufikapo kuchita ichi. Kweni kumbukirani sono, nthā—nthā mungafumangapo waka na kuyezganga kusanga chifukwa. Imwe mwize kuno... Ine nkhuyowoya waka ku lane—gulu lane,

imwe wonani. Ine nkhususambizga ichi kuwaro kwa gulu lane kuno chara, chifukwa iyo ndi ntchito ya munthu munyake. Kuti, iyo ndi mliska wa muskambo ula. Ndipo—ndipo ine ndiri waka . . . [Pa tepi palije kalikose—Munozgi.]

²²⁰ Tiwerere nkhanira ku Genesis, imwe mupenje nkhanira mwenemula, ndipo muwonenge apo ichi chiri. Sono ise tikuwerera ku Genesis, kuti tifufuze chifukwa icho mwana wapathengere wakamanya kunjira chara mu gulu la Yehova pa miwiro fotini. Umo ichi chikutorera . . . Icho chiwenge virimika foru handiredi kuti kwananga kula kumare. Umo ise tifufuzirenge umo kuti—kuchita uheni kwa wapapi kukufika ku wana na wana, umo chira chikayambira mu Genesis, na kunyake nthura.

²²¹ Ndipo imwe . . . pamanyuma imwe muwonenge umo kuti, tirute ulendo wose kumanyuma, kuti Chiuta, pambere charu chikaŵa chindaŵeko, pambere kadikidiki kamoza kakaŵa kandapunthe, kale kula pambere kuŵara kwa nyenyezi kukaŵa kundawoneke, Chiuta wakachimanya chilengiwa chirichose na chinthu chirichose icho chizamkuŵa pa charu chapasi. Kasi walimo munyake muno . . . Imwe mungarongosora chara kasi ndi lizgu uli, na kusanthura ichi, na kuyowoya icho lizgu lakuti “wambura mphaka” likung’anamura. Kuyana waka na kung’anamuliranga kamera yinu kurazga—kurazga kwambura chigoti. Ngati, icho chikuyambira kula na kunthazi, mbwenu kwamara. Mukuwona? Wambura mphaka! Ndipo ise tingachita chara, mu malingaliro ghakugota, tingamanya kupulikiska icho Malingaliro ghambura mpaka ghangamanya kunyamula. Wonani, ise tingachita chara icho. Imwe, imwe mungachita chara ichi. Mukuwona? Kweni usange imwe muwonesekenge waka, kuchisunga mu Mzimu, imwe mungamanya kuchipulika ichi patali apo. Ndipo—ndipo kuwerera umu mu Lemba ndipo imwe muwonenge sono, wonani, kale chomene pambere lufura lwa charu lukaŵa lundazikike.

²²² Sono, Baibolo likayowoya kuti Yesu Khristu wakaŵa Mwanamberere wa Chiuta. Sono tegherezgani mwatcheru chomene, mwantheura, usange wanyake ŵa imwe mwizenge chara namachero, kuti muzakachipulike ichi tikumalizga. Baibolo likayowoya kuti Yesu Khristu wakaŵa Mwanamberere wa Chiuta, wakakomeka kufuma ku mtendeko wa charu. Ndi unesko uwo? Kasi Iyo wakakomeka pauli? Kufuma ku mtendeko. Icho ndi charu, usange ichi chiri kupangika kufuma ku mulu wa tudikidiki twakuphwanyika, kutoreka kufuma kuchanya ku zuŵa, pambere likaŵa icho. Ntheura, pambere kakudanga kadikidiki kakaŵa kandatoreke kufuma ku zuŵa, usange iyi yikaŵa nyenyezi kufuma ku zuŵa, cheneicho chiwenge handiredi biliyoni tiliriyoni tiriliyoni tiriliyoni wa virimika kale chomene pambere kukaŵa nanga ndi kuŵara kumozza kwa nyenyezi, Khristu wakakomeka. Para lingaliro

limoza la Chiuta lakhazikika pa chinthu chimoza, ichi ndi chinthu chamalizgika. Para Chiuta wakati, “Kuŵeko,” ichi chamalizgika kale. Usange ichi chikatora virimika handiredi biliyoni kuti chifike pa kuwonekera, ichi chamalizgika kale para Iyo wayowoya waka ichi. “Ndipo para Mwanamberere wakati wakomeka kufuma ku mtendeko wa charu,” Baibolo lenelira, Mzimu weneula uwo ukalemba ukati, “Mazina ghithu ghakalembeka mu Buku la Mwanamberere Wamoyo pambere charu chikaŵa chindaŵeko.”

²²³ Mwantheura munthu uyo wakalemba sumu, “Kuli Zina Liphya Liri Kulembeka Mu Uchindami,” iwe ukaŵa na ving’anamuro viweme, kweni iyo wakaŵa m’malemba chara. Mukuwona? Zina lira likalembeka mu Uchindami para charu . . . kale pambere charu chikaŵa chindaŵeko. Para Mwanamberere wakakomeka, mazina ghithu ghakalembeka mu Buku la Mwanamberere Wamoyo.

²²⁴ Ndizomerezgeni—ndizomerezgeni ine ndimutorereni waka Lemba limoza lichoko. Kasi imwe mulindizgenge miniti yimoza pera? Ili lafika waka mu malingaliro ghane sono. Ine nkhughanaghana kuti ine ningamanya kujura ili. Ine nkhupanikizga makora chara. Ndipo sono ine nkhuphepiska kuti ine ndamusungani imwe nyengo yitali mwantheura, kweni ine nangumuphalirani imwe tingamanya kufika pakati pa usiku; tachedwa chomene viŵi chara. Kweni ine—ine nkhutemwa waka kuti—kuti nditore ichi, Lemba waka limoza ku icho.

Jurani pamoza nane sono ku Buku la Ŵaroma, ndipo ine nkhukhumba kuti imwe muŵazge ichi pamoza nane. Sono, tiyeni tiwone, Ŵaroma, usange ine ningalisanga ili, liri waka chapadera apa. Sono tiyeni tijure Ŵaroma 8, ndipo—ndipo tiyeni tiyambire vesi 28 la chipatulo 8 cha Ŵaroma. Ndipo ine nkhukhumba kuti imwe muŵazge ichi mwakuromba pamoza na ine sono. Tegherezgeni apa icho Chiuta wakayowoya waka sono.

Ndipo ise tikumanya kuti vinthu vyose vikuiŵachitira uweme iwo ŵeneawo ŵakumutemwa Chiuta, kwa iwo ŵeneawo . . . mbakuchemeka kwakulingana na chakulinga chake.

Pakuti iyo iyo wakamumanyirathu, . . .

²²⁵ Icho chikumupani imwe . . . Kasi imwe mungaŵazga pamoza nane? “Pakuti iyo . . .”

Pakuti iyo mweneuyo wakamumanyirathu, mweneuyoso wakamusankhirathu (viri makora) kuti waŵe wakulingana na chikozgo cha Mwana wake, mwakuti iyo wangamanya kuŵa wakudanga kubabika pakati pa ŵabale ŵanandi.

Nakwenenako mweneuyo iyo wakamusankhirathu, ŵeneawo iyo wakaiŵachema: ndipo mweneuyo

*iyoy wakachema, weneawoso iyoy wakawarunjiska:
ndipo mweneuyo iyoy wakarunjiska, weneawo iyoy
waka watuwiska.*

226 Kufuma ku mtendeko wa charu! Para Chiuta wakati wala wiska pasi. . . Sono, Chiuta ntha wakwendeska ofesi Yake, kuti, “Inya, sono, Ine ndichitenge. . . O, kasi ise tichitenge vichi sono?” Mukuwona? Kuliye chinyake. . .

227 Kumbukirani, kuchita uheni, kwananga, ndi chiweme chakutimbanizgika. Devulu wangalenga chara. Kasi waliyose, mose, mukupulikiska icho? Icho ndi Chisambizgo cha mpingo. Devulu wangalenga chara. Iyo wangamanya kutimbanizga icho Chiuta wali kulenga. Sono, kasi kutimbanizga ndi vichi? Munoy, mose mukuwoneka ngati walara, pafupifupi mwa wanandi. Tegherezgani ku ichi. Ise ndise wanthu wamunthengwa. Ndipo imwe wanarumi wakutora na imwe wanakazi wakutengwa mungamanya kukhala pamoza ngati mfumu na muwoli, ndipo wanakazi wara wakuyana waka umo iwo wali kuwirako. . . Iwo mbamwali, malinga iwe ukakhala na mfumu wako. Uwo mbunenesko. Sono, ilo ndi dango ndipo chakuzomerezgeka na dango, ndipo ichi chiri makora. Ndi chakukhozgeka na Chiuta kuti muchite nthaura. Mwanakazi munyake wangamanya kuchita chakuchitika chakuyana waka ngati icho wachita muwoli wako; yumoza wa iwo, iwe ndiwe murunji mu maso gha Chiuta; ndipo chakuchitika chenechira kwa mwanakazi munyake, iwe ndiwe wakususkika panthazi pa Chiuta, ku nyifwa. Kasi ichi ntchichi? Kuchita kuweme kwakutimbanizgika, wonani, kuchita kuweme kwakutimbanizgika. Sono, devulu wangalenga chara, kweni iyoy wakutimbanizga icho Chiuta wali kulenga kale.

228 Kasi boza ndi vichi? Ndi unesko wakutimbanizgika. Munyake wakati, “O, wonani, pakawa pa Chisulo usiku, nayini koloko, inya, Bill Branham wakawa mu Jeffersonville,” unesko. “Kusika pa malo ghakumwera mo wa gha Antz, wakalowera,” boza. Kasi ichi chikawa chivichi? Ine nkha wa mu Jeffersonville. Uwo mbunenesko. Uka wa urunji kutimbanizgikira ku boza. Mukuwona icho ine nkhung’anamura? Wonani, boza likutimbanizga unesko. Ndi chinyake kuyowoya uko ine nkha wa. Sono, usange ichi chikati, “Pa tchalitchi, nkapharazganga,” mbunenesko. Uwo ndi urunji. Iyo wakaphara unesko. “Pa nyumba yakumwerapo mo wa, kumwanga,” boza. Kutimbanizgika; wonani, unesko kutimbanizgika. Mukuwona icho ine nkhung’anamura? Uheni wose ndi uweme wakutimbanizgika.

229 Nyifwa, kasi iyi ntchichi? Umoyo, wakutimbanizgika. Urwari? Umoyo uweme, wakutimbanizgika. Iwe ukwenera ku wa muweme, mwanarumi wankhongono. Viri makora. Usange iwe ndiwe murwari, kasi ichi ntchichi? Umoyo wako uweme watimbanizgika. Mukuwona? Ndicho chekha chiriko ku ichi.

Kasi ichi ntchichi? Imwe kale mukaŵa ŵanichi, ŵanakazi ŵakutowa; ndipo ŵankhongono, ŵanarumi ŵakutowa. Sono imwe mukuchita mankhwanda, mukuchekura. Kasi ichi ntchichi? Umoyo, wakutimbanizgika, wonani, kuwererangaso kumanyuma. Mukuwona? Ndipo uwu ukwenera kuti uwerereso kumanyuma. Litumbikike Zina la Fumu! Chiuta wali kulayizga kuti wawezgereskenge. Ndipo mwakusimikizga waka umo uwu—umo uwu uliriko (ise tikumanya ichi chiri apa), mwantheura mwakusimikizga waka umo uwu uliriko, Chiuta wazamkuwuskaso uwu. Iyo wakalayizga ndipo wali kulapa kuti Iyo wazamuchita ichi. Icho ndicho chikupereka ichi.

²³⁰ Sono, uli, kasi ise tikwenera kuŵa ŵanthu ŵa mtundu uli? Sono wonani umo vinthu ivi vikuchitikira. Sono, iwo ŵeneawo Iyo wakaŵamanyirathu, Iyo wakaŵachema; iwo ŵeneawo Iyo wakachema, Iyo wakaŵarunjiska ŵara. Pauli? Pambere charu chikaŵa chindaŵeko, pambere charu chikaŵa chindayambe. Sono, usange ise tingatora Lemba ili na kusanthula ichi, ise tingamanya kutora maora pa ichi, kweni ise—ise tikukhumba chara kuchita icho. Kweni uheni wose uwi apa, ndi kuchita kuweme kutimbanizgikira ku uheni. Icho ndicho devulu wakuchita.

Sono, para imwe mwafika pa msinkhu wakuti mukumanya, ndipo imwe mukumanya icho ntchiheni na chiweme, imwe mukwenera kuti mufumeko ku kwananga kwinu. Chifukwa, imwe mukababikira mu kwananga, mukakulira mu kwananga, mukiza ku charu mukuyowoya mautesi. Mwantheura imwe ndimwe—imwe mukababikira mu chilakolako cha kugonana, ndipo mwantheura imwe mukwenera kuti mubabikeso, mwakuti imwe mupokere Kubabika kuphya, kuti mukanjire Kuchanya. Chifukwa, kubabika kwa mtundu uwu uko imwe muli nako apa . . .

²³¹ Mukuwona uko wa Jehova Witness wangamanya kuŵa wakutondeka chomene uko, kughanaghana kuti Kubabika kuphya ndi chiwuka cha thupi? Imwe wonani, ichi chingaŵa ntheura chara. Mukuwona? Ichi chikwenera kuŵa chinyake . . .

²³² Imwe, imwe muli mu chigaŵa cha nyengo. Ndipo chinthu chekha pera icho ndi cha Muyaya ndi chinyake icho chikaŵavye chiyambi panji umaliro. Chirichose cha Muyaya chikaŵavye chiyambi, panji ichi chizamkuŵa na umaliro chara. Mukuwona? Mwantheura usange imwe ndimwe gawo la Chiuta, Mzimu uwo uli mwa imwe ukaŵa na chiyambi chara panji uwu uzamkuŵa na umaliro chara, ndipo imwe ndimwe wa Muyaya na Mzimu uwo uli mwa imwe. Mukuwona? Ngati—a—chitemwa cha *Agapao*, pamanyuma ichi chikwiza ku chitemwa cha *fileo*, ndipo pamanyuma kukhilira ku chitemwa cha udokezi. Ichi chikurutilira waka kukhilanga na kurutilira kukhira, kurutilira kutimbanizgikanga mpaka ichi chikufika ku kusakanikirana ku nthimbanizgo yimoza. Inya, nthowa yimoza pera, Yesu wakizira

mu nthowa yenyera, pasi pano kuti wazakanyamule na kutora kuwereraso ku mtundu wapachanya, kufuma ku mtundu wapasi chomene; kufuma ku nyifwa kufika ku Umoyo, kufuma ku urwari kufika ku umoyo uweme, kufuma ku uheni kufika ku uweme. Mukuwona? Iyo wakiza kufuma ku Wapachanya chomene kufika pasi nkhanira, mwakuti Iyo wangamanya kutorera chapasi chomene kufika ku Chapachanya nkhanira. Iyo wakazgoka ine mwakuti ine panji, kwizira mu wezi Wake, ningazgoka kuwa Iyo, muhaliri wa Chizumbe mu Uchindami. Mukuwona icho ine nkhang'anamura? Vinthu ivyo.

Sono wonani. Kale chomene pambere charu ichi chikaŵa chindayambeko mu tudikidiki tura kumanyuma kula, para Chiuta wakati wawona icho chizamuchitika, nkhanira kwenekula Iyo wakamuwonani imwe, Iyo wakandiwona ine, Iyo wakayiwona mphanthi yiriyose, chibenene chirichose, chule waliyose, kamuchenjezi waliyose. Chirichose icho chikamanya kuzakaŵapo pa charu chapasi, Iyo wakachiwonerathu ichi. Nadi, Iyo wakachita.

²³³ Sono, Iyo ntha wakati, “Ine nditumenge Mwana Wane pasi na kuzomerezga Iyo wafwe, ndipo pakunji munyake wamuchitenge chitima Iyo. Ndipo yizamkuŵa nkhanu ya chitima chomene, mzire pakunji munyake wangaponoskeka.”

²³⁴ Iyo wakamumanyirathu uyo wazamuponoskeka! Inya, bwana. Iyo wakati, “Esau, Ine ndamutinkha ndipo Jacob Ine ndamutemwa,” pambere yumoza wa iwo wakaŵa na mwaŵi wakusimikizgira icho iwo ŵakaŵa, chifukwa Iyo wakamanya icho iwo ŵakaŵa. Iyo wakamanya. Iyo wakumanya chirichose. Iyo wakamanya icho imwe muzamuchita, pambere imwe mukaŵa mundababike, panji apo charu chikayambanga.

²³⁵ Sono wonani. Umo imwe mukumanyira, ine—ine—ine ndine chiŵinda. Ine—ine nkhutemwa futi. Ndipo mwanakazi munyake mu Texas, ine nkugomezga ndi Texas, wakandiyeghera ine Swift, thu-twente Swift. Ine nyengo zose nkhaiyikhumbanga yira. Ine nkhuikhumba kuti ndiyiwone iyi. Ndi futi yichoko yankhongono chomene yakulasira. Nja vipolopolo twente-thu, vipolopolo vyamasawa fote-eyiti. Ndipo imwe mungamanya kuponya na woko. Sono, fakitare yikuti, “Kuchita chara ichi; pali urwani ukuru chomene.” Kweni imwe mungamanya kuponya na woko chipolopolo chira kufika mafiti fayi sauzandi pa sekondi, kweni ndipouli kuyikhozga iyi mu malo ghake. Mafiti fayivi sauzandi pa sekondi, icho ndi mtunda umoza pa sekondi. Mu mazgu ghanyake, chabaŵi wangaŵa pa mtunda wa, mayadi thu handiredi. Iwe ukulasa chabaŵi, ukuwona mahungwa ghakuchupuka pambere futi yindakugwedezge iwe. Mukuwona? Kutu, kweni imwe mutore aka, kachiduswa kakupapatala kakupokonyolera mu mino, na kusazga mu wonga winu, na kuthira unandi *wantheura* mwenemula, wakukwanira waka wakuti imwe mungamanya kuŵika pa

kakupokonyolera mu mino; ndipo imwe mulasire nguluwê yakhala ku umaliro wa nyumba iyi uku, iyo yikukhala waka na kukulaŵiska iwe. Kasi chachitika ndi vichi? Chipolopolo chikuphulika, ichi chikuyenda mwaluŵiro chomene. Ndipo—ndipo imwe mungamanya kuŵika chakutchinga pakatikati kuno na uko, ndipo imwe muwonenge chara nanga ndi kachiduswa kamoza kakumbotoka pa chakutchinga. Ichi chikuzgoka waka; ntha ku—ku vyoto, vyoto vya fuvu, kweni ichi chikuzgoka kuruska icho. Ichi chikuwerera ku ma asidi gha pakudanga agho ghakupanga copper na lead ivyo viri mwenemula. Ichi chikuzgokaso ngati ndiumo chikaŵira virimika handiredi biliyoni kale. Sono, apa pali kachipolopolo kachoko, masawa fote-eyiti gha chipolopolo agho ine ndakolera mu woko lane, ndipo kanyengo kachoko panthazi ichi chikuzgoka kuŵa umo chikaŵira virimika handiredi miliyoni kale. Ndipo usange charu chingakhala virimika vinyake handiredi miliyoni, ichi chingamanya kuwereraso ku chipolopolo, chingamanya kuzgokaso umo chikaŵira, pakuti ichi chizamkuzgokaso copper.

²³⁶ Sono wonani icho Chiuta wakachita, ndipo pamanyuma imwe mumutemwenge Iyo. Pamanyuma imwe murutenge kunyumba, ndipo mlenji imwe mukugona mwakuchedwa pachoko. Ndipo—ndipo imwe—mumutemwenge Iyo kuruska kale. Sono, Chiuta ndi Kontirakitara. Kasi mbalinga ŵakumanya icho? Iyo ndi Wakuzenga. Viri makora. Tegherezgani mwatcheru chomene. Sono, Chiuta kale chomene, panji, iwo ŵakuti... Sono ise titorenge fundo ya nondomoko ya vyakuchitika ya ichi. Chiuta, virimika handiredi biliyoni kale, para Iyo wakati wapangenge charu, inya, Iyo wakayamba. Sono, Iyo wakaŵa na... Iyo wakaŵa na fundo mu malingaliro Ghake.

²³⁷ Sono imwe muyowoyenge kuti, “Usange Iyo ndi mukuru nthaura, M’bale Branham, kasi Iyo wakamuzomerezga uli devulu kuti wachite kwananga?” Inya, Iyo wakamanya, pambere devulu wakaŵa wandalengeke, kuti iyo wazamkuŵa devulu. Uchindami! Sono ine nkhopulika usopisopi. O, mwe! Iyo wakamanya, pambere devulu wakaŵa wandalengeke, kuti iyo wazamkuŵa devulu. Sono imwe mukufumba, “Kasi mukuti vichi za icho?” Imwe mukuti, “Ntchifukwa uli Iyo wakamuzomerezga iyo kuŵa devulu?” Mwakuti Iyo wangamanya kusimikizgika kuti ndi Chiuta. Ndicho chifukwa Iyo wakachita ichi. “Ntchifukwa uli kukaŵako kuchita uheni? Chifukwa?”

²³⁸ Kasi chakudanga chikaŵa chivichi, Muponoski panji wakwananga? Chakudanga chikaŵa chivichi? Muponoski. Kasi chakudanga chikaŵa chivichi, Muchiriski panji munthu murwari? Ntchifukwa uli kukazomerezgeka kuti wakwananga waŵeko? Chifukwa maukhaliro gha Iyo ndi Muponoski. Usange wakaŵako chara wakwananga, Iyo nthena wakamanyikwa

chara ngati Muponoski. Haleluya! Iyo wangamanya kupanga vinthu vyose vimalire ku Uchindami Wake. “Kasi muwumbi wangamanya kuyowoya ku . . . Panji, kasi chiwiya chingamanya kuyowoya kwa muwumbi, ‘Iwe ukandipanga ine mwantheura?’” Ndinjani wali pa sigiro? Ndinjani wali na dongo? Kasi liri mu woko la njani? Paulos wakati, “O, munthu muzereza, kasi Iyo wakayowoya chara kuti wakalenga Faro pa chakulinga cheneichi?” Nadi. Iyo wakamanya ichi. Pambere charu chindaŵeko, Iyo wakamanya kasi ichi chizamkuŵa vichi. Ndipo Iyo wakazomerezga kwananga kuŵeko, mwakuti Iyo wangamanya kuŵa Muponoski. Iyo wakazomerezga uŵeko urwari, mwakuti Iyo wangamanya kuŵa Muchiriski. Iyo wakazomerezga kuŵeko kutinkhana, mwakuti Iyo wangamanya kuŵa Chitemwa. Nadi, Iyo wakachita. Iyo ndi Chiuta, ndipo agho ndi maukhaliro Ghake. Ndipo Iyo wakwenera kuŵa na chinyake chakuti wawoneskerepo maukhaliro Ghake.

²³⁹ Kasi imwe nthena mukamanya uli kuti ukaŵako usiku, kasi imwe nthena mukamanya uli chikaŵako chinyake? Usange kukaŵenge muhanya pera, kasi imwe nthena mukamanya uli kuti ukaŵako usiku? Uli kuti usiku, mwakuti ungamanya kusimikizgira kuti uliko muhanya. Nadi, uliko. Amen. Imwe mukuwona icho Iyo wakachita?

²⁴⁰ Kweni para Iyo wakaŵa kula kale, pambere charu chikaŵa chindaŵeko, pambere Iyo wakaŵa wandalitore zuŵa lakale ili ndipo Iyo wakaliyendeska ili kuzingilira nyenyezi yakale iyi penepapo ise tikukhala sono, charu chapasi ichi, ndipo Iyo wakachiwumba ichi kudera uku kufupi na zuŵa, ndipo wakachinozga ichi kuzingilira zuŵa. Kutu, *apa* pali zuŵa. Iyo wakachiwumba ichi kulwandi *ili*, ndipo wakachileka icho chilendere kula pa virimika handiredi biliyoni. Kasi Iyo wakapanganga vichi? Mphepo zinyake. Iyo wakayenda kuzingilira kudera *uku*, Iyo wakapanga chinthu chinyake. Kasi Iyo wakapanganga vichi kula? Michere yinyake. Iyo wakayenda kuzingilira kudera *uku*, ndipo kasi Iyo wakachitanga vichi uku? Wakapanganga dongo linyake. Kasi Iyo wakachitanga vichi? Iyo wakapanganga imwe na ine. Kasi Iyo wakachitanga vichi? Ngati ndiumo kontrakitara wakanozga zake za ziŵiri-na-zinayi na zake za ziŵiri-na-eyiti, malata ghake, mathabwa ghake, iyo wakamanya kasi ndi nyumba zilinga iyo wazengenge. Ndipo ise tiri kupangika ku vinthu sikisitini vya dongo, ndipo Iyo wakapanganga ise tose, na kutiŵika ise kula pambere charu chikaŵa chindaŵeko. Ndipo Iyo . . . Panji chikaŵa chakusoloroka waka nyengo yira; ine nkhumanya chara kasi chikaŵa chivichi. Kasi Iyo wakapanganga golide, na copper, na mkuŵa, na maji, na vinthu vyose kuti nvyachi? Iyo ndi Kontirakitara. Iyo panji . . . Wakuzenga, Iyo wakanozgeranga chirichose kudera kula, wakaŵa na chirichose chakudumurika ndipo wakachiwumba. Para Iyo wakati wapanga chose ichi,

chikaŵa waka kuphulika kukuru kwa chibala chafuma pasi pa dongo. Iyo wakazomerezga vyakuphulika vyakale vyose vira vikhomere kuchanya kula pa virimika handiredi miliyoni, kuti vipange michere yinyake. Kasi ichi ntchichi? Ndi gawo la imwe.

²⁴¹ Ndipo pamanyuma, pambere kandaŵeko kachiduswa kamoza ka umoyo pa charu ichi chapasi, mathupi ghithu ghakaŵa chigonere uku. Haleluya! Pambere dontho limoza la chinyezi likaŵa lindafike pa charu chapasi, ise tikaŵa chigonere apa. Para Adam wakati wayenda kukwera-nakuhira mu munda wa Eden, ine nkhaŵa chigonere apa. Amen. Inya, bwana. O, uchindami! Para Wakerubi, nyenyezi za mlenji zikayimbira pamoza, ndipo ŵana ŵa Chiuta ŵakachemerezga mu chimwemwe, ine nkhaŵa chigonere apa kulindizganga waka mvuchi wa umoyo kuti ufike. Ine nkhaŵa apa. Iyo wakandipanga ine apa, nkhaŵa na thupi lane chigonere apa. Inya, bwana. Usange chikaŵako chara, kasi ichi nthena chikafumirankhu? Nhu? Kasi ichi chikafika uli apa? Chiuta wakaŵa nacho ichi chigonere umu. Chiuta wakapanga ichi. Ise tiri kupangika kufuma ku viduswa sikisitini: mafuta, vyoto, na kuŵara kose kwa m'mlengalenga, na vinyake vinandi. Wonani, ise tikaŵa chigonere apa.

²⁴² Pamanyuma kasi kukachitika vichi? Pamanyuma Chiuta wakayowoya kwa Mzimu Mutuŵa, ise titorenge waka mtundu wa kawonekero, “Sono Iwe udangireko, ndipo Iwe ruta ukakorane ubwezi na charu chira. Pakuti, Ine ndine kutemwa, ndipo Iwe ndiwe wakupangika kufuma kwa Ine, ntheura sono Iwe ruta ukakorane ubwezi na charu.” Ndipo Mzimu Mutuŵa ukuru, ise tikughanaghana, wakiza kudera kula; mu chithuzithuzi waka sono. Chikaŵa ntheura chara. Nkhumanya, Mzimu Mutuŵa na Chiuta ndi chakulinga chenechira chimoza, chakulinga chenechira chimoza, Munthu. Mundigowokere ine. Ndipo tiyowoye waka kuti Iyo wakaponya mapapindo Ghake kukumbatira charu, Iyo wakayamba kufukatira. Kasi kufukatira kula ndi vichi? Ngati nkhu ku ŵana ŵake, kuguskanga, kupanganga ubwezi, “Gu, gu, gu.” O!

²⁴³ “O umoyo, uka!” Iyo wakachemerezga. Iyo wakalaŵiska zingirizge. “Ine nkhu kumba kutowa pa charu ichi. Uka, kuŵara!” Mzimu Mutuŵa kuyendanga. Ndipo para Iyo wakati wachita, Ine nkhalawiska; ukwiza, kuli kupopoma kusika kwa phiri uko, kula kukiza michere kukhiliranga musi, ndipo yikusazgikana na vyoto. Kasi ichi chikupangika kuŵa vichi? “Umoyo, uka!” Ndipo luŵa lichoko la Isitara likanyamuska mutu wake kufuma kusi kwa jarawe. “Zaninge kuno, Adada, laŵiskani pa icho.”

²⁴⁴ “Icho chikuwoneka chiweme. Kurutirira waka kufukatiranga.” Iyo wakapanga maluŵa. Iyo wakamezga vyakumera vyose. Iyo wakapanga umoyo wa vinyama. Viyuni vikawuruka kufuma ku dongo. Pakati pajumpha kanyengo,

kukiza mwanarumi na mwanakazi; wakiza mwanarumi, ndipo mwanarumi wakaŵa vyose mwanarumi na mwanakazi. Ntha wawiŵaro mitundu paŵiri, sono. Mbweni, wakaŵa waka mwa iyo, mukaŵa mzimu wa mwanakazi.

²⁴⁵ Para imwe mwatora mwanarumi uyo wakuwoneka mwauchanakazi chomene, iyo wangamanya kuŵa makora waka, wakuyima makora waka, kweni pali chinyake chakwanangika. Ndipo para imwe mwatora mwanakazi, wakukhumba kudumura sisi lake na kuvwara ovololo, na kuruta kuwaro uko, ndipo, “Watumbikike Chiuta, ine ndimuphalireninge imwe!” Chiripo chinyake chakwanangika. Mwanakazi wali na mzimu wa chanakazi, ndipo mwanarumi ndi mwanarumi. Ise tikumanya icho. Ndipo imwe mukumanya icho. Kasi mwanakazi wakuwoneka makora, wakuyezga kuŵa, kuchita ngati mwanarumi?

²⁴⁶ Chifukwa, ine nkakhala nyengo yimoza, ine nkhaŵa mlonda wa vinyama kuno, ndipo ine nkhwera basi ndipo nkharuta kumtunda kula ndipo nkhatimba mwanakazi yura pa rundi, na woko lane, kuyowoyanga kwa iyo, ndipo ine nkhamanya chara kuti wakaŵa mwanakazi. Iyo wakavwara chimoza cha vipewa vya ŵakuwotchelera, na magalasi ghakuru gha maso ngati *ntheura*, ndipo ine nkakhala nkhanira kumanyuma kula, ndipo iyo wakaphaliranga munyake za chinyake icho chikachitika. Iyo wakati, “Iwe ukumanya,” ndipo iyo wakati, “ndipo usiku wamara,” wamawonekero waka ghakofya umo iyo wakamanya kuŵira, wakakhweŵanga ndudu. Iyo wakati, “Usiku wamara, ine nkhumuphalirani imwe, munthu yura wakavurako chira, pachanya pa chinthu chira. Iyo wakati, ‘Mwe!’ Iyo wakiza wafumiskako kula.” Wakati, “Ine ndiri kusekapo chara mwantheura mu umoyo wane.”

²⁴⁷ Ndipo ine nkhasekanga, imwe mukumanya, ngati *ntheura*. [M’bale Branham wakupanga chiwawa cha kukuŵa mawoko—Munozgi.] Ine nkhati, “Mnyamata, yura wakaŵa yumoza, wakaŵa chara?” Chikhalire kula kuyowoya ngati *ntheura*. Ndipo usange iyo wakavurengeko chara chira na kupukunya mutu wake, ndipo iyo wakaŵa na chikolopa kula, kuti iyo wakaŵa mwanakazi. Ine nkhaŵa nindapulikepo kuyuyurika kwantheura mu umoyo wane. Ine—ine nkhati, “Kasi iwe ndiwe mwanakazi?”

Iyo wakati, “Chifukwa, nadi!”

²⁴⁸ Ine nkhati, “Undigowokere ine.” Ine ndiri kuchiwonapo chara chantheura. Sono, icho, uwo ndi unenesko.

²⁴⁹ Ine nkawona chimanyikwiro zuŵa linyake, chikaŵa ngati chikandichenuska ine. Chikaŵa na chimanyikwiro chikuru pachanya, chikati, “Madona ghanozgeka kuvwara malaya.” Ine nkhanghanaghana, “Warumbike Chiuta pa icho.” Mukuwona? Kweni, nkhati ndafufuza, ukaŵa waka mtundu

unyake wa malaya agho iwo wakaŵa kuti wakapanga kale, imwe mukumanya. Ine—ine nkhaghanaghana kuti iwo wavwarenge nadi. Ine nadi nkhachita. Chikati, “Madona ngakunozgeka kuvwara malaya.” Ine nkhati, “Warumbike Chiuta chifukwa cha iwo. Icho ntchiweme. Icho, ine nkhumuwonga nadi Chiuta pa icho.” Kweni, wonani, ukaŵa waka mtundu unyake wa malaya agho iwo wakaŵa kuti wakapanga kale, unyake. Chikayenera kuŵa chinyake chakusekeska, chikaŵa ntheura chara ichi, mu charu ichi? Viri makora.

²⁵⁰ Pamanyuma para Adam wakati wawoneka. Ndipo pamanyuma Adam wakawoneka waphukwa, mwantheura Iyo wakatora mbambo kufuma ku lwandi lwake ndipo wakapanga Eva, wakupangika kufuma ku mwanarumi. Iyo wakapanga. . . Iyo wakatora mzimu wa chanakazi mwa Adam, ndipo wakaŵika uwu mu mwanakazi, mzimu wa kutemwa, wachanakazi, wachisungusungu, wakufwasa. Ndipo Iyo wakalekamo mzimu wa chanarumi mwa Adam. Sono, usange chiriko chinyake chakulekana, pali nthimbanizgo pamalo ghanayake. Sono, ndipo pamanyuma wawiri wakaŵa yumoza.

²⁵¹ Ndipo ntheura tiyeni titore waka seŵero lichoko pambere ise tindajare. Apa wakwiza. . . Apa, ndi Adam wakumukora Eva pa woko ndipo iwo wakwenda wakuruta. Ine nkhuitemwa waka nkhani iyi. Ndipo iwo wakaruta kukayendapo, imwe mukumanya. Ndipo Eva wakati, “O, wakutemweka, iwe ukung’anamura kuti uli kuchita?”

“Inya, ine nkhachithya chira.”

“Kweni kasi iwe ukuchichema vichi icho?”

“Icho chikuchemeka hachi. U-nhu.”

“Kasi icho ntchichi?”

“Yira ndi ng’ombe. U-nhu.”

“Iwe ukachithya chira?”

“Inya. U-nhu.”

²⁵² “Kasi uto ukutuchema vichi kula, uto twakhala kula na mitu yawo pamoza?”

“Uto ndi tuyuni twakutemwana.”

²⁵³ “O, ine napulikiska. Ine napulikiska.” Ndipo wakarutirira ngati ntheura. “Ndipo kasi ntchichi ichi kudera uku?”

“Ine nkhuchema icho, *kuti*, ndipo ichi apa.”

²⁵⁴ Ndipo, “O, ine nkhopulikiska. U-nhu. Icho ntchiweme.” Ndipo nk Haramu yikubangura. “Kasi iwe ukuchema vichi icho?”

“Iyo ndi nk Haramu.”

“Kasi *ichi* ntchichi?”

“Tiger.”

255 Ndipo, o, ngati. . . “O, ine nkhopulikiska.” Kuyana waka na wana wachona, imwe mukumanya, na kumyauranga palipose.

256 Mwantheura, pakati pajumpha kanyengo, iyo wakulaŵiska zingirizge. Iyo wakati, “Wakutemweka, laŵiska kula, zuwa likunjira. Ndi nyengo yakuti tirutenge ku tchalitchi.”

Imwe mukumanya, pakuwa waka chinthu chinyake para zuwa likunjira, imwe mukukhumba kusopa. Usange imwe mwaruta chara ku tchalitchi usiku ula, imwe mukutemwa kunjira mu chipinda, kuwazga Baibolo. Kasi mbalinga wakutemwa kuchita icho, kuruta kwawekha? Mukuwona? Chiri waka mwa munthu kuchita icho. Imwe mukwenera kuti muchitenge icho.

“Nyengo yakuti tirutenge ku tchalitchi.”

257 Sono, iwo nthā wakati, “Sono, lindizga miniti pera sono, sono, Jones ndi wa Assemblies, ndipo ise ndise wa. . .” Chara, chikaŵa chinyake ngati icho chara kale, nthēura iwo wakaruta waka. Iwo wakaŵavaye tchalitchi, mpando uweme wakuti wakhalepo ngati nthēura. Iwo wakaruta waka kusi kwa mufwiri ukuru wa makuni, ndipo wakagwada pasi.

258 Ndipo Laŵi lira likalendera kula mu makuni. Mukuwona? Ine nkhumanya kupulika Lizgu likuyowoya na kuti, “Kasi wana Wane wakondwera pa charu chapasi, muhanyauno, icho Fumu Chiuta winu wapereka kwa imwe?”

259 “Inya, Fumu, ise takondwa muhanyauno.” “Tachita chara ise, wakutemweka?”

260 “Inya. Inya, wakutemweka, ise takondwa.” “Fumu, ise tikumuwongani chomene Imwe. Sono ine nkhuḡona pasi kuti ndigone.” Mukuwona? Ndipo iyo wakunyoroska woko lake likuru, ndipo chanakazi chikugona pasi, pa woko lake, ndipo iyo wakumugoneka pasi tiger na nk Haramu pasi, na chirichose pasi kuti vigone; mwamtende weneko.

261 Mwantheura Chiuta wakukhira pasi ndipo wakatuma pasi, o, gulu la Wangelo, Gabriel, chilengiwa Chake cha Kuchanya. Mwantheura iwo wakukhira pasi ndipo wakuyenda mwakunyatirira mwakuphweka chomene kunjira mu chipinda, wonani, kulaŵiska palipose. Gabriel wakati, “Zaninge kuno, Wadada. Zaninge kuno. Laŵiskani kuno. Uyu wali apa. Apa, apa pagona wana Winu wagona apa.”

262 Kasi mbalinga muno wali kurutako kulwandi kwa bedi, wani wa imwe wamama, imwe na dada pamoza, ndipo mukalaŵiska pa mnyamata muchoko, msungwana muchoko, ndipo imwe mukukumbuskana waka yumoza na munyake, “Wakuwoneka chara—kasi iyo wakuwoneka ngati iwe chara, kudera *uku* na kudera *uko*?” Kasi imwe mukachitapo icho? Chifukwa, nyengo zinandi ine nk Huruta ndipo nkhuwoyoya kwa

Meda, kuyowoya za Joseph. Iyo wayowoyenge, “Bill, iyo wali na chisko chitali ngati iwe.”

²⁶³ “Inya. Kweni, Meda, iyo wali na maso ghakuru ngati ghako.” Chifukwa? Iyo ndi gawo la chaku-...Iyo ndi wakubabika kufuma kwithu—kukhalira pamoza kwithu.

²⁶⁴ Sono, ndipo Dada wakayowoya, wangamanya kuyowoya ichi za ichi. Wakati, “Iwe ukumanya...” Ndipo Gabriel wakati, “Imwe mukumanya, iyo wakuwoneka ngati Imwe.” Umo ndimo Chiuta wakuwonekera; jilaŵiskeni mwaŵene. Umo ndimo Chiuta wakuwonekera. Iyo wakuwoneka ngati iwe. Iwe ndiwe mwana Wake. Kasi mbalinga ŵakumanya icho? Mukuwona?

²⁶⁵ Sono wonani. Kasi mtundu wapasi chomene wa umoyo ise tiri nawo ndi vichi? Chule. Kasi mtundu wapachanya chomene wa umoyo ndi vichi? Munthu. Nadi. Ndipo kasi mtundu wapachanya chomene ndi vichi? Uwu ukurutirira waka kwizanga kufuma ku wapasi chomene, kukweranga muchanya, kufuma ku chule kufika ku *ichi* na ku *icho*, na kufika ku kayuni, mpaka, vinyake nthaura, mu mitundu yapachanya ya umoyo, mpaka ukafika ku mtundu wapachanya chomene uwo ukamanya kufikako, mwantheura uwu ukapangika mu chikozgo cha Chiuta. Apo imwe muli. Ndipo mwanakazi wakapangika mu chikozgo cha Chiuta chara, kweni mu chikozgo cha mwanarumi. Mukuwona?

Sono, sono, iwo ŵali apo. Ndipo Chiuta wakuŵalaŵiska iwo, wakati, “Inya, iwo ŵakuwoneka—iwo ŵakuwoneka ŵakutowa.”

²⁶⁶ Kasi chira chikaŵa chivichi, m’bale? Iwo ŵakayenera kuti ŵafwenge chara. Ula ukaŵa waka mchere wakudanga wakuzura woko, vyoto vyakudanga, ndipo chirichose chikayambika ngati nthaura. Kasi ntchakutowa chara ichi? Kweni kwananga kukiza ndipo kukananga chithuzithuzi. Sono, kasi Chiuta...Kasi Chiuta wakazomerezga ichi kuti chichite vichi? Ntchifukwa uli Iyo wakazomerezga ichi kuti chiŵeko ngati ndiumo ise tayowoyeranga kanyengo kachoko kajumpha? Iyo wakazomerezga ichi mwakuti Iyo wangamanya kusimikizgira kuti Iyo wakaŵa Muponoski. Iyo wakachita ichi. Iyo wakazomerezga urwari uchitike, mwakuti Iyo wangamanya kusimikizgira kuti Iyo wakaŵa Muchiriski. Iyo wakazomerezga nyifwa yichitike, kuti wasimikizgire kuti Iyo wakaŵa Umoyo. Mukuwona? Iyo wakazomerezga vinthu viheni vyose ivi vichitike, kuti wasimikizgire kuti Iyo wakaŵa muweme, icho Iyo wakaŵa. Ise. . .

²⁶⁷ Imwe mukuyowoya za kwimbanda nkhani ya uwombozi! Chifukwa, m’bale, para Yesu wakwiza, uwu—Mpingo uwu uzamuyimirira m’mphepete mwa charu ichi na kwimba nkhani za uwombozi, apo Ŵangelo ŵazamusindamiska mitu yawo, kwambura kumanya icho ise tikuyowoya. Inya, iwo ŵakatayika chara. Iwo ŵakumanya chara icho ise tiri kujumphamo.

Ise tikumanya icho chikung'anamura kuwa wakatayika na wakusangika. O, tiyeni tichemerezge uweme Wake! Iyo ndi Muponoski chara kwa iwo. Iwo wakasoŵekanga kuponoskeka kulikose chara. Iyo wakaŵa Muchiriski chara kwa iwo. Chara. Uchindami! [M'bale Branham wakukuwa mawoko ghake kankhonde—Munozgi.] Iyo nthā—Iyo ndi Umoyo chara kwa iwo. Chara nadi. Iwo wakafwira mu kwananga na majuvyo chara. Ise tikaŵa, ndipo ise tiri kuzgoka ŵamoyo. Apo ise tiri. Kasi ise tiyowoyenge vichi, na mphumphu zithu tavana, “O, iwe ndiwe Rev. *Wakuti-na-wakuti*”? Chara, chara, chara, chara, chara. Uchindami wose kwa Iyo! Ndicho ichi. Apo imwe muli. Pamanyuma ise tiyowoyenge nkhani umo ise tikatondera. Ise tizamkupulikiska ichi makora pachoko na pachoko.

²⁶⁸ Pamanyuma, pamanyuma mwenemula kula, pamanyuma kasi kukachitika vichi? Kasi Chiuta wakayowoya waka pamanyuma kuti, “Inya, Ine panyake ndiparanye waka vyoto Vyane vyose na michere. Chose ichi chanangika”? Chara, chara. Iyo wakamanya kuti ichi chizamkuwa mwantheura umo.

Sono, sono, usange Mzimu Mutuwa wakandipanga ine icho ine ndiri, ndipo ine nkhubya chakurya ndipo chikunjira mu thupi lane, ndipo nkhubura kufika ku icho ine ndiri sono. Sono, kweni, ine nkhubangika mu kawonekero. Chithuzithuzi chirichose icho Chiuta wakawona, pambere charu chikaŵa chindaŵeko, chakhwima, chikuwonekera. Mukuwona? Ichi chikababika kufuma ku mwanakazi, umo Iyo wakayowoyera ndimo chizamkuwira; nyengo yapanthazi, ichi chikubabika kufuma kwa Chiuta. Ichi chikiza nyengo yira, kwizira mu mwanakazi; ichi chikwiza nyengo iyi, kwizira mu Mwanarumi. Mukuwona? Chikiza nyengo yira, mu chilakolako cha kugonana; ichi chikwiza nyengo iyi na Mazgu ghakuyowoyeka gha Chiuta. Mukuwona?

²⁶⁹ Kula, sono, kasi chinyake chingamanya kundipweteka ine? Chara, bwana. Kulije chirichose chingamanya kutipweteka ise. Paulos wakati, “Nanga ndi vinthu vyasono, vinthu ivyo vizenge, urwari, nyifwa; paliye chingamanya kutipatula ise ku chitemwa cha Chiuta icho chiri mwa Khristu.” Kulije chinthu chingamanya kutipatula ise.

²⁷⁰ Umo ine ndiri kuyowoyera nkhani yichoko. Ine ndakhala waka pafupifupi na sisi linkhonde kuti ndiwe na mutu wa chipala, wose. Ndipo ine nkhasakulanga lichoko lira kuno nyengo yinyake kale, muwoli wane wakati, “Billy, iwe pafupifupi uli na chipala.”

Ine nkhati, “Kweni ine ndiri kutayapo limoza chara la ilo.”

Iyo wakati, “Kasi lirinkhu?”

²⁷¹ Ine nkhati, “Kasi ilo likaŵankhu pambere ine nkhaŵa nindalisange ilo?” Mukuwona? “Kulikose uko ili likaŵa pambere ine nkhaŵa nindaŵe nalo ili.”

Sono, yikaŵako nyengo yimoza, virimika handiredi vyajumpha, sisi ili likaŵako chara kuno munthowa yiriyose, kweni likaŵa kuwaro uku mu dongo. Ndi unenesko uwo? Mwantheura pakunji virimika fifite vyajumpha, izi zikayamba kumera pa mutu wane. Izi zikafumirankhu? Kufuma ku dongo. Ndipo sono izi zikuwerera uko izi zikaŵa. Ndi unenesko uwo? Izi zikaŵako chara, pamanyuma zikaŵako, ndipo sono izi kulije. Kasi ichi ntchichi? Ntchichi chikapanga icho izi ziri? Chiuta! Apo Iyo wali. Iyo wakajambura chithuzithuzi, wakati, “Umo ndimo Ine nkhumukhumbira iyo.”

²⁷² “O nyifwa, kasi liwozga lako lirinkhu? Dindi, kasi kutonda kwako kulinkhu?” Imwe panyake muzamkundisunga ine limoza la mazuŵa agha kuno. Ine nkhumanya chara. Kweni, m’bale, ine ndizamkuŵa wakufwa chara. Ine ndimuphalireninge imwe icho. Chara, bwana. O!

Tizamuwuka! Haleluya! Tizamuwuka!
Pa mlenji ula wa chiwuka, para mphiringizgo
za nyifwa zadumuka,
Tizamuwuka! Haleluya! Tizamuwuka!

Kulije chirichose chinganditondeska ine kuzakawuka. Kulije viŵanda vyakukwanira mu gehena yose vinganditondeska ine kuzakawuka. Kulije chinyake chirichose kumalo kunyake chakuti chinditondeske ine kuzakawuka. Ine ndiri na phangano la Chiuta. Ine ndiri na Mzimu Mutuŵa. Ine ndiri na Zoe, Umoyo Wamuyirayira wa Chiuta, kupumuranga umu. Chithupi chakale ichi chikafuma kwenekula, ndipo Chiuta wakandiwumba ine kufuma ku dongo. Ndipo usange Iyo Uyo wakandiwumba ine kufuma ku dongo. . .

²⁷³ Para ine nkhati ndakula, sono, nyengo yiriyose para ine nkhopulika belu wakulira ku tchalitchi, Chinyake chikayowoyanga kwa ine, mnyamata muchoko waka. Mungelo wakayowoya kufumira mu chivwati, wakati, “Ungamwanga panji kukhweŵa chara. Ine ndiri na ntchito na iwe yakuti uchite. Kukazuzga chara thupi lako, panji kuchimbirachimbira na ŵanakazi na vinthu. Iwe, Ine ndiri na chinyake chakuti iwe uzakachite para iwe wakura.”

“Kasi Imwe ndimwe njani? Kasi Imwe ndimwe njani?”

²⁷⁴ “Iwe uzamkumanya vinandi vya icho kunthazi.” Pakati pajumpha kanyengo, apa Iyo wakwiza. Iyo wayimirira pachanya pa nyengo ya kubapatiza. Iyo wakujiwoneska Iyomwene. Iyo wakujiphara Iyomwene. Iyo wakuzgora. Ine nkhumuwona Iyo wayimirira muchanya, palipose, pa woko lililose.

²⁷⁵ Kasi imwe muchitenge uli, usange Iyo wakandipanga ine icho ine ndiri, kwambura kuŵa na kusankha kulikose. . .? Ine nkhawererako chara kula na kuti, “Sono, Charlie Branham, iwe utore Ella Harvey ndipo mundipange ine ndibabike ku charu

chapasí.” Chara, bwana. Ine nkhaŵavve kusankha kula pa icho. Chiuta wakachita icho.

Ndipo usange Iyo wakandipanga ine icho ine ndiri, kwambura kusankha; kasi ndi pakuru uli, para Mzimu Mutuŵa yura wakundifukatira ine, ndipo ine nkhuŵi, “Inya, Fumu, Imwe ndimwe Mlengi wane. Ine nkhumutemwani Imwe, ndipo ine nkhumuzomerani Imwe ngati Muponoski wane!” Kasi imwe mundisungirirenge uli ine mu dongo? Ungachita chara ichi, m’bale. Ungachita chara ichi.

²⁷⁶ Chiuta ntha wakapanga kachiduswa kamoza aka ka muchere, panji vyoto, panji chinyake, chirichose, ichi chiri kuŵako—chizakatayike. “Wose awo Ŵadada ŵali kundipa Ine, pambere charu chikaŵa chindaŵeko, ŵafikenge kwa Ine.” Whi! Ine nkhuwona ngati ningachemerezga; mu unenesko ine nkhuŵi. “Wose awo Ŵadada ŵali kundipa Ine ŵafikenge kwa Ine, ndipo palije wa iwo wazamutayika, kweni ine ndizamuwuska ichi mu chiwuka.” Ine nkhamupulika Iyo wakuchema, para ine nkhwiza kwa Iyo. Kasi iwo ŵandisungirirenge uli iwo mu dongo la charu chapasi? Kulije ŵakunozga mathupi ŵakukwanira mu charu ŵakuti ŵathire dongo la charu chapasi pa ine na shovelu, ŵangamanya kundisungirira ine mu dongo la charu chapasi. Ine ndizamuwuka zuŵa linyake ndipo ndizamuyimirira mu chilinganizgo Chake, kuchapika mu Ndopa Zake, kubabika na Mzimu Wake! Haleluya! Torani mabungwe ghose imwe mukukhumba kutora; ine nditorenge Yesu. Amen!

²⁷⁷ Munthu wakuguriska insuransi wakiza kwa ine. Wilmer Snyder, mubwezi muweme wa ine. Iyo wakati, “Billy, ine nkhuŵi kuti ndiguriske kwa iwe mugwirizano wa insuransi.”

²⁷⁸ Ine nkhati, “Ine ndiri nawo kale uwu.” (Muwoli wane wakalaŵiska zingirizge, ngati kuti wayowoyenge, “Kasi iwe ukupusikirachi, mnyamata?”)

Wakati, “Iwe uli nayo insuransi?”

Ine nkhati, “Inya, bwana.”

Wakati, “Kasi ukupanga na kampane uli? Kasi iyi ndi vichi?”

²⁷⁹ Ine nkhati, “Chisimikizgo chakutumbikika, Yesu ngwane, o, ntchilinganizgo uli cha uchindami Wauzimu! Muhaliri wa chiponosko, wakugurika na Chiuta, wakubabika na Mzimu Wake, wakuchapika mu Ndopa Zake.”

²⁸⁰ Iyo wakati, “Icho ntchiweme, Billy, kweni ichi chamkukuŵika mu dindi chara iwe.”

²⁸¹ Ine nkhati, “Ichi chizamkundifumiskamo ine.” Haleluya! Ine nkhwenjirwa chara za kuzakanjira mula; ndi kufumamo.

²⁸² Mwantheura, ine ndiri na insuransi iyo yikundiphalira ine, “Ine ndizamukuwuska iwe. Wose awo Wadada wali kundipa Ine ndi Wane.” Ine nkhipwerera chara icho adada wane wakachita, icho amama wane wakachita, chirichose icho chikaŵako. “Wose awo Wadada wandipa Ine wafikenge kwa Ine, ndipo kulije munthu wangamanya kwiza pekhapekha Wadada Wane wamuchema iyo.” Haleluya! Ntchifukwa uli Iyo wakaŵachema iwo? “Ine nkhaŵamanyirathu iwo pambere charu chikaŵa chindaŵeko. Para Ine nkhakoma Mwanamberere, Ine nkhamukoma pamoza na Iyo.” Amen. “Ine nkhausankhirathu Mpingo.” Kasi kusankhirathu kuli na vichi? Mpingo. Kasi imwe mukunjira uli mu Mpingo? “Na Mzimu umoza ise tose tikubapatizikira mu Thupi limoza.” Iyo wakamanya, pambere charu chikaŵa chindaŵeko, kuti ise tizamkuŵako kula. “Ndipo iwo weneawo Iyo wakaŵamanyirathu, Iyo wali kuŵachema. Iwo weneawo Iyo wali kuchema, Iyo wali kuŵarunjiska. Iwo weneawo Iyo wali kurunjiska, Iyo wali kuŵatuŵiska kale.”

²⁸³ Mu Mabuku gha Chiuta, Iyo wali kuyowoya kuti Iyo wazamukumana nane nkhanira kwenekula. Kulije viwanda vyose kufuma ku gehena vingamanya kuwatondeska kufika nkhanira kula, chifukwa Chiuta wali kuyowoya kale nthura, ndipo icho chikukhazikiska ichi. Usange... Virimika handiredi biliyoni pambere charu chikaŵa chindapangike, nyenyezi za mlenji zikayimbira pamoza ndipo wana wa Chiuta wakachemerezga mu chimwemwe, pambere lufura lwa charu likaŵa lindaŵeko. Mukuwona? Pambere kundaŵeko lu... Ndipo Wangelo wara na chirichose wakakondwera, kuchemerezganga za ichi, pambere lufura lwa charu lindaŵeko. Kasi devulu wandisungirirenge uli ine mu dongo la charu chapasi? Wangachita chara ichi. Iwe ukuneneska.

²⁸⁴ Tiyeni tiwone, sono. Iyi ndi nyengo yakumasuka ine ndiri nayo, kudera kuno. Iyi ndi maminiti twente kuti yikwane eleveni. Apo ndi maminiti twente pera kuti yikwane teni. Ndi unenesko uwo, M'bale Wood? Ndi unenesko, maminiti twente kuti yikwane teni. Waliyose ngwakukondwa?

O, nkhuwona ngati ningarutanga,
Nkhuwona ngati ningarutanga;
Nyumba yane Yakuchanya njakuwara ndipo
njiweme,
Ndipo nkhuwona ngati ningarutanga.

O, nkhuwona ngati ningarutanga,
Nkhuwona ngati ningarutanga;
Nyumba yane Yakuchanya njakuwara ndipo
njiweme,
Ndipo nkhuwona ngati ningarutanga.

²⁸⁵ Imwe mukuzitemwa sumu zakale ngati iyo? Yikaŵapo yimoza yakale ise tikatemwanga kuyimba, yinyake yakuti,

“Wezi na lusungu vikandisanga ine. Kula Nyenyezi ya Mlenji yikaŵara.” Kasi iyi njakuti uli, Mlongosi Gertie? Tiyeni tiwone. Umo. . . Kasi iyi njakuti uli, M'bale Neville? Wonani, yinyake, “Wezi na lusungu vikandisanga ine. Kula Nyenyezi ya Mlenji na Yakuŵara yikawoneska Wake. . . ?. . . kuzingilira ine.” U-nhu. Inya. “Mu mphinjika.” Tipase chuni ise pa iyo, mlongosi, yakuti, *Kufupi Na Mphinjika*. Zanga kuno, M'bale Neville. O, ine nkhezitemwa izi. Kasi mbalinga ŵakuzitemwa sumu zakale zakuzozgeka? Imwe mungamanya kuŵa na zinu zose za kudukira-muchanya-na-pasi za gwedemura imwe mukukhumba. Ndipaseni ine iyi, “Apa ndipo wezi na lusungu vikandisanga ine.” Mphenepapo. Viri makora, makora sono.

Yesu, mundisunge kufupi na mphinjika,
Kuli mbwiwi yakuzirwa,
Ngwaulere kwa wose, mronga wa machirisko,
Kwikha kufuma ku phiri la Mphinjika.

Mu mphinjika, mu mphinjika,
Muŵe uchindami wane;
Mpaka uzima wane wakusweka usange
Kupumura kuseri kwa mronga.

²⁸⁶ [M'bale Branham wakuyamba kung'ung'uta *Kufupi Na Mphinjika*—Munozgi.] O, kunozga! Ghanaghanani za ichi! Uli usange wakaŵako chara Muponoski? Uli usange ise tikaŵa nagho chara Mazgu agha? Uli usange Iyo wakamuchemani chara imwe? Uli usange Iyo wakamumanyiranthu chara imwe, ndipo imwe mukaŵa kuwaro uku mu charu chose ichi usiku uwu? Kasi imwe mukumutemwa Iyo? O, mwe! Kuruwa chara visopo vya mlenji, sono, pa nayini-sate.

Mu mphinjika, mu mphinjika,
Muŵe uchindami wane;
Mpaka uzima wane wakusweka usange
Kupumura kuseri. . .

²⁸⁷ Sono tipase chuni ise pa *Malo Pa Mbwiwi*. Sumu yiweme yakale iyi, “Malo Ghalipo Pa Mbwiwi.” Kasi mbalinga ŵakuyimanya iyi? “Malo, malo, inya, malo ghalipo, malo pa Mbwiwi.” Para iwe ukuyimba iyi sono, nkhanira mwakachetechete zgokerani waka, kumphepete kwinu, ndipo koraniko chasa kwa m'bale yura. Imwe mukumanya, malo ghalipo sono kwa ŵa Methodist mose. Malo ghalipo kwa ŵa Baptist. Malo ghalipo kwa wa Pentekosite. Malo ghalipo kwa ise tose sono, pa Mbwiwi. Kasi mbalinga ŵakuyimanya sumu yakale? O, nadi imwe mukuyimanya. Ŵanyake ŵa imwe mwaŵakale sono, iyi njiweme, sumu yakale ya ku Kentucky sono.

Malo, malo, (koranani chasa), inya, malo
ghalipo,
Malo ghalipo pa Mbwiwi gha ine;

Malo, malo, inya, malo ghalipo,
Malo ghalipo pa Mbwiwi gha ine.

O, malo, malo, malo ghalipo ghanandi,
Malo ghalipo pa Mbwiwi gha iwe;
O, malo, malo, inya, malo ghalipo,
Malo ghalipo pa Mbwiwi gha iwe.

²⁸⁸ Sono, ine ndiri na chakumuzukumiskani chichoko imwe. Maupharazgi ghose ghasonosono, na mabuku, na chirichose, vizamkuŵa pa malonda ku chigaŵa chinyake cha tchalitchi, sabata yikwiza, pa maungano; matepi na chirichose, na vyose, mu kawonekero kaweme ka mabuku. Kuzamkuŵa thebulo kumanyuma uko, mu chimoza cha vipinda. Ndipo mabuku, maupharazgi ghasonosono, na vyakulemba vinyake viweme ivyo vikatumizgika kale pakudanga, mu mabuku ghaphya, kulemba kuphya, vyose vizamkuŵapo, ndipo mu—ku umaliro wa nyumba, pa Chitatu chikwiza ichi usiku.

Ndipo ise tikukhazga a—nyengo yiweme mwa Fumu. Fikani, mukuromba, sono. Sono, chemani ŵarwari ŵinu na ŵakukomwa, ŵalembeni kalata iwo. Fikani nawo kuno. Ise a . . . Chiuta wazamuchita waka mwankhongono. Ndipo ise tikumanya kuti Iyo wachitenge ichi sono.

²⁸⁹ Ndipo sono ine ndiri kuruta kwa waliyose uyo ine nkhumumanya, wakaŵa na chinyake chichoko. Usange chiripo chinyake chikwenda makora chara sono, imwe kumbukirani, ine nkhamuphalirani imwe kale chomene, ise tikati tinozgenge ichi. Ndipo ine nkhumanya kuti imwe mukumanya kuti kuli mzimu wachilendo kuno kuruska uwo ukaŵako. Mukuwona? Mukuwona? Mukuwona? Uwo mbunenesko. Sono, mungazomerezganga chara uwu ufumeposo. Ine nkhumulangulani imwe panthazi pa Yesu Khristu, imwe mungazomerezganga chara uwu ufumepo. Khalani nkhanira muno na uwu, wonani, khalani waka na chirichose mwakulimbika ndipo rutaninge munthazi. Imwe ndimwe ŵabale. Ndi m'bale wako panji mlongosi uyo wakuchita chinyake chiheni chara; ndi mzimu ula wa devulu ukufika mwenemula. Wonani, uwu ukwendendeka. Ndipo muchitireni waka chitima m'bale panji mlongosi, ndipo manyani ndi Satana wakwiza pakatikati. Usange imwe mukuwona kuti chirimo ichi, imwe fumiskanimo ichi mwa imwe nkhanira mwaluŵiro, imwe wonani, chifukwa ichi chimunangeninge imwe. Inya, ichi chichitenge. Mwantheura, khalani kutali na ichi. Kumbukirani waka.

Malo ghalipo, malo, malo nganandi,

Malo ghalipo kwa ŵa Methodist, malo kwa ŵa Baptist, malo kwa wa Prezibetere. Malo ghalipo kwa wose.

Malo, malo, inya, malo ghalipo,
Malo ghalipo pa Mbwiwi gha ine.

290 Kasi mbalinga wákuyikumbukira sumu yithu yakale yakufumira, ntheura?

Yegha Zina la Yesu na iwe,
Mwana wa chitima na wasoka'we;
Likupenge chimwemwe na chipembuzgo,
Yegha Ili kulikose ukuruta.

Nakhumbanga nthena wangukhalira na ise, M'bale Jeffreys, iwe na Mlongosi Jeffreys, na wanyamata uko, na iwo wose.

Ndipo pa Zina la Yesu nkhwadira,
Kuwa mwantchindi pa marundi Ghake; (O,
mwe!)
Fumu ya mafumu Kuchanya tamkuyivwarika,
Para ulendo withu wamara.

Yegha Zina la Yesu na iwe,
Yegha Ili ngati Chiskango muhanyauno;
O, para viyezgo vvasenderera kufupi nawe,
Thuta Zina Lituwa m'kuromba.

O, ine nkhuitemwa iyo. Mukuchita chara imwe? Zina lakuziswa lira la Yesu! Sono, tiyeni tiyimirire sono nthena, apo ise tikwimba sono. Viri makora.

Yegha Zina la Yesu na iwe,
Mwana wa chitima na wasoka'we;
Likupenge . . .
[M'bale Branham wakuyowoya na M'bale
Neville—Munozgi.]

O kunowa!
Chigomezgo cha charu na chimwemwe cha
Kuchanya;
Zina lakuzirwa (O Zina lakuzirwa), O kunowa!
Chigomezgo cha charu na chimwemwe cha
Kuchanya.

291 Ichi ndi chakulekana pachoko sono. Tiyeni tisindamiske waka mitu yithu sono, ndipo, nkhanira mwakachetechete, tiyeni tikwezge muchanya woko limoza. Yowoyani:

Pa Zina la Yesu nkhwadira,
Kuwa mwantchindi pa marundi Ghake,
Fumu ya mafumu Kuchanya tamkuyivwarika,
Para ulendo withu wamara.

Zina lakuzirwa, O kunowa!
Chigomezgo cha charu na chimwemwe cha
Kuchanya;
Inya, Zina lakuzirwa, O kunowa!
Chigomezgo cha charu na chimwemwe cha
Kuchanya.

²⁹² Na mitu yithu yakusindama mwakurutirira, ise tikuti...
[M'bale Branham wakuyamba kung'ung'uta *Yegha Zina La Yesu*
Na Iwe—Munozgi.]



NTCHIFUKWA ULI ISE NDISE BUNGWE CHARA? CTK58-0927
(Why Are We Not A Denomination?)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Chisulo kumise, Seputembara 27, 1958, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugaŵika na Voice Of God Recordings.

CHITUMBUKA

©2018 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org